

Nassuiaatit nalinginnaasut

1. Aallaqqaasiut	1
2. Immikkoortut pingaarnerit	3
2.1. Ingerlatseqatigiiffinnut kommunip aggornerisa avataanni nunani allani illersornissamut oqartussanik sullissisartunut akileraartussaataitanermut tunngasut.	3
2.2. Akeqanngitsumik ajunngitsorsiassaqaartinneqarneq	4
Inatsisit atuuttut	6
Siunnersuut – allannguutini pingaarnertigut malinneqartut	7
2.3.1. Akiliunneqarluni angalanerit – inatsisit atuuttut	8
2.3.2. Akiliunneqarluni angalanerit – siunnersuut	10
2.3.3. Akeqanngitsumik ineqarneq, ilanngullugit utaqqiisaasumik najugaqarallartunut najugaqarallartunullu ineqartitsineq – inatsisit atuuttut	15
2.3.4. Akeqanngitsumik ineqarneq, ilanngullugit utaqqiisaasumik najugaqarallartunut aamma najugaqarallartunut ineqartitsineq – siunnersuut	16
2.3.5. Akeqanngitsumik ineqartitaaneq - inatsisit atuuttut.....	20
2.3.6. Akeqanngitsumik ineqartitaaneq – siunnersuut	20
2.3.7. Akeqanngitsumik nerisaqarneq – inatsisit atuuttut	20
2.3.8. Akeqanngitsumik nerisaqarneq - siunnersuut	21
2.3.9. Akeqanngitsumik oqarasuaateqarneq – inatsisit atuuttut	22
2.3.10. Akeqanngitsumik oqarasuaateqarneq – siunnersuut	22
2.3.11. Akeqanngitsumik internetseqarneq – inatsisit atuuttut	22
2.3.12. Akeqanngitsumik internetseqarneq – siunnersuut.....	23
2.4. Akeqanngitsumik biileqartitaanerup akileraarutigut nalinga	23
2.5. Pisassanit iluanaarutinin akileraarusiisarneq - Erniat ikinnerpaaffissaannut annertussusiliussap allanngortinneqarnera	24
2.6 Ilanngaatinut annertussusiliussat assigiinngitsut il.il. inatsimmi aalajangersarneqarnerat	27
2.7. Uppernarsaasiisussaataitanermut piffissamut killiliussanik aamma naammassinninnginnermi iliuusissanik erseqqissaaneq.....	29
2.8. Ingerlatseqatigiiffiit peqatigiiffiillu il.il. akileraaruteqarallartarnerat	31
2.9. Suliffeqarnermut ilanngaammit isertitanut tunngavissani sunniutaasumik iluarsinerit	33
2.10. Akileraarutininut B-nut ukiumut akilersugassanut 12-inut allanngortitsineq	33
3. Pisortanut aningaasaqarnikkut allaffissornikkullu sunniutaasussat	34
4. Inuussutissarsiortunut aningaasaqarnikkut allaffissornikkullu sunniutaasussat	37
5. Avatangiisinut, pinggortitamut inuillu peqqissusaannut sunniutaasussat	38
6. Innuttaasunut sunniutaasussat	38
7. Sunniutaasussat annertuut allat	38

1. Aallaqqaasiut

Siunnersuut aningaasarsianit akileraarutit pillugit Inatsisartut inatsisaannut allanngortitsinernik assigiinngitsunik imaqarpoq.

Siunnersuutip atuunnerani suliassat Kalaallit Nunaanni kommunit aggornerisa avataanni nunani allani illersornissamut oqartussat sullinnerini suliarineqartussat, aktiaateqarluni imaluunniit pigineqataassuteqarluni ingerlatseqatigiiffinit Kalaallit Nunaanni angerlarsimaffeqartutut nalunaarsorsimasunit aammalu aqutsisut Kalaallit Nunaanniippata, aatsaat suliarineqarsinnaapput.

Erniat minnerpaaffissaannut aalajangersaanissamut tunngavissaq erniamik nalinginnaasumik taarserneqassasoq, siunnersuutigineqarpoq. Inuussutissarsiorluni imaluunniit iluanaarluni pisut avataanni inuit qaqugukkut pisassanik taamaatitsinermi iluanaarutinit, soorlu akiitsunut allakkiat, akileraartussaataalernerannut erniat minnerpaaffissaannut annertussusiliussaq aalajangiisuusarpoq.

Siunnersuutigineqarpoq akiliunneqarluni ajunngitsorsiassat aalajangersimasumik ilusillit, akileraartussaataasumut il.il. atugassiissutigineqartut, nalingi inatsimmi aalajangersarneqassasut. Tamatumunnga pingaarnertigut siunertaavoq maleruagassat allaffissornikkut aqunneqarnerannik pisariinnerulersitsinissaq, kiisalu nalinginik aalajangiisarnerup ajunngitsorsiat nalinginut naapertuunnerulersinneqarnissaa. Tamatuma saniatigut ajunngitsorsiassat taakkua tigusisumut A-tut isertitanngortinneqarnissaat siunertaavoq.

Tamatatumunnga nangissutigalugu akeqanngitsumik biileqarneq pillugu annertussusiliussat iluarsineqarnissaannut siunnersuummik, siunnersuut imaqarpoq.

Siunnersuutigineqarpoq akileraarutitigut ilanngaait annertussusaat il.il., maannamut ukiumoortumik Inatsisartut aalajangiinerisigut aalajangersarneqartartut, inatsisip oqaasertaanni toqqaannartumik aalajangersarneqassasut. Tassani pineqarput inummut ilanngaat aamma ilanngaat aalajangersimasoq, isertitat b-t akileraaruteqaataasussaangitsut aningaasartaat aammalu killilimmik akileraartussaataanermit ilanngaat. Tamatuma saniatigut kommunini ataatsimoorussamik akileraarutinit procentiliussaq inatsimmi aalajangersarneqassasoq siunnersuutigineqarpoq. Annertussusiliussat taakkua qaqutigunnaq allanngortinneqartarsimanagerat, aammalu allanngortinneqarsimatillugit annertussusiliussat ukiorpassuarni aalajangersimasuusarnerat, siunnersuummi pingaarnertut tunngavigineqarpoq. Allaffissornikkut aalajangiiffisassasut siunnersuummik piareersaaneq, tusarniaaneq, isummernissamut tunngavissiaq aamma saqqummiussissut piffissap ingerlanerani ileqquuginnalsimapput. Tamatuma saniatigut siunertaavoq ilanngaait annertussusaat pillugu, taakkua inatsisip oqaasertaanni toqqaannartumik allassimalernerisigut, innuttaasunut paasiuminarnerulersinneqarnissaat.

Siunnersuutigineqarpoq ingerlatseqatigiiffiit il.il. ingerlatseqatigiiffiup akileraarutigigallagassaata akilernissaanut periarfissinneqassasut. Ingerlatseqatigiiffiit taamaaliorunik, ingerlatseqatigiiffiup akileraarutaannit 6 %-imik akileraaruserinermik ingerlatsineq pillugu Inatsisartut inatsisaanni maleruagassat malillugit ukiup isertitaqarfiusup

(ukioq akileraarusiiffiusoq) kingorna ukiumi akilerneqartartumik tapertussaaneq pinngitsoorsinnaassavaat.

Siunnersuutigineqarpoq transfer pricingimik uppernarsaammik nassiussisarnermut piffissamut killiliussaq erseqqissarneqassasoq. Tamatumunnga nangissutigalugu siunnersuutigineqarpoq transfer pricingimut uppernarsaammik aamma nunamit-nunamut nalunaarusiamik suliaqartarneq nassiussisarnerlu pillugit maleruagassat malinneqannginnerannut pineqaatissiissutinik atuutsitsisoqalissasoq.

Siunnersuutigineqarpoq akileraarut B ullumikkutut akilersorneqartussani 10-ni pinnani akilersorneqartussani 12-nik akilersinneqartassasoq.

Kiisalu Inatsisartut inatsisaanni nr. 18, 30. november 2020-imeersumi soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaanni allanngortitsinerup malitsigisaanik suliffeqarnermut ilanngaatt pillugu inatsimmi aalajangersakkani sunniutaasumik iluarsiinissaq siunnersuummi siunertaavoq.

2. Immikkoortut pingaarnert

2.1. Ingerlatseqatigiiffinnut kommunip aggornerisa avataanni nunani allani illersornissamut oqartussanik sullissisartunut akileraartussaataaneqarnermut tunngasut.

Aalajangersagaq Pituffimmi sakkutooqarfimmi kiffartuussinissamut isumaqatigiissut pillugu neqeroortitsinerup piomasagaatit isumaqatiginninniutigineqarnerinut, 2020-mi naammassineqartunut, attuumassuteqarpoq.

Aalajangersakkami siunertaavoq Kalaallit Nunaata sinneqartoortinut, iluanaarutinut aamma aningaasarsianit akileraarutinut, sullissinernit pissarsiarineqartunut akileraarusiisnaatitaanerata illersorneqarnissaa. Aalajangersagaq siunertamut kontumut 24.10 Akileraarutit toqqaannartut, 2021-mut Aningaasanut inatsimmi atuutsinneqalersumut oqaasertaliussami nr. 6-imut inatsisitigut aalajangersaaneruvoq taassuminngalu taarsiinerulluni.

Siunnersuutigineqarpoq suliassaq sumiiffinni Kalaallit Nunaanni kommunit aggornerisa avataanniittuni nunanit allamiut illersornissamut oqartussat sullillugit suliarineqartut, aktiaatileqatigiiffinnit imaluunniit piginneqatigiilluni ingerlatseqatigiiffinnit Kalaallit Nunaanni angerlarsimaffeqartutut nalunaarsorsimasunit aammalu aqutsisui Kalaallit Nunaanni najugaqartunit taamaallaat suliarineqaqqusaassasut. Inatsimmi § 1, imm. 1, nr. 3 aamma marloqiusamik akileraarusiisanninnissamut isumaqatigiissutit Kalaallit Nunaata isumaqatigiissutigisimasai malillugit, tamatuma atuunnerani ingerlatseqatigiiffik Kalaallit Nunaannut tamakkiisumik akileraartussaataasussaavoq aamma akileraartarnikkut tassani angerlarsimaffeqassalluni. Tamatuma saniatigut tamanna aamma suliffeqarfiup pilersuisuinut aamma entreprenøriinut atuutissasoq siunnersuutigineqarpoq.

Aalajangersagaq inatsimmi § 3, imm. 1, nr. 7-imut nangissutitut isigineqassaaq, tassani inuit suliffeqarfiillu ilaalu ilanngullugit, Kunneqarfik Danmarkip aamma Amerikami

Naalagaaffiit Peqatigiit naalakkersuisuisa akornanni Atlantikup avannaanut isumaqatigiillutik aalajangersagaat naapertorlugu isumaqatigiissummi artikel VII-mi pineqartunut ilaasut, Kalaallit Nunaata illersorneqarnerani Kalaallit Nunaanut akileraartussaataanerme ilaatinneqarnatik.

Inatsimmi § 3, imm. 1, nr. 7-imi pisussaajunnaarsitsinerme, Amerikamiut suliffeqarfii taakkualu sulisui, sakkutooqarnikkut illersuinissamut imaluunniit Amerikami naalakkersuisunut isumaqatigiissutit naapertorlugit suliassanik suliaqartut, pisussaajunnaarsinneqarput. Amerikamiuunngitsut suliffeqarfii taakkualu sulisui pisussaajunnaarsitsinerme ilaatinneqanngillat, aamma illersornissamut suliassaqarfimmi suliassanik suliaqaralaruunilluunniit, takuuk ØLD 8. september 1983-imeersoq. Taamaallilluni aalajangersakkami siunnersuutigineqartumi isumaqatigiissutit isumaqatigiissutaareersut ataqinneqarput.

Siunnersuutigineqarpoq pissutit immikkorluinnaq ittut pineqartillugit aalajangersagaq taakkua ataanni pilersuisuusunut atuutissanngitsaq. Taakkua assersuutigalugu tassaasinnaapput suliassat kinguartinneqarsinnaanngitsut pisumi pineqartumi nunani allani illersornissamut oqartussat siunertaannik sularinninnissamik akornusiisussaasoq.

Permanent Committee-mi (Ataatsimiititaliaq Ataavartaq) aalajangersakkami aalajangersagaq naapertorlugu nassuiarneqarnera aamma immikkut ittumik akuersissuteqartarnerit pillugit oqaloqatigiittoqassasoq isumaqatigiissutigineqassasullu naatsorsuutaavoq. Ataatsimiititaliaq Ataavartaq, Kalaallit Nunaata illersorneqarnera pillugu isumaqatigiissutip 27. april 1951-imeersup allanngortinneqarnera ilassuteqarfigineqarneralu pillugit Amerikami Naalagaaffinni Peqatigiinnut isumaqatigiissut 6. august 2004-meersoq naapertorlugu pilersinneqarpoq. Namminersorlutik Oqartussat Nunanut Allanut Naalakkersuisoqarfik aallartitalalugu ataatsimiititaliami sinniisoqarput.

2.2. Akeqanngitsumik ajunngitsorsiassaqartinneqarneq

Inatsimmi § 13, imm. 1 malillugu isertitani akileraaruteqaataasussani akileraartussaataasup ukiumoortumik isertitai tamarmiusut pineqartunut ilaatinneqarput, isertitat aningaasaanersut imaluunniit aningaasanik nalilinnik pisuussutinit ajunngitsorsiassaanersut eqqarsaatigineqarani. § 14, nr. 2-mi allassimavoq taakkunani assersuutigalugu ilaatinneqartut allat pigisaannik akeqanngitsumik atuinermi isertitat.

Taamaattumik sulisitsisoq sulisup nammineq atugassaannik ajunngitsorsiassamik akeqanngitsumik atugassiippat, sulisoq ajunngitsorsiamit taassuminnga akileraaruserneqassaaq. Tassani aamma pineqarput akeqanngitsumik ajunngitsorsiassat, sulisitsisumut tunngasut avataanni atugassiissutigineqartut, assersuutigalugu ingerlatseqatigiiffik amerlanerussuteqarluni aktiaatillip katissimallugu apparisaanut inissiamik akeqanngitsumik atugassiisimappat.

Sulisooq ajunngitsorsiasamat sulisitsisumut tamakkiisumik ilaannaasumilluunniit akiliisimappat, tamanna ajunngitsorsiasap nalinganik naatsorsuinermit ilanngaatinneqassaaq.

Siunnersuutip atuunnerani akeqanngitsumik ajunngitsorsiasat akileraarutitigut suliarineqartarnerat inatsimmi aalajangersarneqarpoq. Tassani pineqarput akeqanngitsumik ineqarneq, akeqanngitsumik ineqartitaaneq, akeqanngitsumik nerisaqarneq, akiliunneqarluni angalanerit, akeqanngitsumik oqarasuaateqarneq aamma akeqanngitsumik internetseqarneq. Tamatumunnga siunertaavoq maleruagassat pisariinnerulersinneqarnissaat, tamannalu ilaatigut akileraarutermut ingerlatsivimmi digitalimik aaqiissutissanik atuinerulernissamat tunngavissiisaaq. Siunnersuut tamatuma saniatigut pisut ilaanni siunertaavoq ajunngitsorsiat akileraarutitigut inissinneqartarnerannik niuernermit nalinganut naapertuunnerulersitsinissaq. Tamanna naligiinnerusumik akileraarusiisalersitsisaaq, tassami isertitat taamaaliormi aningaasarsiatut imaluunniit pisuussutinit iluanaarutitut isikkoqarnersut apeqqutaatinnagu naligiinnerusumik akileraaruserneqartalissammata.

Tamatumunnga peqatigitillugu siunnersuutigineqarpoq akeqanngitsumik ajunngitsorsiat nalingi siunnersuut malillugu annertussusilerneqartut, inatsimmi § 75, imm. 2-p allanngortinneratigut A-tut isertitanngortinneqassat. Taamaattoq tamanna aatsaat ulloq 1. januar 2023 aallarnerfigalugu atuutilisaaq, tassami sulisitsisut aamma akileraarutermut ingerlatsivik allannguutit IT-mut periaatsiminni il.il. atuutsilernissaannut piffissaqartinneqartussaammata.

A-tut isertitanngorlugit allanngortitsinerup atuutilernerani, sulitilluni pisuni ajunngitsorsiasap atugassiisutigineqarnerani qaammatikkaartumik unerartitsisussaataasooq akileraarutinit A-nik unerartitsisaaq, nalunaarutiginnisaaq akiliissallunilu. Siulersuisuni ilaasortat kiisalu siunnersuisooqatigiinni isumalioqatigiissitanilu ilaasortat il.il. pineqartillugit, taamaaqataa atuutisaaq. Akileraarut taamaalilluni isertitaqalermut piffissatigut ataqatigiinnerusumik akiligassanngusaaq, aammalu akileraarutinit akilinngitsuukkanik akiitsoqalersinnaanerup B-nik isertitaqarnermut atassuteqartup, aarlerinaateqarnera annikillisinneqassaaq.

Tamatuma saniatigut sulisunut tamanna pisariinnerulersitsisaaq, tassami taakkua ukiumi isertitaqarfiusumi akeqanngitsumik ajunngitsorsianut naatsorsuutigisaminnik siumoortumik nalunaarsuisarunnaartussaapput. Siunissami unerartitsisussaataasooq sulisooq sinnerlugu ukiup isertitaqarfiusup ingerlanerani ataavartumik akileraarutinit A-nik unerartitsisussaavoq. Naatsorsuutigineqarpoq innuttaasut akeqanngitsumik ajunngitsorsiasaqartinneqartut akileraarutinit tapissanut akiligassat akiligassat ikinnerulissasut.

Tamatuma saniatigut siunnersuutip malitsigisaanik aningaasarsianut akissarsianullu sanilliullugu, akeqanngitsumik ajunngitsorsiat B-tut isertitatut isigineqarunnaarnerisa malitsigisaanik akileraarutitigut naligiinnerusumik suliarineqartalissapput. B-tut isertitani B-tut isertitat aningaasartaasa akileraaruteqaataasussaanninnerat pissutigalugu ukiumut 5.000 koruunit siulliit ilanngunneqartanngillat. Taamaattumik 6.000 koruuninik aningaasarsiatut

tunniunneqartartunut aningaasarsianik qaffaaneq, sulisitsisup ukiumut 6.000 koruuninik nalilinnik akeqanngitsumik oqarasuaammik atugassiineranit, qaffasinnerusumik akileraaruteqartitsisussanngorsinnaavoq. Siunnersuut malillugu pisuni marlunni taakkunani A-tut isertitaasussaapput, taamaattumillu assigiimmik akileraaruserneqartussaallutik.

Inatsisit atuuttut

Inatsisit atuuttut malillugit § 13, imm. 1-imi aallaavigineqarpoq, ajunngitsorsiat isertitat allatuulli tiguisumut akileraaruteqaataasussaasut. Ajunngitsorsiat nalinganut akileraartussaataasup nammineerluni pisiarissagaluaruniuk qanoq akeqarnissaanut (niuernermit nalinga) aalajangiunneqassaaq, tassami taanna akileraartussaataasumut *aningaasartuutinik sipaaruteqartitsimmat*.

Akileraartarnermut ingerlatsivik ullumikkut nalunaarummik Naalakkersuisunit akuerineqartumik, aammalu ajunngitsorsiasanut arlalinnut akileraarutitigut annertussusiliisarnermut ilitersuutinik imaqartumik, saqqummiussisarpoq. Annertussusiliinerit taakkua akileraartarnermut ingerlatsivimmit akileraartussaataasumillu aallaavissat atorneqarput, kisianni assersuutigalugu akileraartussaataasup uppersarpagut ajunngitsorsianut aningaasartuutiviusut allaanerusut, saneqqunneqarsinnaallutik. Annertussusiliinerit aammattaaq ajunngitsorsiap nalivia nalunaarutip imarisaanut ersarissumik naapertuutinnigsumik inissisimappat, akileraartarnermut ingerlatsivimmit saneqqunneqassapput. Assersuutigalugu sulisitsisup sulisup aqutsisuusup ullut tamaasa neriniartarfimmi akimarpalaartumi nerisarneranut aningaasartuutit akilertarsimappagit, tamanna nalunaarummi akeqanngitsumik nerisaqarnermut oqaatsimi ilaatinneqartut avataanniissimassaaq. Pisumi tassani neriniartarfiliarnerit nalivii akileraaruteqaataasussaassapput.

Akeqanngitsumik ineqartitaaneq aamma akeqanngitsumik nerisaqarneq, nalunaarutini annertussusiliussat akornanni immikkoortinneqarput, taakkua maleruagassat pingaarnertut atuullutik, tulliullugulu immikkut maleruagassaq akeqanngitsumik nerisaqarnermut aamma akeqanngitsumik ineqartitaanermut, annertussusiliussat ”inunnut kommunit aggornerisa avataanniittunut il.il.” tunngassuteqartut appasinnerullutik.

Inunnut kommunit aggornerisa avataanniittunut il.il. inuit pissusiviusuni eqimattakkuutaat pingasut ilaatinneqarput:

- Kommunit aggornerisa avataanni sumiiffinni sulisut (taamaattoq Pituffimmi sulisut pineqartik).
- Suliffeqarfinni aatsitassat pillugit ingerlatallu tamatumunnga pingaarutillit pillugit inatsisartut inatsisaat malillugu akuersissutit naapertorlugit aatsitassarsiorluni misissueqqaarnermik aatsitassanillu piiiaanermik suliaqartuni sulisut.
- Inuit sanaartugassani annertunerusuni aalajangersimasuni kommunit imaluunniit Namminersorlutik Oqartussat sullillugit suliarineqartuni sulisut, aammalu sulisut piffissani sulinnigiffiusuni najugaqarfiugallartunik atueqqusaanatik. Piumasaqaataavoq

sanaartugassaq sanaartornermut aningaasartuutit 500 mio. koruunit sinnerlugit annertussuseqartuussasoq.

Inunnut taakkununga kiisalu Pituffimmi sulisunut tamatuma saniatigut atuuppoq, akiliunneqarluni angalanerit taamaallaat akiliunneqarluni angalanermut ataatsimut 2.000 koruuninik akileraaruserneqassasut.

Siunnersuut – allannguutini pingaarnertigut malinneqartut

Siunnersuutip atuunnerani akiliunneqarluni angalanerit, akeqanngitsumik ineqarnerup, akeqanngitsumik nerisaqarnerup, akeqanngitsumik ineqartitaanerup, akeqanngitsumik oqarasuaateqarnerup aamma akeqanngitsumik internetseqarnerup nalingisa inatsimmi aalajangersarneqarput. Tulliullugu siunnersuutigineqarpoq ajunngitsorsiat taakkua, kiisalu akeqanngitsumik biileqarneq, isertitanut A-nut ilanngunneqassasut.

Ajunngitsorsiasat taakkua, pissusiviusut aalajangersakkat ataaniitsinneqarsinnaatillugit, akileraarutitigut suliarineqarneranni siunissami inatsimmi aalajangersakkat malinneqassapput.

Tamatuma saniatigut pisut ilaanni naatsorsuineri periaaseq nutarterneqarpoq. Tamanna assersuutigalugu akeqanngitsumik ineqarnerup annertussusilerneqarnerani pissaaq, tassani naatsorsuineri periaaseq pissutaalluni akileraarutitigut inissiinerit akit ineriartornerannut malinnaatinneqarsimanatik.

Naatsorsuutigineqartariaqarpoq pisut ilaanni annertussusiliussassatut siunnersuutigineqartut pissusiviusunit allaanerusinnaasut. Tamanna sillimaffiginiarneqarpoq, taamaalilluni pisut ilaanni killilersugaanngitsumik niuernerim ajunngitsorsiasat nalingi inatsimmi nalinginiit 20 procentimik appasinneruppat, nalingani appasinnerusumut annertussusilerneqarnissaanut akileraartarnermut ingerlatsivimmit akuersissuteqarfigineqarnissaq piumasarineqarsinnaassalluni. Paarlattuanik ajunngitsorsiasat nalingi pineqartut nalinginit aalajangersarneqartunit 20 procentimik qaffasinneruppata, akileraartarnermut ingerlatsiviup nalingi qaffassinnaavai. Plus/minus 20 procentimik assigiinngissuteqartitsinerup atuunnerani, nikingassutaasut annikinnerusut nalinginit aalajangersagaasunit allaanerutitsinissamut tunngavilersuutigissallugit naammangillat.

Annertussutsinik iluarsineq

Siunnersuutigineqarpoq akeqanngitsumik ineqarnermut, akiliunneqarluni angalanermut, najugaqarallartunut imaluunniit utaqqiisaasumik najugaqarallartunut ineqartitsineq, akeqanngitsumik nerisaqarnermut aamma akeqanngitsumik ineqartitaanerimut annertussusiliussat akigititamut naleqqussaaneqarnermut procentiliussaq atorlugu iluarsineqassapput, taamaalilluni ajunngitsorsiasat nalinginik aalajangersaaneq aningaasarsiani ineriartornermut malinnaatinneqassalluni, taamaalillunilu piffissap ingerlanerani sunniutaarutinneqassanani, tamannami naligiinnginnerusumik akileraarusiinerimik kinguneqartussaammat. Annertussusiliussat iluarsineqartarnissaat,

suleriaatsinut atuuttunut naapertuuppoq, tassami annertussusiliussat amerlanersaat ukiumoortumik akileraartarnermut ingerlatsivimmit nalunaarutini iluarsineqartarmata. Tamatuma saniatigut siunnersuutigineqarpoq akeqanngitsumik biileqarnermut annertussusiliussat akinik naleqqussaannermut procentiliussamik iluarsineqassasut. Tamanna siunnersuutip tusarniaassutigineqarnerani ilaatinneqaqqaanngilaq. Kisianni mianerisassat matuma siuliani nassuiarneqartut aamma akeqanngitsumik biileqarnermut atuupput, taamaattumik tusarniaanermut piffissap naareernerata kingorna siunnersuut immikkoortumi tassani iluarsineqarluni.

Siunnersuutigineqarpoq akeqanngitsumik internetseqarnej aamma akeqanngitsumik oqarasuaateqarnej ingerlaannartumik akigititanut iluarsinerimi pineqartunut ilaatinneqassanngitsut. Siunissami annertussusiliussat taakkua iluarsineqarnissaat pisariaqartinneqalerpat, taamaalilluni tamanna inatsimmi allannortitsinikkut pisariaqarpoq. Akeqanngitsumik oqarasuaateqarnermut tunngatillugu, annertussusiliussat taakkua maannamut akit aningaasarsiallu ineriartornerat malillugu iluarsineqartarsimannngilat. Siunnersuummi tamatuma allannortinnissaa siunertarineqanngilaq. Akeqanngitsumik oqarasuaateqarnermut aamma akeqanngitsumik internetseqarnermut tunngatillugu, nalunaarasuartaateqarnermi sullississutinut akigititat ukiorpassuit ingerlaneranni pissusiviusuni apparitorsimanerannut tamanna attuumassuteqarpoq, taamaattumik annertussusiliussanik taakkuninnga ingerlaannartumik iluarsineq, akileraarutitigut qaffasissumik naliliinermik malitseqartussaalluni.

Siunnersuutigineqarpoq inunnut kommunit aggornerisa avataanniittunut il.il. akeqanngitsumik nerisaqarnerup, akeqanngitsumik ineqartitaanerup aamma akiliunneqarluni angalanerit nalingannik annertussusiliisarnermut maleruagassaq immikkut ittoq atorunnaarsinneqassasoq. Immikkut maleruagassaqartitsinerimut tunngavilersuutaqqaartoq suusimansoq ersarinngilaq. Sumiiffinni assigiinngitsuni nerisaqarnermut unnuisitsisarnermullu tunngasunut qanoq issutsit assigiinngissutaannik mianerinninniartoqarsimassasoq ilimanarpoq. Kisianni maleruagassaq ullumikkut tunngavilersuagaannginneruvoq, tassami sumiiffini taakkunani imaluunniit inuussutissarsiorfinni sulisut, suliffeqarnermi allaniit, unnuisarfeqartinneqarnerinik nerisaqartinneqarnerinillu pitsaassusaat appasinnerunaviannngimmat. Taamaattumik siunnersuutigineqarpoq taamatut immikkoortitsineq atorunnaassasoq aammalu akeqanngitsumik ineqartitaanerimut aamma akeqanngitsumik nerisaqarnerimut annertussusiliussat, annertussusiliussamut ataatsimut ataatsimoortinneqarlutik.

Siunnersuutip aalajangersimasup erseqqinnerusumik nassuiarneqarneranut matuma kinguliani allaaserinnineq innersuussutigineqarpoq.

2.3.1. Akiliunneqarluni angalanerit – inatsisit atuuttut

Sulisup angalanermut sulisitsisumit akiliunneqarluni aammalu angalanermi sulisup sulinnigiffeqarnissaa siunertaalluni imaluunniit taamaaqataanik namminermut tunngasut siunertaallutik pisoqarnera, akiliunneqarluni angalanerni ilaatinneqarput.

Akiliunneqarluni angalanerit akileraaruteqaataasussaapput, takuuk § 13, imm. 1. Taamaattoq ukiumut ataasiarluni sulinnigiffeqarluni angalaneq, tjenestemandinut maleruagassat atuuttut malillugit tamanna pisimappat, akileraaruteqaataasussaannigilaq, takuuk § 34, imm. 1, nr. 15.

Angalanerit namminermut tunngasunik siunertaqartut aammalu inuussutissarsiornermik siunertaqartut, aallaaviatigut akiliunneqarluni angalanertut isigineqanngillat. Taamaattoq pissusiviusuni inuussutissarsiornermik siunertaasoq angalanerup pinerani aalajangiisuusimappat aatsaat tamanna atuutissaaq.

Sulisitsisup akiliunneqarluni angalanernut allanut sulisuunngitsunut aningaasartuutunik akiliinera, assersuutigalugu sulisup katissimallugu aappaanut imaluunniit meeraanut, akiliunneqarluni sulinnigiffeqarluni angalaneq, takuuk § 34, nr. 15, imaluunniit atorfininnermi imaluunniit soraarnermi akiliunneqarluni angalaneq pineqarsimanngippat, aallaaviatigut sulisumut akileraaruteqaataasussaassaq.

Akiliunneqarluni angalanerit nalinga 2021-imi ukiumi isertitaqarfiusumi nalunaarut nr. 133, 6. oktober 2020-meersoq naapertorlugu imatut annertussusilerneqarput:

- Inummut ataatsimut akiliunneqarluni angalanermut ataatsimut 17.300 kr.
- Meeqqamut 2-11-nik ukiulimmut ataatsimut 8.650 kr.
- Meeqqamut 2-t inorlugit ukiulimmut ataatsimut 1.730 kr.

Aningaasartuutit annertussusiliussatut allassimasumit annikinneruppata, angalanerup akivia kisimi akileraaruserneqassaaq. Sulisoq nammineq akiliuteqarsimappat, taanna akiliunneqarluni angalanermut aningaasartuutiviusunit (akia) ilanngaatigineqassaaq. Taamaattoq akiliunneqarluni angalanerup nalinga annertussusiliussanit aalajangersagaasunit annertunerutinneqarsinnaanngilaq.

Pissusiviusuni aningaasartuutit annertussusiliussanit appasinnerusimappata, annertussusiliussat akiliunneqarluni angalanerup nalingata nammineq nalunaarsorneqarnissaanut kajumilersitsissapput. Tassami pissusiviusuni aningaasartuutiviusut paasissutissiissutigineqanngippata, akileraarusiineq annertussusiliussat nalunaarummi aalajangersagaasut malillugit ingerlanneqassaaq. Tamatuma saniatigut annertussusiliussat akiliunneqarluni angalanerup nalinganut annerpaaffissaliinermik imaqarput, tamannalu Kalaallit Nunaanni angalanermut akigitat annertuumik assigiinngissuteqarnerannut tunngassuteqarpoq. Taamaalilluni akiliunneqarluni angalanerit akileraaruserneqarneranni, tamatuma sulisumut sumiiffinni qaffasissumik angalanermut akeqartitsiviusuni najugaqartunut qaffasippallaalinnginnissaa isumagineqassaaq.

Taamaattoq pisut ilaanni, iluanaarniapiluttoqartillugu, angalanermut aningaasartuutit nalinginnaasuunngitsumik qaffasippata imaluunniit angalanerni tapiliullugu sullissinerit akiani ilaatinneqarpata, annertussusiliussat ilitersuissutaasut akileraartarnermut ingerlatsiviup saneqqussinnaavai.

Akiliunneqarluni angalanertut taamaallaat isigineqarput angalanerpiamut aningaasartuutit, soorlu timmisartumut billetsinit aammalu ilaasunut akitsuutinut, aammalu akunnittarfimmiinnermut aningaasartuutit, angalanissamut pilersaarummi pisariaqartut, assersuutigalugu aallarnissat akornanni ulluni utaqqinissaq pissutigalugu.

Tapiliullugu sullississutit, assersuutigalugu sulisitsisup akiligaanik ornigassami angalanerup nalaani akunnittarfimmiinnermut imaluunniit neriniartarfiliarnermut, biiliniq attartornermut, takornariatut misigisassarsiornermut il.il., akiliunneqarluni angalanermut oqaatsimi pineqartunut ilaatinneqanngillat, aallaaviatigullu akileraaruteqaataasussaassallutik aammalu isertitatut A-tut nalinginnaasutut akileraartarnermut ingerlatsivimmut nalunaarutigineqassallutik. Tamatuma saniatigut tapiliullugu sullississutit nalunaarummi annerpaaffissanut killiliussani ilaatinneqanngillat.

Tamatuma saniatigut nalunaarummi annertussusiliussat taamaallaat suliffiup sumiiffianiit Kalaallit Nunaanni ornigassap sumiiffianut utimullu angalanermut atuupput. Imaluunniit Kalaallit Nunaanni suliffiup sumiiffianiit Københavnimut uterlugulu. Taamatut annertussusissaata killissalersorneqarneranut, feeriarluni akiliunneqarluni angalanerit maleruagassani tjenestemandinut atuuttuni killissalersuinerit tunngavigineqarput.

2.3.2. Akiliunneqarluni angalanerit – siunnersuut

Siunnersuutip atuunnerani, ilaannakortumik akiliunneqarluni angalanerit suliarineqartarnerannut maannakkut suleriaatsimut atuuttumut sanilliullugu, tamanna allannguuteqarpoq. Ilaannakortumik akiliunneqarluni angalanermi pineqarpoq pissusiviusuni angalanermi inuussutissarsiorneq aammalu nammineq inuttut angalaneq siunertarineqartut.

Maannakkut akiliunneqarluni angalanerit akileraaruserneqartarnerannut suleriaaseq, suliffeqarnerup ilaata aalajangersimasup oqaluttuarisaanermi tikisitanik sulisoqarfiusarsimanagera tunngavilersuutigineqarluni, ingerlanneqartarpoq.

Taamaattoq maannakkut inatsisitigut inissisimaneq nunatta angissusaanik, inissisimaneramik attaveqaataannillu ilaatigut tunngavilersuuteqartoq ilimanarpoq, tassani sulisorpassuit (maani najugallit avataaneersullu) annertoorujussuarnik aningaasartuuteqaqqaanngikkunik assersuutigalugu illoqarfimmi angerlarsimaffigisaminni ilaquattatik tikeraarsinnaanagit.

Maleruagassat atuunneranni ilaatigut sulisut sulinerminnut atatillugu angalanernut ataqatigiisillugu sulinngiffeqarlutik pisuni akileraarusiisoqartassanngilaq.

Taamaattoqarnerani sulisut akileraarutitigut iluaquserneqassapput. Iluaqutissartaasut

namminersortuni imaluunniit pisortani sulinerup aqqissuunneqarneranut sunniuteqartuni annertunerpaajupput, aammalu sulillutik angalanerminnik aqqissuussinikkut sulinngiffeqarluni angalanernut nammineerlutik aningaasartuutiminnik annikillisisinnaallutik. Taamaattoq tamanna aamma sulisunut nalinginnaasunut, inuussutissarsiorluni angalanermut nangissutigalugu feeriarsinnaasunut imaluunniit qaangiuttoornerminnik atuillutik sulinngiffeqarsinnaasunut, iluaqutaavoq.

Akileraarutitigut iluaqutissarsitinneqartarneq taanna ullumikkut arlalinnik pissuteqartumik tunngavilersugaalluannginneruvoq.

Siullermik avataani nunarsuarmut sanilliullugu Kalaallit Nunaanni suliffeqarneq inuunermilu atugassarititaasut nalinginnaasunngorsimapput. Assersuutigalugu inuit Kalaallit Nunaata aamma nunat allat akornanni nuussinnaanerat aammalu suliniutinut atorfinni aammalu atorfinni piffissamut killiligaanngitsuni sulisinnaanerata, nalinginnaasuuvoq. Taamatuttaaq inuit Kalaallit Nunaanni inoqarfimmiit inoqarfimmut allamut nuuttarnerat nalinginnaasuuvoq. Taamaalilluni akiliunneqarluni angalanerup ilaanut akileraarutitigut iluaqutissarsititsisarnerup ingerlateqqinnissaa pissutissaqanngilaq.

Aappaattut akiliunneqarluni angalanerup, pisuni arlalinni sulisumik Kalaallit Nunaata avataanut feeriartitsisartup, ilaanut akileraarutitigut tapersiinissamut inuiaqatigiit aningaasaqarneranni tunngavissaqanngilaq. Tamatuma saniatigut Kalaallit Nunaata avataanut feeriarnert taamaattut feeriarnissap tungaanut nammineq atuinissamik kinguartitsilersitsisartut ilimagineqarpoq, tamannalu atuinermik Kalaallit Nunaata avataanut inisseeqataasinnaavoq.

Siunnersuutigineqarpoq angalanerupni ataqatigiissumik inuussutissarsiornermik namminerlu angalanissamik siunertaqartuni, angalanermut aningaasartuutit nammineq angalanermut tunngasortaa, aningaasarsiaqartumut isertitanut akileraaruteqaataasussanut ilanngullugu naatsorsuunneqassaaq.

Angalanerit taamaattut inuussutissarsiornermut namminernullu tunngasut akornanni killissaniipput. Maleruagassat atuuttut malillugit akileraarusiisoqassanersoq apeqqummut angalanerup pingaarnertut siunertaanik naliliineq apeqqutaassaaq. Aalajangiinnermi tassani tunngavissat paasineqarsinnaasut aallaavigineqassapput, soorlu angalanerup imarisaa, piffissatigut sivilissusaa aamma ornigassaaq. Taamaattumik inatsisit atuuttut annertuumik naliliinnermut attuumassuteqarsinnaapput. Inatsisit atuuttut malillugit inuit ullumikkut sulilluni angalanermut atatillugu feeriartut, angalanermi siunertaasoq pingaarneq feeriarnersoq aammalu inuussutissarsiornermut siunertaq pingaaruteqannginnerusoq naliliisoqarpat, tunngaviumik naggataatigut angalanerup nalinganit tamarmiusumit akileraaruserneqarsinnaapput. Pisuni taamaattuni siunnersuut naapertuunnerusumik akileraarusiisalersitseqataasinnaavoq, tassami angalanermut aningaasartuutit ilaannaat naleqqiussilluni akileraaruserneqartussaammata.

Siunnersuummut siunertaq pingaarneq tassaavoq, nammineq angalanertaa annertuumik naammattumik annertussuseqarsimappat, akiliunneqarluni angalanerup ilaata qaqugukkut akileraaruserneqartassanersoq malitassanik aalajangersaanissaq. Siunnersuutigineqarpoq namminermt tunngasortaani ullunut feeriarfiusunut aamma qaangiuttoornerit sulinngiffeqarfigineqarnerat il.il. tunngassuteqarsinnaasut ullunit ataqatigiissunit tallimanit sivisuneruppata, angalaneq akileraartussaataasumut akiliunneqarluni angalanerup ilaatut isigineqassaaq. Taamaaqataa atuutissaq ullut angalaffiusut minnerpaamik 50 procentii nammineq angalanermik siunertaqarpata aammalu nalinga akileraaruteqaataasussaq 1.000 koruuninit annertuneruppat.

Pisortaq, sulisoq angalanerit piffissatigut inissisimanerinit ornigassanullu sunniuteqartooq pineqarnerisooq, imaluunniit sulisoq nalinginnaasooq taamaaqataanik sunniuteqanngitsooq pineqarnerisooq, apeqqutaatinnaq siunnersuut atuuppoq. Aalajangiisuussaaq ullut uninngaffiusut killissat siuliani taaneqartut sinnerlugit annertussusilimmik namminermt siunertanut atornerqarnerisut.

Ilaanakortumik akiliunneqarluni angalaneq akileraaruteqaataasussaappat, ulluni tamakkiisuni angalanerup ilaa qanoq annertutigisooq nammineq angalanermik siunertaqarnerisooq aallaavigineqassaaq, soorlu feeriarneq, sulinngiffeqarneq imaluunniit qaangiuttoornerit sulinngiffeqarfigineqarnerat.

Taamatuttaaq akiliunneqarluni angalanerup ilaa § 34, imm. 1, nr. 15 malillugu ukiumut ataasiarluni akileraaruteqaataasussaannngitsumik akiliunneqarluni angalanermt, taanna akileraartussaataasumit atornerqarsimannngippat, ilanngutsinneqarsinnaassaaq. Akileraartussaataasooq ukiumi ataatsimi ilaannakortumik akiliunneqarluni angalasimappat aammalu feeriarluni (taannaannaq) akiliunneqarluni angalasimalluni, angalanerit arlaat feeriarluni akiliunneqarluni angalanertut isigineqassanersoq, sulisup toqqartariaqarpaa. Angalanerup aappaa taamaalilluni akiliunneqarluni angalanerup ilaatut imaluunniit feeriarluni akiliunneqarluni angalanertut akileraaruserneqartariaqarpoq.

Angalanerit inuussutissarsiornerinnarmik siunertaqarluni pisimappata, taakkua tiguisumut suli akileraaruteqaataasannngillat.

Sulisitsisooq il.il. sulisup angalaneranut aningaasartuutit akilerlugit pisuni, ataasiakkaani pisut assigiinngitsorpassuusinnaapput, taamaattumik maleruagassanik, pisunut tamanut eqqortumik eqquisunik aammalu pisut ilaanni atorluarneqarsinnaasunik maleruagassiivigineqanngitsunik, imaluunniit pisuni allani naapertuutinngitsumik akileraaruserneqarnermik malitseqarsinnaasunik, ilusilersuinissaq ajornakusoorsinnaalluni. Maleruagassat atuunneranni taamaattoqartooq misilittakkat takutissagaluarpassuk, tamatuma kingorna maleruagassat naleqqussarneqarnissaat pisariaqartinneqassaaq.

Suliffiugallartumit il.il. angalanerit

Tamatuma saniatigut siunnersuutigineqarpoq, angalanerit sulisup *nalinginnaasumik najugaaniit suliffiata sumiiffigigallagaanut* imaluunniit *suliffiup sumiiffianut aalajangersimasumut*, sulisup piffissani suliffissarinngisamini uninngaffigisinnaanngisanut pisimappata, 2.000 koruuninik akileraaruserneqassapput.

Tassani pingaartumik ilaatinneqarput, ullumikkut suleriaaseq atuuttoq malillugu angalanermut ataatsimut 2.000 koruuninik aalajangersimasumik annertussuseqartillugu akileraaruserneqartartut, assersuutigalugu kommunit aggornerisa avataanni il.il. sulisoq kiisalu Pituffimmi sulisut pineqartillugit.

Kisiannili angalanermut sulisartup illoqarfimmi *suliffigisamit aalajangersimasumit* ungasissumiittumi najugaqaannarnissamik soqutigisaqarnera tunngavilersuutaappat, tamanna aalajangersakkap avataaniippoq, taamaalillunilu akiliunneqarluni angalanerit akileraaruserneqartarnerat pillugu maleruagassani nalinginnaasuni pineqartunut ilaatinneqarluni.

Pingaarnertigut allannguutininut takussutissiaq:

	Inatsisit atuuttut	Siunnersuut
Akiliunneqarluni angalanerit	Ukiumut ataasiarluni akiliunneqarluni angalanerup saniatigut akiliunneqarluni angalanerit akileraaruteqaataasussaapput Angalanermut aningaasartuutit akilerneqartut nalinga, taamaattoq annerpaamik 17.300 kr. Meeqqamut 2-11-nik ukiulimmut 8.650 kr. Meeqqamut 2-t inorlugit ukiulimmut 1.730 kr. (2021-mi inissisimaneq) Akigititat matuma siuliani allassimasut taamaattoq Kalaallit Nunaanni aamma Københavnimi ornigassanut angalanermut aningaasartuutininut taamaallaat atuupput. Kalaallit Nunaanniit toqqaannartumik	Ukiumut ataasiarluni akiliunneqarluni angalanerup saniatigut akiliunneqarluni angalanerit akileraaruteqaataasussaapput Angalanermut aningaasartuutit akilerneqartut nalinga, taamaattoq annerpaamik 17.300 kr. Meeqqamut 2-11-nik ukiulimmut 8.650 kr. Meeqqamut 2-t inorlugit 1.730 kr. (2021-mi inissisimaneq) Akigititat matuma siuliani allassimasut taamaattoq Kalaallit Nunaanni aamma Københavnimi ornigassanut angalanermut aningaasartuutininut taamaallaat atuupput. Kalaallit Nunaannit toqqaannartumik timmisartumik aqquteqarpat, Københavnip saniatigut

	<p>timmisartumik aqquteqarpat, Københavnip saniatigut ornigassat allat atorneqarsinnaapput.</p>	<p>ornigassat allat atorneqarsinnaapput.</p> <p>Ilaannakortumik akiliunneqarluni angalanerni, inuussutissarsiornermi aammalu nammineq soqutigisani pisuni, angalanerup namminermut tunngasortaa akileraaruserneqassaaq. Taamaattoq tamanna aatsaat atuutissaaq:</p> <ul style="list-style-type: none"> - Angalanerup namminermut tunngasortaa angalanerup 50 procentianiit annertuneruppat, imaluunniit - Angalanerup namminermut tunngasortaa ullunit ataqatigiissunit 5-init siviluneruppat - Ilaannakortumik akiliunneqarluni angalanerit taamaattoq taakkua nalingi angalanermit ataatsimi 1.000 koruuninit annertuneruppat aatsaat akileraaruserneqassapput <p>-</p>
<p>Suliffiugallartumiit il.il. siumut utimullu angalanerit</p>	<p>Inuit</p> <ul style="list-style-type: none"> - Kommunit aggornerisa avataanni sumiiffinni sulisut - Aatsitassarsiornermi suliassani sulisut - 500 mio. kr. sinnerlugit Namminersorlutik Oqartussat kommunillu 	<p>2.000 kr., angalaneq sulisup nalinginnaasumik najugaata aammalu suliffiugallartup sumiiffiata imaluunniit aalajangersimasumik suliffiup sumiiffiata sulisup piffissani sulinngiffiusuni najoqqusaanngisaata akornanni pisimappat.</p>

	<p>sullillugit sanaartugassani sulisut - Pituffimmi sulisut</p> <p>Angalanermi ataatsimi 2.000 koruunit akileraaruserneqassapput.</p> <p>Annertussusiliussami allassimasumi taamaallaat suliffiup sumiiffiata aammalu sulisup angerlarsimaffiata akornanni akiliunneqarluni angalanerit ilaatinneqarput.</p> <p>Taamaattoq ukiumut ataasiarluni sulinngiffeqarluni angalanermut atuutinngilaq.</p>	<p>Taamaattoq ukiumut ataasiarluni sulinngiffeqarluni angalanermut atuutinngilaq</p>
Atorfininnermi soraarnermilu angalanerit	Akileraaruteqaataasussaannngilaq	Akileraaruteqaataasussaannngilaq (Allannguuteqanngilaq)
Ukiumut ataasiarluni sulinngiffeqarluni angalaneq, takuuk § 34, imm. 1, nr. 15.	Akileraaruteqaataasussaannngilaq	Akileraaruteqaataasussaannngilaq (Allannguuteqanngilaq)

Annertussusiliussat tusarniaareernerup kingorna akinik naleqqussaannerup procentiliussamik nutarterneqarput, taamaalillutillu siunnersuummi 2022-mi annertussutsit atorneqarlutik. Immersukkami matuma siulianiittumi 2021-mi annertussutsit takutinneqarput.

2.3.3. Akeqanngitsumik ineqarneq, ilanngullugit utaqqiisaasumik najugaqarallartunut najugaqarallartunullu ineqartitsineq – inatsisit atuuttut

Inatsisit atuuttut malillugit akeqanngitsumik ineqarnerup, ilanngullugu utaqqiisaasumik najugaqarallartunut ineqartitsinerup, nalingi § 13, imm. 1, kiisalu § 19 a malillugit akileraaruserneqassaaq. Akeqanngitsumik ineqarnerup nalinga akileraartarnermut ingerlatsiviup nalunaarutai malillugit naatsorsorneqassaaq. 2020-mut ukiumut isertitaqarfiusumut akileraarusiineq nalunaarut nr. 135, 6. oktober 2020-meersoq malillugu pissaaq.

Nalunaarummi maleruagassat, inissianik attartortitsisarneq pillugu Inatsisartut inatsisaanni inissianut pisortanut pigineqartunut attartornermut akigititamik aalajangersaanermut maleruagassani tunngaviusunut, naapertuupput. Taamaattoq maleruagassat assigiinngitsut taakkua arlalinnik assigiinngissuteqarput.

Akeqanngitsumik ineqarnerup nalinga ingerlatsinermit akiliut aamma aningaasaliissutinit iluanaarut tunngavigalugit aalajangersarneqassaaq.

Ingerlatsinermit akiliut inissiap annertussusaa m²-inngorlugu, ingerlatsinermit akiliut aalajangersimasoq amerlisaatigalugu, naatsorsorneqassaaq, tassani ilaqutariinnut ataatsinut illu aamma illu affarleriit imaluunniit ilaqutariinnut arlalinnut illu pineqarnersoq apequtaassaaq.

Aningaasaliissutinit iluanaarut illuutip pissarsiarinerani imaluunniit sananeqarnerani akigititamut iluarsaassinermit, allanngortiterinermit pitsanngorsaaneermullu aningaasartuutit ilassutigalugit, 1,5 procentiatut naatsorsorneqarpoq. Taamaattoq sananeqarnerani akigititaq m²-imut 15.000 koruuninit annertunerusinnaangilaq aammalu m²-imut 7.000 koruuninit annikinnerusinnaanani. Pissarsiarinerani akia 7.000 koruuninit annikinnerusimappat, pissarsiarinerani akia atortulersuutinit ikkussukkanut 6-inut tamaginnut, soorlu perusersartarfik imermik errortortagaq imaluunniit uffarfik inissiami amigaataasoq, immikkut 1.000 koruunimik annikillisinneqarsinnaavoq. Pissarsiarinerani akia taamaalilluni atortulersuutinit ikkussukkat 6-it tamarmik amigaataasimappata, m²-imut minnerpaamik 1.000 koruuniusinnaavoq.

Inissiamik atuisinnaatitaanermi inissiap pequtaannik tamakkiisumik ilaannaasumilluunniit akeqanngitsumik atuisinnaatitaaneq ilaappat, pequtit Namminersorlutik Oqartussat inissiaataanni pequsersugaasuni pitsaassusissanut naapertuuppata, tamatuma nalinga init amerlassusaat aammalu akigititat aalajangersimasut aallaavigalugit aalajangersarneqassaaq. Pequtit pitsaassusaat pitsaassusissamit taassuminnga aallaaneruppat, nalinga pequtit pisiarinerani akiata 10 procentianut aalajangersarneqassaaq.

2.3.4. Akeqanngitsumik ineqarneq, ilanngullugit utaqqiisaasumik najugaqarallartunut aamma najugaqarallartunut ineqartitsineq – siunnersuut

Siunnersuummi pingaarnertigut siunertaavoq, maannakkut suleriaatsip attatiinnarnissaa, taamaattoq aningaasaliissutinit iluanaarutip naatsorsorneqartarnera aammalu pequtit akeqanngitsumik atorneqarnerisa nalingannik aalajangiineq allannguuteqassasut siunnersuutigineqarluni.

Siunnersuutigineqarpoq pissarsiarinerani akianut annerpaaffissaliussaq m²-imut 35.000 koruuninut qaffanneqassasoq, tamannalu nalingata akileraarutitigut aalajangerneqartup niuernerme nalinganut naapertuunnerulersinneqarneranik malitseqassaaq. Maannakkut aningaasaliissutinit iluanaarutininik naatsorsuinermit annerpaaffissamut killiliussaq m²-imut

15.000 koruuniusoq, inuit inissianik nutaanik imaluunniit akisunerujussuarnik atugassinneqartut, annikinnerusumik akileraaruserneqartarnerannik malitseqarpoq.

Tusarniaanermut akissuteqaatit tunngavigalugit siunnersuut immikkoortumi tassani allanngortinneqarpoq. Siunnersuutigineqarpoq annerpaaffissaq ukiut pingasut ingerlaneranni m²-imut 35.000 koruuninut qaffakkiartuaarneqassasoq. Allanguutip atuutsikkiartuaarnissaanut siunertaavoq aningaasaqarnikkut sunniutaasussat, siunnersuutip namminersorlutik inuussutissarsiortunut sunniutigisinnaasai, assersuutigalugu aningaasarsiat qaffasinnerunissaannik piumasaqaatip malitsigisaanik, annikitsuutinnissaat.

Assersuut 1:

Inissiaq 100 m² pisiarinerani 2,5 mio. koruuninik akeqartoq. Inatsisit atuuttut malillugit aningaasaliissutinit iluanaarut (15.000 x 100 m² x 1,5 pct. =) 22.500 koruuniuvoq, tassani kvadratmeterimut akigititaq m²-imut 25.000 koruuniuvoq, m²-imut 15.000 koruuninut annertunerulluni. Siunnersuutip malitsigisaanik aningaasaliissutinit iluanaarut 15.000 koruuninik annertusitinneqassaaq (2.500.000 x 1,5 pct =) 37.500 koruuninngorlugu.

Assersuut 2:

Illu 80 m² pissarsiarinerani akia 1.120.000 kr. Maleruagassat atuuttut malillugit aningaasaliissutinit iluanaarut (14.000 x 80 m² x 1,5 pct. =) 16.800-nik annertussuseqarpoq. Assersuummi takutinneqarpoq inissiat pisoqaaneruset imaluunniit akikitsut pineqartillugit akileraarusiineq inatsisissatut siunnersuutip malitsigisaanik allanngortoq, tassami kvadratmeterimut akigititaq 15.000 koruuninut annikinnerummat.

Matuma kinguliani inissiami 80 m²-isut angissusilimmi assigiinngitsumik pisiarinerani akeqartumi, akeqanngitsumik ineqarnerup nalinganik aalajangiinermut tamarmiusumut siunnersuutip sunniutai takuneqarsinnaapput.

Akeqanngitsumik ineqarnerup nalinga, inissiaq 80 m²				
Pisiarinerani akia	1.000.000	1.500.000	2.000.000	2.500.000
m²-imut akia	12.500	18.750	25.000	31.250
Maleruagassat atuuttut				
Ingerlatsinermut akiliut (m ² -imut 501 kr.)	40.080	40.080	40.080	40.080
Aningaasaliissutinit iluanaarut	15.000	18.000	18.000	18.000
Ukiumi nalinganik aalajangiineq	55.080	58.080	58.080	58.080
Qaammammut	4.590	4.840	4.840	4.840
Siunnersuut				
Ingerlatsinermut akiliut (m ² -imut 501 kr.)	40.080	40.080	40.080	40.080
Aningaasaliissutinit iluanaarut	15.000	22.500	30.000	37.500

Ukiumi nalinganik aalajangiineq	55.080	62.580	70.080	77.580
Qaammammut	4.590	5.215	5.840	6.465
Ukiumi assigiinngissutaa		0	4.500	12.000
Qaammammut assigiinngissutaa		0	375	1.000
			19.500	1.625

Nalunaarsuiffimmi matuma siulianiittumi sanilliussisinnanissamut 2021-mi annertussutsit takutinneqarput. Ingerlatsinerup akiliummut akigitat tusarniaareernerup kingorna akinik naleqqusaanerup procentiliussamik nutarterneqarput, taamaalillutillu siunnersuummi 2022-mi annertussutsit atornerlutik.

Akileraarutitigut suliarinnineq, Nuummi inissianik attartortitsisartuni namminersortuni inissiamik nutaaliaasumik 100 m²-imik angissusilimmik attartornermi ineqarnerup akiliummut aningaasartuutit aammalu illoqarfinni anginerusuni allani qaammammut 8.000-12.000 koruuninik annertussuseqarsinnaanerup, ataqatigiissillugu isigineqassaaq. Akileraarutitigut annertussusiliineq qanillattorpoq, kisianni pisuni arlalinni suliuernerup nalinganik naapertuunnani, taamaattumik sulisitsisumit inissiamik atugassinneqarup akileraarutitigut suliuernerup iluaqutissarsititsineruvoq.

Pisut ilaanni sulisoq inissiamik atugassinneqarnerup ilaannakortumik akiliuteqartarpoq. Akiliut taanna akeqanngitsumik ineqarnerup akileraarutitigut nalinganik annikinneruppat, akeqanngitsumik ineqarnerup akileraarusiinissamut naatsorsuinerup nammineq akiliut ilanngaatigineqassaaq.

Sulisioq ineqarnerup akiliummik akeqanngitsumik ineqarnerup akileraarutitigut nalingatut annertussusilimmik akiliisassasoq, pisut ilaanni sulisitsisoq aamma sulisoq isumaqatigiissinnaapput. Taamatut pisoqartillugu sulisup akeqanngitsumik ineqarnerup akileraaruserneqarnissaq pinngitsuussavaa. Pisuni taamaattumi inissiap pissarsiarinerup imaluunniit sananeqarnerup akia m²-imut 15.000. koruuninik annertunerupsimappat, ilaannakortumik akeqanngitsumik ineqartitaaneq pineqarsimasinnaavoq. Taamaangippat ineqarnerup akiliut (nammineq akiliutissaq) qaffanneqartariaqarpoq, akeqanngitsumik ineqarnerup akileraarutitigut nalingatut annertussuseqalersillugu.

Tamatuma saniatigut akeqanngitsumik ineqarnerup siunnersuummi § 19 a, imm. 9-mi pineqartunut ilaavoq, akileraarutitigut nalinganik 20 %-nik appasinnerusup uppersarneqarsimanngippat, taanna malillugu suliassani ataasiakkaani ineqarnerup akiliutit nuernerup nalinga saneqqunneqarsinnaavoq.

Tamatuma saniatigut siunnersuutigineqarpoq inissiami pequtinik akeqanngitsumik atuisinnaanerup nalinga pisariinnerulersinneqassasoq. Pequtinik atuinerup ukiumut nalinga

akeqanngitsumik ineqarnerup nalinganut annertussusiliussap 5 procentianut aalajangersarneqarpoq. Tassunga atatillugu pequtit nalingi inissiap angissusaanut aammalu inissiat nutaat aammalu nutaaliaasut pineqartillugit, naapertuutissasoq pingaartinneqarpoq.

Najugaqarallartunut aamma utaqqiisaasumik najugaqarallartunut ineqartitsineq

Utaqqiisaasumik najugaqarallartunut aamma najugaqarallartunut inissiat tassaapput inissiat inigineqarallartussat, sulisunut inissiamut innersuunneqarsinnaatitaasut, sulisunut inissiamik atugassaqaanngippat, sulisunut innersuunneqartartut. Sulisup sulisunut inissiamik atugassaqaalerpat piffissap sivikitsup iluani najugaqarallarluni inissiaq qimassagaa piunasaqaataavoq.

Inatsisit atuuttut malillugit akeqanngitsumik najugaqarallarneq aamma akeqanngitsumik utaqqiisaasumik najugaqarallarneq inissiamut annertussusiliussaq akeqanngitsumik ineqarnermut pisartut assigalugit aalajangersarneqassaaq.

Siunnersuutigineqarpoq pisortani utaqqiisaasumik najugaqarallarneq aamma najugaqarallarneq inissiamut assigiissaartumik annertussusiliineq atuutsinneqalissasoq. Assigiissaartumik annertussusiliinermut siunertaavoq akileraarutitigut suliarinnittarnerup pisariinnerulersinnissaa, kiisalu akeqanngitsumik najugaqarallarnermi aamma utaqqiisaasumik najugaqarallarnermi ineqarnerup nalingata A-tut isertitanngortinnissaa pillugu siunertamut tunngavissiiinissaq. Tamatuma saniatigut siunertaavoq annertussusiliussami, sulisut najugaqarallartut aamma utaqqiisaasumik najugaqarallartut inissiap sivikitsumik piffissaqartinneqarluni qimattussaanerata naammagittarfisussaanerannut tunngasup eqqarsaatiginissaa.

Siunnersuutigineqarpoq annertussusiliussaq inissiami init amerlassusaat aallaavigalugu immersuganngorlugu aalajangersarneqassasoq:

Init amerlassusai	Qaammammut akileraarutitigut nalinga
Inimut imaluunniit ineeqqamut allat avitseqatigalugit igaffeqarlunilu uffarfeqartumut ataatsimut	Inimut ataatsimut 1.000 kr.
Inissiat immikkoortut 1-2-nik initaqartut	2.000 kr.
Inissiat immikkoortut 3-nik initaqartut	2.500 kr.
Inissiat immikkoortut 4-nik initaqartut	3.500 kr.
Inissiat immikkoortut 5-inik amerlanernilluunniit initaqartut	4.500 kr.

Inissiaq immikkoortoq tassaatinneqarpoq inissiaq ataaseq uffarfeqartoq, igaffeqartoq perusersartarfeqartorlu.

Annertussusiliussami illuummi pequtininik akeqanngitsumik atugassinneqarneq ilaatinneqarpoq.

2.3.5. Akeqanngitsumik ineqartitaaneq - inatsisit atuuttut

Akeqanngitsumik ineqartitaaneq paasineqassaaq, inuk atorfininnerminut atatillugu akeqanngitsumik ineeqqamik, inissiaqqamik (ineeraq igaffeeralik) assigisaannilluunniit atugassinneqartoq.

Akeqanngitsumik ineqartitaanermiippoq aamma sulisoq inissiami sulisitsisumit atugassiissutigineqartumi najugaqartoq, kisianni aamma allanik sulisup ilaqutarinngisaanik inissiami najugaqartoqarluni. Tassani assersuutigalugu ilaatinneqarpoq ataatsimoorussamik igaffilimmi uffarfilimmilu inissinneqarneq.

Akeqanngitsumik ineqartitaanerup nalinga 2021-mi nalunaarut nr. 133, 6. oktober 2020-meersoq naapertorlugu ukiumut isertitaqarfiusumut 17.100 koruuninik annertussusilerneqarpoq. Annertussusiliussaq taanna aamma inunnut Pituffimmi sulisunut atuuppoq.

Taamaattoq nalinga inunnut kommunit aggornerisa avataanniittunut il.il. matuma siuliani nassuiarneqartunut, taamaallaat ukiumut 12.600 koruuniuvoq.

2.3.6. Akeqanngitsumik ineqartitaaneq – siunnersuut

Siunnersuutigineqarpoq akeqanngitsumik ineqartitaanermut annertussusiliussaq ataasiinnaq atuutsinneqassasoq.

Annertussusiliussaq 2022-imi ukiumut 17.500 koruuninut aalajangersarneqarpoq. Taanna 2021-mut annertussusiliussamut akinik naleqqussaanermut procentiliussamik iluarsillugu, annertussuseqarpoq.

Pitsaannginnerusumik pitsaassusilimmi inissinneqarneq pineqartillugu, assersuutigalugu unnuisarfissaq tuperni tamaarsimaarfiugallartuniilluni, niuerfimmi nalinga assigiissaartumik annertussusiliussamiit 20 %-inik annikinnerusoq uppersarneqarsinnaappat, taassuma nalinga akileraartarnermut ingerlatsivimmit appartinneqarsinnaavoq.

2.3.7. Akeqanngitsumik nerisaqarneq – inatsisit atuuttut

Akeqanngitsumik nerisaqarnerup nalinga ukiumoortumik nalunaarutini aalajangersarneqassaaq. 2021-mi ukiumi isertitaqarfiusumi annertussusiliussat nalunaarummi nr. 133, 6. oktober 2020-meersumi aalajangersagaapput.

Matuma siuliani nassuiarneqartutut, akeqanngitsumik nerisaqarnerup akileraaruserneqartarnera, inuit kommunit aggornerisa avataanniittut il.il. aamma allat tamarmik akornanni immikkoortinneqartarpoq.

Annertussusiliussanut paasinninniarnermi takussutissiaq matuma kingulianiittoq innersuussutigineqarpoq.

2.3.8. Akeqanngitsumik nerisaqarneq - siunnersuut

Siunnersuummi maannakkut suleriaatsip atuutsiinnarnissaa pingaarnertigut siunertaavoq, taamaattoq siunnersuutigineqarluni annertussusiliussat, sulitilluni akeqanngitsumik nerisaqartinneqartunut tamaginnut atuuttussamik inatsimmi aalajangersarneqassasut. Tulliullugu siunnersuutigineqarpoq annertussusiliussat annertussusaat maannamut annertussusiliussat akornanniitillugit aalajangersarneqassasut.

Inatsisit atuuttut (2021-mi annertussutsit)	Siunnersuut (2022-mi annertussutsit)
Aallaaviatigut Ukiumut akeqanngitsumik nerisaqarneq 36.800 kr. Ullormut tamakkiisumik nerisaqarneq 105 kr. Ilaanakortumik akeqanngitsumik nerisaqarneq (nerinerit 2) ullormut 78 kr. Ilaanakortumik akeqanngitsumik nerisaqarneq (nerineq 1) ullormut 59 kr.	Tamarmik (Akeqanngitsumik nerisaqarneq ukiumut 29.200 kr.) Tamakkiisumik nerisaqarneq ullormut 80 kr. Ilaanakortumik akeqanngitsumik nerisaqarneq (nerinerit 2) ullormut 59 kr. Ilaanakortumik akeqanngitsumik nerisaqarneq (nerineq 1) ullormut 45 kr.
Inuit kommunit aggornerisa avataanniittut il.il. - Kommunit aggornerisa avataanni sumiiffinni sulisut (Pituffik ilanngunnagu) - Aatsitassarsiorluni suliassani sulisut - 500 mio. kr. sinnerlugit Namminersorlutik Oqartussat kommunillu sullillugit sanaartugassat Ukiunut akeqanngitsumik nerisaqarneq 27.400 kr. Tamakkiisumik nerisaqarneq ullormut 75 kr. Ilaanakortumik akeqanngitsumik nerisaqarneq (nerinerit 2) ullormut 60 kr. Ilaanakortumik akeqanngitsumik nerisaqarneq (nerineq 1) ullormut 44 kr.	

2.3.9. Akeqanngitsumik oqarasuaateqarnek – inatsisit atuuttut

Akeqanngitsumik oqarasuaateqarnermi ilaatinneqarpoq sulisup akeqanngitsumik oqarasuaammik ataatsimik arlalinnilluunniit atuisinnaatitaanera. Sulisoq oqarasuaatinik arlalinnik atugassinneqaraluarpalluunniit, assersuutigalugu oqarasuaat angallattagaq aammalu angerlarsimaffimmi oqarasuaat aalajangersimasoq, pineqartoq taamaallaat ataatsimik akeqanngitsumik oqarasuaateqarnermut akileraaruserneqassaaq.

Akeqanngitsumik oqarasuaateqarnermi ilaatinneqarpoq oqarasuaammi datanik akeqanngitsumik atuineq ilaatinneqarpoq.

Akeqanngitsumik oqarasuaateqarnerup nalinga 2021-mi ukiumut isertitaqarfiusumut nalunaarut nr. 133, 6. oktober 2020-meersoq naapertorlugu 6.000 koruuninik annertussusilerneqarpoq. Taamaattoq annertussusiliusaaq annerpaamik sulisitsisup aningaasartuutitut akiligaatut annertussusilerneqassaaq.

2.3.10. Akeqanngitsumik oqarasuaateqarnek – siunnersuut

Siunnersuummi maannakkut suleriaatsip atuutsiinnarnissaa pingaarnertigut siunertaavoq, taamaattoq siunnersuutigineqarluni akeqanngitsumik oqarasuaateqarnerup nalinga, sulisitsisup akeqanngitsumik oqarasuaateqarnermut pissusiviusuni aningaasartuutigisimasai apeqqutaatinnagit ukiumut 6.000 koruuninut (2022-mi annertussusaa) annertussusilerneqarpoq. Tamatumunnga siunertaavoq maleruagassat pisariinnerulersinnissai.

Tamatuma saniatigut siunnersuutip atuunnerani suleriaaseq allannguuteqartinnagu ingerlatiinnarneqassaaq.

2.3.11. Akeqanngitsumik internetseqarnek – inatsisit atuuttut

Internetsimut attaveqarnermik, akileraartussaataasup sulisitsisuanit atugassiissutigineqartumi, nammineq atuineq, pisuussutini ajunngitsorsiasaavoq akileraaruserneqartussaq, takuuk § 13, imm. 1.

Akeqanngitsumik internetseqarnermi ilaatinneqarpoq internetsimut attaveqarnek, assersuutigalugu sulisup inigisaani imaluunniit nammineerluni najugaani atugassiissutigineqartoq. Sulisup suliffimmini internetsimut attaveqarnermik atuinera akileraaruserneqassanngilaq.

Akileraarusiineq ullumikkut nalunaarut nr. 93, 12. oktober 2015-imeersoq naapertorlugu pisarpoq. Akileraarutitigut nalinga aningaasartuutiviusunut, sulisitsisup sulisup internetsersinnaaneranut akiligaannut, annertussusilerneqartarpoq.

Internetsimut attaveqarnek sulinerinnarmut atorneqartarpat, taamatuttaaq sulisoq tamatuminnga akileraaruserneqartanngilaq. Taamaakkaluartoq sulisup internetsimut attavik

namminerminut atortarpagu, sulisoq akeqanngitsumik internetseqarnermut akileraaruserneqassaaq.

Internetsimik atuinermi namminerminut inuussutissarsiornermullu internetsimik atuineq ilaappat, namminerminut atuineq naliliinikkut agguarneqassaaq. Uppernarsaatissaqannginnerani tunngavigineqarpoq atuinerup 80 procentia namminerminut atorneqartartoq.

2.3.12. Akeqanngitsumik internetseqarnerneq – siunnersuut

Siunnersuutip kingunerisaanik akeqanngitsumik internetseqarnerup akileraarutitigut sularineqartarnera annertuumik allannguuteqarpoq.

Siunnersuutigineqarpoq akileraarutitigut annertussusiliisarnerup pisariinnerulersinnissaa siunertaralugu aalajangersimasumik annertussusiliilluni inatsimmi aalajangersaasoqassasoq. Siunnersuutigineqarpoq annertussusissaa ukiumut 6.000 koruuninut aalajangersarneqassasoq, taamaalillunilu annertussusiliinermi sulisitsisup internetsimut qanoq aningaasartuuteqarsimanera apeqqutaatinneqassanngitsoq.

Tamatuma saniatigut siunnersuutigineqarpoq namminerminut inuussutissarsiornermullu atuinerup akornanni agguaneq apeqqutaatinnagu akileraarusineq pissasoq. Internetsi namminerminut atorneqarsinnaatillugu, akeqanngitsumik internetseqarnermut akileraarusiisoqartassaaq.

Siunnersuummut tunngaviuvoq inatsisit atuuttut malillugit namminerminut inuussutissarsiornermullu atuinerup akornanni agguasarnep annertuumik naliliinerminut tunngassuteqartarnera. Sulisup *aamma* internetsimik inuussutissarsiornermi atuisinnaanera imaluunniit atuisussaanera, nammineq atuisinnaanerup nalikinnerulerneranik malitseqartanngilaq, tassami nalinga nammineq aningaasartuutunik sipaaruteqarnermiimmat. Tamatuma saniatigut bredbåndinik atuinerulerneq, qaammammut akianut data qanoq annertutigisoq sulinerminik siunertalimmik aammalu namminerminut atuineq apeqqutaajunnaarneranik malitseqarpoq.

Taamaattumik internetsimut attaveqarnerneq immikkut akisuujusimappat, namminerminut inuussutissarsiornermullu atuinerup akornanni agguarsimanera taamaallaat pissusiviusuni pingaaruteqarpoq, tassami taamatut pisoqarnerani attaveqarnerup pineqartup nammineq pisariaqartitaannuinaq atorneqartussaasimappat, sulisup internetsimut qanoq aningaasartuuteqartussaasimagaluarneranit, nalinga annertunerusussaassammat.

Siunnersuut immaq sulisut internetseqartinneqartarnerannik annertusititseqataasinnaavoq, tamannalu inuiaqatigiinnit isigalugu kissaatiginarsinnaavoq, tassami ilaatigut COVID-19 pissutaalluni angerlarsimaffimmi sullivinnik atuinerulertoqarnissaa kissaatiginarsinnaammat.

2.4. Akeqanngitsumik biileqartitaanerup akileraarutitigut nalinga

Akinut akissarsianullu nalinginnaasumik qaffakkiartorneri 1. januar 2010-mi kingullermik atuutilertumi allangortinneqarmalli tassani qaffakkiartornerit malillugit akeqanngitsumik biileqartitaanerup akileraartarnermi nalinga qaffanneqarnissaa siunnersuutigineqarpoq. Akileraartartup biilimik suliffiup avataatigut atorfinitsinneqarnermut atatillugu sulisitsisuminit atuisinnaasimappat imaluunniit allatigut il.il. nammineq suliamut akiliutitut isumaqatigiissutaasumut qaffaanerit ilaatinneqarput.

Akeqanngitsumik biileqarnerup akileraartarnermi nalinga kingullermik Inatsisartut inatsisaatigut nr. 3, 30. november 2009-meersumi nalimmassarneqarpoq. Akeqanngitsumik biileqartitaanerup akileraartarnermi nalinga, akit akissarsiallu nalinginnaasumik qaffannerat 1. januar 2010-mi atuutilersumik kingullermi allangortinneqarmalli piffissami tassani pisimasoq naapertorlugu iluarsineqassasoq siunnersuutigineqarpoq.

Akileraartartunut amerlasuunut nammineq biilinet aningaasaliinissamiit, sulisitsisumit biilimik atugassinneqarnissaq pilerinarnerusussaavoq. Tamanna pissutsinik arlalinnik pissuteqarpoq: Siullermik sulisoq biilimik pisinissamut, ingerlatsinissamut, sillimmasiissutitut aserfallatsaaliuinernullu aningaasarsiaminit aningaasartuuteqartussaaajunnaassaaq. Aappaattut akeqanngitsumik biileqarneq ullumikkut isertitatut B-tut inissisimavoq, taamaattumik isertitanut B-nut akileraaruteqaataasussaangitsut aningaasartaat tunngavigalugu ukiumut 5.000 koruunit ilanngaatigineqartarlutik. Nalinginnaasumik aningaasarsianit isertitanut aammalu sulisunut ajunngitsorsiasanut, ilanngullugu akeqanngitsumik biileqartitaanermut, akileraarusiinerup annertussusaasa assigiinnigissutaat annertuneruppat, sulisunut ajunngitsorsiasatut annikitsumik akileraaruserneqartutut ilusilimmik aningaasarsiaqarnissamut kajumissuseqarneq annertunerusussaavoq.

Siunnersuummi siunertaavoq, akeqanngitsumik biileqartitaanerup nalinginnaasumik akissarsiatigut isertitat akileraarusersugaanerannut qaninnerulersinneqarnissaata aammalu piffissami tassani akit akissarsiallu qaffanneranut naapertuuttumik iluarsisarnissap qulakkeernissaat. Tamatuma saniatigut siunnersuut malillugu akeqanngitsumik biileqarneq isertitatut A-tut inissinneqarpoq.

2.5. Pisassanit iluanaarutininik akileraarusiisarneq - Erniat ikinnerpaaffissaannut annertussusiliussap allangortinneqarnera

Pisassat inuussutissarsiornissaq imaluunniit iluanaarniapilunnissaq siunertaralugu pissarsiarineqarsimangippata, inuit aallaaviatigut iluanaarutinit, pisassat tiguneqarneranni imaluunniit allanut tunniunneqarneranni iluanaarutigineqartunit, akileraaruserneqartussaatitaasangillat, takuuk § 34, nr. 2. Kisiannili inuit pisassat erniaannit isertitanit akileraaruserneqartussaatitaapput. Pisumi tassani pisassani ilaatinneqarput obligationit aamma akiitsunut allakkat il.il.

Erniat akiligassaqarfigineqartumut akileraaruteqaataasussaangitsumut aningaasat nalingannit iluanaarutinnngortinneqarnissaa pinngitsoortinniarlugu, § 18 erniat ikinnerpaaffissaat pillugu

piumasaqaammik imaqarpoq. Erniat ikinnerpaaffissaannut piumasaqaatip atuunnerani pisassat erniaqartinneqarnera, aningaasat nalinganit iluanaarutip tiguneqarnerani akileraaruteqaataasussaassanngippat, minnerpaamik erniat ikinnerpaaffissaannut annertussusiliussamit annertunerusussaavoq. Pisassaq ernianut annertussusiliussaq erniat ikinnerpaaffissaannut annertussusiliussamit annikinnerusoq atorlugu erniaqartinneqarpat, pisassap tiguneqarnerani iluanaarutigineqartoq akileraaruteqaataasussaassaaq. Ernianut piumasaqaat pilersitsinerup nalaani naammassineqarsimassaaq.

Erniat ikinnerpaaffissaannut piumasaqaat taamanikkut aningaasarsianit akileraarutit pillugit Inatsisartut inatsisaata nr. 5, 19. maj 1979-imeersup allanngortinneqarnissaa pillugu Inatsisartut inatsisaanni nr. 19, 3. november 1994-imeersumi ilanngunneqaqqaarpoq. Tassani siunertaavoq erniat ikinnerpaaffissaannik, danskit erniat ikinnerpaaffissaannut annertussusiliussaasa assinganik, atuinissaq. Tassunga atatillugu pingaartinneqarpoq Danmarkimi aamma Kalaallit Nunaanni aningaasanut niuerfiit imminnut qaninnerusumik ataqatigiinnissaat.

Kisiannili Danmarkip tamatuma kingorna suliassa qarfimmi maleruagassat allanngortippai, tamatuma malitsigisaanik, ukiumut aningaasat nalinganit iluanaarutit aalajangersimasumik aningaasartalinnit annertunerusimappata, pisassanit aningaasat nalinginit iluanaarutit isertitani akileraaruteqaataasussani ilanngunneqartussanngorlutik. Taamaattumik danskit akileraartarnermut oqartussaasuisa erniat ikinnerpaaffissaannut annertussusiliussamik atuiunnaarput aammalu tamanut saqqummiisarunnaarlutik.

Akileraartarnermut ingerlatsiviup erniat minnerpaaffissaannut annertussusiliussaq allannguuteqartinnagu atuutsiinnarpaa, tamannalu aamma ukiumi kingullerni erniat appasissumiinnerannut ataqatigiissillugu isigineqassaaq. Taamaattoq ataavarnerusumik aaqqiissuteqarnissaq naapertuuppoq.

Periarfissaavoq – Danmarkimituulli – pisassanik allamut tunniussinermit imaluunniit tigusinermit aningaasat nalinganit iluanaarutit akileraaruteqaataasunngortinnissaat, taakkua erniat aalajangersimasumik annertussusillit qaangerlugit imaluunniit inorlugit inissisimanersut apeqqutaatinnagu. Taamaattoq aaqqiissutissaq taamaattoq naapertuutinngilaq, tassami – inuussutissarsiorluni iluanaarniapilullunilu pisut eqqaassanngikkaanni – pisuussutini ajunngitsorsiassani sanilliunneqarsinnaasuni allani aningaasaliinernit iluanaarutit akileraaruserneqartanngimmata, assersuutigalugu aktiat aamma aningaasaliinernut uppernarsaatit. Tamatuma malitsigisaanik assigiinngitsumik akileraarusiisoqartalissaaq, tamannalu ilaatigut innuttaasut akileraaruteqarnissaq pinngitsoorniarlugu obligationini aningaasaliisarunnaarnerannik malitseqarsinnaavoq, naak obligationit nalinginnaasumik assersuutigalugu aktianiit aningaasaliinerut isumannaannerusutut isigineqaraluartut. Taamaattumik tamanna aningaasaatinut iluanaarutit ataqatigiissumik akileraaruserneqartalernerisa atuutsinneqalerneranut ilaatillugu pissappat, pisassanit iluanaarutinit akileraartussaataitanerup annertusineqarnera aatsaat pisariaqaraluarpoq.

Periarfissaq alla tassaavoq erniat ikinnerpaaffissaannut piumasaqaatip naatsorsorneqartarneranut nutaamik periaatsimik atuutsitsilernissaq. Erniat ikinnerpaaffissaannut piumasaqaammi, tunngaviatigut niuerfimmi pisassat nalinginnaasumik ernialerneqartarnerat, takuneqarsinnaasariaqaralarpoq, taamaalilluni appasinnerusumik ernialiinermi, ernianit isertitanik aningaasat nalingannit iluanaarutinngortitsisarneq takuneqarsinnaasoq eqqarsaatigalugu, pisassanit annikinnerusumik ernialerneqartunit iluanaarutit akileraaruteqaataasussaallutik. Taamaattoq taamatut aaqqiissuteqarnerup malitsigisaanik, ernianut annertussusiliussamik naatsorsuinissaq siunertaralugu, akileraartarnermut ingerlatsivik obligationinut niuerfimmi il.il. erniat annertussusaat pillugu paasissutissanik piniartartussanngusaaq. Tamanna allaffissornikkut nammagassiinerunermik aningaasartuuteqarnerunermillu malitseqartussaavoq, aalajangersakkap suliaqarnermi pingaaruteqarneranut, imaluunniit iluanaarutinut aalajangersakkamut attuumassuteqartunut, naapertuutinngitsunik.

Taamaattumik siunnersuutigineqarpoq tamatumunnga taarsiullugu erniat ikinnerpaaffissaannut annertussusiliusaaq, danskit assigiissaartumik ernianut annertussusiliussaasa assinga, atorineqassasoq. Erniat nalinginnaasut, Danmarkimi erniat ilanngaatigineqartarneranni killilersuinermut atorineqartut, agguaqatigiissillugu erniat annertussusaannut, ingerlatseqatigiiffiit karsiminni akiitsornermi akiitsuminnit aningaasalersorinnaasaannut, naapertuuttussaapput. Taamaalilluni erniat nalinginnaasut erniat ikinnerpaaffissaannut piumasaqaatip aalajangersarneqarneranut akuersaarneqarsinnaasutut allatut tunngavissatut oqaatigineqarsinnaavoq, tassami taanna inuussutissarsiortut pisassaannut agguaqatigiissillugu erniat annertussusaannut naapertuummat. Tassunga atatillugu Danmarkimi aamma Kalaallit Nunaanni aningaasanut niuerfiit imminnut ataqatigiilluinnarnerat suli pingaartinneqarpoq.

Matuma kingulianiippot erniat nalinginnaasut danskit akileraartarnermut oqartussaasuinit naatsorsugaasut, maannakkut ernit ikinnerpaaffissaannut piumasaqaammut maannakkut atuuttumut akileraartarnermut ingerlatsivimmit aalajangersagaasumut, sanilliullugu.

Ukioq	Erniat nalinginnaasut	Erniat ikinnerpaaffissaannut annertussusiliusaaq (akileraartarnermut ingerlatsivik)
2015	3,4 pct.	2 pct.
2016	3,2 pct.	2 pct.
2018	2,9 pct.	2 pct.
2019	2,7 pct.	2 pct.
2020	2,5 pct.	2 pct.
2021	2,3 pct.	2 pct.

Erniat ikinnerpaaffissaannut piumasaqaammi siunissami erniat nalinginnaasut ineriartornerat malinneqassaaq.

Allannguut pisassanut aalajangersakkap atuutilernerata kingorna pilersinneqartunut atuutissaaq.

2.6 Ilanngaatinut annertussusiliussat assigiinngitsut il.il. inatsimmi aalajangersarneqarnerat Siunnersuutigineqarpoq akileraarutitigut ilanngaatit, maannakkut ukiumoortumik Inatsisartut aalajangiinerisigut aalajangersarneqartartut, inatsisip oqaasertaanni toqqaannartumik aalajangersarneqassasut.

Tamatuma saniatigut siunnersuutigineqarpoq kommunini ataatsimoortumik akileraarummut procentiliussaq inatsimmi aalajangersarneqassasooq.

Inatsisit atuuttut

Inatsisit atuuttut malillugit inummut ilanngaatip, ilanngaatip aalajangersimasup, isertitat B-t akileraaruteqaataasussaannngitsut aningaasartaasa aamma killilimmik akileraartussaataasunut ilanngaatip aalajangersimasup annertussusaat, qaammatisiutit malillugit ukiup pineqartup siuliani ukiup affaani siullermi Inatsisartut ataatsimiinneranni aalajangersarneqartarput. Tamatumani malinneqarput § 2, imm. 6, §, 20, imm. 2, § 21, imm. 2 aamma § 67, imm. 1.

- Inummut ilanngaat ukiunut 1975-imit 1986-imut kr. 20.000-nut aalajangersarneqartarsimavoq. 1987-imut ilanngaat akileraarutininik iluarsaaqqinnermut ilaatillugu 35.000 koruuninut qaffanneqarpoq, taannalu 1991-imut atuussimalluni. 1992-imi ilanngaat akileraarutininik allanngortitsinnermut ilaatillugu 40.000 koruuninut qaffanneqarpoq. 2005-imi ilanngaat akileraarutininik iluarsaaqqinnermut aammaloortumik ilaatillugu 48.000 koruuninut qaffanneqarpoq. Inummut ilanngaat taamanikkullu kr. 48.000-nik annertussuseqarluni allannguuteqarsimanngilaq.
- Ilanngaat aalajangersimasooq ukiunut 1975-imit 1989-imut kr. 4.000-nut, 1990-imit 1998-imut kr. 6.000-nut, 1999-imit 2004-mut kr. 8.000-nut aalajangersagaasimavoq aammalu 2005-imit (akileraarutininik iluarsaaqqinneq) 2021-mut 10.000 koruuninut aalajangersagaasimalluni.
- Isertitanut B-nut akileraaruteqaataasussaannngitsut aningaasartaat ukiunut 1975-imit 1992-imut kr. 4.000-inut aammalu 1993-imit 2021-mut kr. 5.000-nut aalajangersagaasimavoq.
- Killilimmik akileraartussaataasinnermut ilanngaat aalajangersimasooq ukiunut 1975-imit 2021-mut kr. 1.000-mut aalajangersagaasimavoq.
- Kommunini ataatsimoortumik akileraarummut procentiliussaq 2005-imi akileraarutininik iluarsaaqqinnermut ilaatillugu 4-mit 6 procentimut qaffanneqarpoq. Piffissami 2005-2021-mi taanna 6 procentiuvoq.

Siunnersuut

Siunnersuutigineqarpoq ilanngaait il.il. makkua 2023-mi kingornanilu ukiumut isertitaqarfiusumut makkua annertussusissaliullugit inatsimmi aalajangersarneqassasut:

- Inummut ilanngaat 48.000 kr.
- Ilangaat aalajangersimasoq 10.000 kr.
- Isertitat B-t akileraaruteqaataasussaangitsut aningaasartai 5.000 kr.
- Killilimmik akileraartussaataaerermut ilanngaat 1.000 kr.
- Kommunini ataatsimoortumik akileraarut 6 procent

Annertussusiliussat annertussusiliussanut ukiuni isertitaqarfiusuni 2005-2022-mi atuuttunut naapertuupput.

Siunnersuummut siunertaavoq ilanngaait il.il. taakkua qaqutiguinnaq allanngortinneqartarsimanerat. Tamanna tunngavigalugu suliassaq pisortatigoortut isikkoqartoq pineqarpasippoq, Inatsisartunut taamatullu Naalakkersuisunut suliakkersuinerunermik kinguneqartoq. Tamatuma saniatigut siunertaavoq, taakkua toqqaannartumik inatsisip oqaasertaanni allassimalernerisigut, ilanngaait annertussusaat pillugit innuttaasut paasisimaarinninnerulersinnissaat.

Kommunini ataatsimoortumik akileraarummut procentiliussamut tunngatillugu isiginninnerit matuma siuliani nassuiarneqartut atuuttut, inatsisissatut siunnersuutip tusarniaassutigineqarnerani paasineqarpoq. Taamaattumik tusarniaareernerup kingorna, taassuma inatsimmi aalajangersarneqarnera ilaaterlugu siunnersuut annertusitineqarpoq, aammalu allannguut pillugu kommunit allakkiami immikkoortumi, inatsisissatut siunnersuutip tusarniaassutigineqarneranut tapiliussatut, tusarniaaffigineqarput.

Siunnersuutigineqarpoq Inatsisartut aalajangiiffigisassaannik akuersinermikkut inummut ilanngaait inatsit malillugu annertussusaanit allaanerusumik annertussuseqalersillugu allanngortitsisinaanissamut Inatsisartut piginnaatinneqassasut. Taamatut aalajangiineq ullumikkut pisartut assigalugit qaammatisiutit malillugit ukiup pineqartup siuliani ukiup affaani siullermi Inatsisartut ataatsimiinneranni akuerineqarsimassaaq.

Tamatununga tunngaviusoq tassaavoq, inummut ilanngaat, procentit akileraarusiissutissat assigalugit, pisortat missingersuutaanni oqimaaqatigissitsinernik aamma angerlarsimaffinni aningaasaqarnermik il.il. iluarsisarnermut Inatsisartunut aningaasaqarnikkut sakkussaasinnaapput annertuut.

Ilangaammut annertussusiliussanut allanut, soorlu ilanngaat aalajangersimasoq aamma isertitat B-t akileraaruteqaataasussaangitsut aningaasartaat, ataasiakkaanik annikitsunik B-nik isertitaqarnerup imaluunniit ukiumut 10.000 koruunit inorlugit ilanngaait assigiinngisitaarnerisa malitsigisaannik akileraarutininik iluarsisarnermut akiliisitsiniartarnernullu tunngassutilimmik allaffissortoqannginnissaanik kissaateqarneq pingaarnertut tunngavilersuutigineqarpoq.

Ukiumut isertitaqarfiusumut taamatut akuersisoqarsimangippat inummut ilanngaat inatsit malillugu pissaaq. Allannguutip ukiup isertitaqarfiusup tulliani atuunnissaa kissaatigineqarpat, Inatsisartut tamanna inatsimmik allanngortitsinikkut piviusunngortissavaat, assersuutigalugu tullianik ataatsimiinnermi, imaluunniit Inatsisartut inatsit malillugu piffissamut killiliussap iluani annertussusiliussamik ukiut tamaasa akuersinerisigut.

2.7. Uppernarsaasiisussaatitaanermut piffissamut killiliussanik aamma naamassinninnginnermi iliuusissanik erseqqissaaneq

Suliffeqarfiit atugassarititaasut politikkimut attuumassuteqanngitsut tunngavigalugit, takuuk § 36 a, iliuseqarsinnaanissaasa qulakkeernissaa siunertaralugu, suliffeqarfiit inatsimmi § 36 b naapertorlugu pisussaaffilerneqarput;

- Illuatungeriit nakkutiginnittut aningaasanik nuussinerisa annertussusaat pillugu paasissutissiinissamik. (paasissutissiisussaatitaaneq)
- Illuatungeriit nakkutiginnittut iliuseqarnerisa politikkimut attuumassuteqanngitsumut tunngaviumumut naapertuuttumik pinerannut uppernarsaammik suliaqarnissamik. (uppernarsaasiisussaatitaaneq)
- Suliffeqarfiit ukiumut minnerpaamik 5,6 mia. koruuninik kaaviiartitaqartut nunamit-nunamut nalunaarusiamik suliaqarnissamik pisussaaffilerneqarput.

Aningaasarsianit akileraarutit pillugit Inatsisartut inatsisaata allanngortinneqarnissaa pillugu Inatsisartut inatsisaannut nr. 22, 28 november 2018-imeersumut nassuiaatini allassimavoq, uppernarsaat akileraartarnermut ingerlatsiviup tamatuminnga piumasaqarnerani ingerlaannaq nassiunneqarsinnaanngorlugu, uppernarsaat suliarineqassasoq. Kisianni uppernarsaat qaqugukkut nassiunneqassanersoq, piffissamut killiliussamik aalajangersaasoqanngilaq. Taamaattoq suliffeqarfiit qarasaasiami misissuinerimik taaneqartartumik, suliffeqarfinnut suliarinissaa piffissamik atuarnerusumik, nassuissinissamut ullunik 60-inik piffissaqartinneqarput.

Uppernarsaasiisussaatitaanermut piffissamut killiliussap ersarinnginnera naapertuutinngissinnaavoq, tassami akileraartarnermut ingerlatsivik qanoq sukkatigisumik uppernarsaammik nassiussinissamik piumasaqarsinnaanersoq ersarinngimmat. Taamaattumik siunnersuutigineqarpoq, uppernarsaammik nassiussinissamut piffissamut killiliussamik akileraartarnermut ingerlatsivik aalajangersaasinnaasoq, kisianni piffissamut killiliussaq taanna ullunit 60-init sivikinnerusinnaanngitsoq, inatsimmi erseqqissarneqassasoq.

Suliffeqarfiit uppernarsaasiisussaatitaanermik naamassinninngitsut aammalu piffissamut killiliussap iluani uppernarsaammik taassuminnga piumaffigineqarnerminni nassiussinngitsut, pineqaatissinneqarnissaannut inatsimmi tunngavissaqanngilaq. Suliffeqarfiit § 39 b, imm. 3-imi maleruagassat atuuttut malillugit, akileraaruserinermik ingerlatsineq pillugu Inatsisartut inatsisaanni § 19 malillugu akileraarummut tapiliussamik, annerpaamik 5.000

koruuniusinnaasumik, pisussaaffilerneqarsinnaapput. Kisiannili akileraarummut tapiliusseq taamaattoq akileraaruteqannginniarsinnaanermut transfer pricingimut periaaseq atorlugu pisinnaasumut, naapertuutinngilluinnarpoq.

Transfer pricingimut uppersaasat, suliffeqarfiit politikkimut attuumassuteqanngitsumut tunngaviumut naapertuutumik isertitat akileraaruteqaataasussat naatsorsorsimanerai, akileraartarnermut ingerlatsivimmiit nakkutigineqarsinnaanissaanut, pingaaruteqarpoq. Taamaattumik siunnersuutigineqarpoq uppersaasiisussaataaernerup naammassineqannginnera aammalu uppersaammik kingusinaarluni nassiussineq, nunap karsianut akiliisitsinertut ittumik pineqaatissiisussanngortitsisinnaassasoq. Tamatuma saniatigut siunnersuutigineqarpoq, nunamit-nunamut nalunaarusianik suliaqannginneq pineqaatissiisussanngortitsisinnaassasoq.

Maleruagassani inuussutissarsiordermi suliffeqarfiit inuussutissarsiutigalugu suliaqartut pineqartunut ilaanerat aammalu transfer pricingimut uppersaammik naammattumik suliaqarnissamut aammalu piumasarineqarnerani nassiussinissamik pisussaaffeqarnerup unioqquatinneqarnera ataatsimut isigalugu pisortanut akileraaruteqanngitsoornissamut atornerqarsinnaasoq, akiliisitsinerup annertussusissaanik aalajangersaanermi pingaartinneqassaaq, tamannami pisoq sukannerulerulersitsisussaammat.

Akiliisitsinerup annertussusissaa unioqquitsinerup suussusaa aammalu suliffeqarfiup imaluunniit suliffissuup akiliisitsinikkut pineqaatissinneqartussap angissusaa tunngavigalugit aalajangersarneqartariaqarpoq. Unioqquitsisoq suliffeqarfiuppat kisimiittoq imaluunniit suliffeqarfinni suliffissuarmi ataqatigiissuni peqataasoq, § 36 b, imm. 4-mi naliusunut killissat qaangerneqarlutik, naliliisoqarpoq akiliisitsinerup annertussusaa aallaaviatigut 250.000 - 500.000 koruuniuppat naleqqutissasoq. Tassani ilaatinneqarput suliffeqarfiit kisimiillutik imaluunniit suliffeqarfiit suliffissuarmi ataqatigiissut peqatigalugit 250-it sinnerlugit sulisoqartut aammalu ukiumut ataatsimut katillugu minnerpaamik 125 mio. koruuninik oqimaatigiissitsisartut imaluunniit ukiumut minnerpaamik 250 mio. koruuninik kaaviiartitaqartut.

Suliffeqarfinnut naliusunut killissaliussanit matuma siuliani taaneqartunit minnerusunut, akiliisitsinerup annertussusaanut, unioqquitsinerup suussusaa aammalu suliffeqarfiup angissusaa apeqqutaalluni, 25.000 – 250.000 koruunit naleqquttutut nalilerneqarpoq. Suliffeqarfiit taakkua taamaallaat transfer pricingimut killilimmik uppersaammik tunniussisussaapput.

Taamaattoq pisuni marlunni tamaginni, maleruagassat annertunerusumik imaluunniit arlaleriarluni unioqquatinneqarsimappata, akiliisitsinerup annertussusaa ataasiakkaatigut qaffasinnerusumut aalajangersarneqarsinnaavoq.

Akiliisitsinerup annertussusaanut nassuiarneqartumut siunertaavoq eqqartuussivinnut ilitsersuinissaq aammalu akiliisitsinerit sunniuteqarluarnissaannik, naleqqiunnissaannut aammalu annertussusaa apeqqutaatinnagu suliffeqarfinnut tamaginnut anusinngortitsisarnissaannik qulakkeerinninnissaq. Tunngaviusumik akiliisitsinerup annertussusaa siunnersuutigineqartoq tassani pineqarpoq, aammalu akiliisitsineq allatigut ataasiakkaatigut naliliineq aallaavigalugu aalajangersarneqartariaqarpoq. Akiliisitsinermi annertussusiliussat ilitsersuissutaasut tamatuma saniatigut, oqartussat politiinut imaluunniit unnerluussinermut oqartussanut akiliisitsinerit annertussusissai pillugit inassuteqaateqarlutik pisoqarnerani, oqartussanit atorneqarsinnaapput.

Pineqaatissiissummik aalajangersaanermut suliame pisunik tamaginnik pisuni ataasiakkaani ataasiakkaatigut eqqartuussiviup naliliinera apeqqutaassaaq, aammalu suliame aalajangersimasumi pisut sukannernerusut sukannernerunngitsulluunniit pineqartillugit akiliisitsinerit annertussusai allassimasut qaffasinnerutillugit annikinnerutillugillu saneqqutsisoqarsinnaassaaq, tamatumunnga takukkit pinerluttulerinermut inatsimmi kapitali 24-mi pineqaatissiissutissanik aalajangersaasarneq pillugu maleruagassat nalinginnaasut. Sulianik misiliiviusussanik arlalinnik ingerlatsinermi akiliisitsinerup annertussusissaa eqqartuussivimmi aalajangersarpat, suliassat Akileraartarnermut ingerlatsivimmi allaffissornikkut naammassineqarsinnaassapput, takuuk inatsimmi § 106.

Kiisalu siunnersuutigineqarpoq paasissutissiisussaataanerup naammassineqannginnera akileraaruserinermik ingerlatsineq pillugu Inatsisartut inatsisaanni § 19 malillugu 5.000 koruunit tikillugit akileraarummut tapiliussamik akiliisussanngortitsisinnaassasoq. Paasissutissat taakkua suliffeqarfinnik sunilluunniit transfer pricingimut uppernarsaammik piniarfiginissaat soqutiginaateqarsinnaasunik, aallarniutaasumik misissuinerimut atorneqassapput.

2.8. Ingerlatseqatigiiffiit peqatigiiffiillu il.il. akileraaruteqarallartarnerat

Siunnersuutigineqarpoq ingerlatseqatigiiffiit peqatigiiffiillu il.il. akileraarutaagallartutut akiliuteqarnertut ittumik ingerlatseqatigiiffiup akileraarutigigallagaanik akiliisinnaanissamut periarfissinneqassasut.

Inatsisit atuuttut

Inatsisit atuuttut malillugit ingerlatseqatigiiffiit peqatigiiffiillu il.il akileraaruserinermik ingerlatsineq pillugu Inatsisartut inatsisaanni § 27 naapertorlugu ukiumi akileraarusiiffiusumi akileraarummik akiliisussaapput. Akileraarut 6 procentinik akileraarummut tapeqartillugu akilersinneqassaaq. Ingerlatseqatigiiffiit piffissamut killiliussanit § 27 malillugu pisussanit siusinnerusukkut akileraarummik akiliinermikkut akileraarummut tapiliussap pinngitsoortinnissaanut periarfissaqanngillat.

Akileraarummut tapiliussaq 6 procentiusoq, nunap karsiata ingerlatseqatigiiffinnut akiitsortitsineranut takussutissaavoq, tassami akileraarutip akilernissaanut piffissaq

akiliiffiusussaq ukiumut isertitaqarfiusumut sanilliullugu kinguartinneqartarmat. Tamatuma saniatigut assersuutigalugu tamatuma kingorna ingerlatseqatigiiffik akiliisinnaajunnaassagaluarpat, piumasaqaatit annaaneqarsinnaanerata Nunap karsianut aarlerinaateqarpoq.

Siunnersuut

Siunnersuutigineqarpoq § 85 a-mi ingerlatseqatigiiffinniit akileraaruteqarallartarnissaq ammaanseqassasoq. Akileraaruteqarallarneq nammineq kajumissutsimik akilerneqartassaaq, ingerlatseqatigiiffiup ukiup isertitaqarfiusup ingerlanerani akilersinnaallugu, aammalu ukiumi isertitaqarfiusumi pineqartumi ingerlatseqatigiiffiup akileraarutaata tamakkiisumik ilaannaasumilluunniit akilernissaa siunertaralugu pissalluni.

Siunnersuutigineqarpoq akileraarutaagallartussamik akiliinerit ukiumi isertitaqarfiusumi pineqartumi kingusinnerpaamik ulloq 31. decembari pissasut.

Taamaalilluni aallaaviatigut akiliigallarluni akiliinerit ukiumi akileraarusiiffiusumi ingerlatseqatigiiffiup akileraarutissaanik inaarutaasumik naatsorsuinnermit annikinnerusimappata, aatsaat nikingassutaannit akileraarummut tapiliussaq akilersinneqartassaaq. Akileraaruteqarallarnermut akiliivallaartoqarsimappat, akileraartarnermut ingerlatsiviup akileraarutit sinneri utertillugit akilissavai. Akileraartussaataitaasoq akileraaruteqarallarnermik akiliivallaarsimanermut ajunngitsorsiassaqaartinneqassanngilaq.

Akileraaruteqarallarnermut akiliinermi inuussutissarsiortunut iluaqtissartaavoq, ingerlatseqatigiiffiit 6 procentimik akileraarummut tapiliussamik sipaaruteqarsinnaanerata. Tamanna ingerlatseqatigiiffiup akileraarutaata 1,5 procentimik annikillissinneratut annertussuseqarpoq, tassami ingerlatseqatigiiffiup akileraarutaa tamarmiusoq, akileraarummut tapiliussaq ilanngullugu, 26,5 procentiummat.

Nunap karsianut siunnersuut akileraarummut tapiliussamit iluanaarutit annikinnerulernerannik malitseqassaaq. Nunap karsianut iluaqtissartaavoq, akileraarutitut piumasaqaatit ullumikkornit qaammatinut qulinit siusinnerusukkut naammassineqartarnissaat. Ilimagineqarpoq ingerlatseqatigiiffiit amerlanersaasa akileraaruteqarallarnermik akiliisinnaanermik atorluaasussat ingerlatseqatigiiffiussasut akiliisinnaassuseqarluartut, tassalu iluanaarutit apparnerat nunap karsiata annaasaqarsinnaanerata annertuumik annikillissinneqarneranit illuatungilerneqarani. Aningaaserivinni uninngasuutigineqartunut maannakkut erniat annertussusissaat eqqarsaatigalugu, inatsisissatut siunnersuutip malitsigisaanik Nunatta Karsia ernianut aningaasartuuteqarnerulersinneqartussaavoq, tassami uninngasuutitut akiligassamik ernialiisoqartussaammat. Tassunga atatillugu suliffeqarfinnut namminersortunut maleruagassanik eqaannerulersitsinissamik kissaateqarneq tunngavilersuutigineqartoq, siunnersuut aamma isigineqassaaq.

2.9. Suliffeqarnermut ilanngaammit isertitanut tunngavissani sunniutaasumik iluarsii

Allannguut suliffeqarnermut ilanngaammut, aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 41, 2. december 2019-imeersumi atuutsinneqalersumut, isertitanut tunngaviusussanut tunngassuteqarpoq. Suliffeqarnermut ilanngaammit isertitanut tunngaviusussanut, soraarnerussutisiaqalernissami aaqqissuussinermut peqataasussaataaneq pillugu Inatsisartut inatsisaanni ileqqaarnissamut tunngavissat, aalajangersimasunik allaanerussuteqartillugit, aallaavigineqarput.

Siunnersuummi isertitanut tunngavissanut innersuussutinik sunniutaasumik iluarsiinissaq naleqqussaanissarlu siunertaapput, taamaalillutik taakkua soraarnerussutisiaqalernissami aaqqissuussinermut peqataasussaataaneq pillugu Inatsisartut inatsisaat malillugu pisussanut naapertuutilissallutik.

2.10. Akileraarutinut B-nut ukiumut akilersugassanut 12-inut allanngortitsineq

Siunnersuutigineqarpoq akileraarutinut B-nut, ullumikkut 10-nik akiliisitsisarneq atorunnaarlugu, ukiumut 12-nik akiliisitsisoqartalissasoq.

Inatsisit atuuttut

Akileraarutit B-t ukiup isertitaqarfiusup ingerlanerani inuussutissarsiortunit il.il. ukiumut 10-nik akiliisitsinermi akilersinneqartarput, qaammatini; januaari, februaari, marts, april, maj, juli, august, septembari, oktobari aamma novembari, takuuk § 83, imm. 3. Taamaalilluni juunip aamma decembarip qaammataanni akiliisitsisoqartanngilaq.

Akiligassanut 10-nut siunertaavoq aasaanerani sulinngiffeqarnerup aammalu juullip nalaata eqqarsaatigineqarnissat.

§ 83, imm. 3 atuuttoq, taamanikkut aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi § 44, imm. 3-mut naapertuuppoq.

Siunnersuut

Ukiumi 12-nik akiliisitsisarnermut allanngortitsinermut siunertaavoq akileraarnermut ingerlatsiviup akiliisitsisarnerini pisariillisaanissaq aammalu assigiisaartitsinerup qulakkeernissaa. Tamatuma saniatigut inuussutissarsiortunut suliffeqarnermut ilanngaammik ingerlaavartumik tunniussisarnissamut ikaarsaarnissaq allannguummi tunngavissinneqarsinnaavoq.

Tamatuma saniatigut internetsikkut aningaaserivinnik ingerlatsinernut aamma internetsikkut akiliisarnernut periarfissap, maleruagassat ilusilersorneqarnerisa nalaanniit, pitsaanerunera pingaartinneqarpoq. Ukiumut 10-nik akiliisitsisarnerni akileraarummik B-mik akiliisitsisarneq taamaattumik ullumikkut tunngavilersorluagaannginnerusutut isikkoqarpoq.

Siunnersuut B-nik akileraaruteqarallarnep ukiumi akilerneqartussap annertussusaanut pingaaruteqanngilaq, tassami taanna akileraartussaataasup siumoortumik nalunaarutigisai ukiumoortumik isertitassatut ilanngaatisatullu il.il. naatsorsuutigineqartut tunngavigalugit aalajangersarneqartarmat.

Ukiumi inuussutissarsiortup aningaasaatinik tigorianaannik aqutsineranut tunngatillugu, siunissami akileraarutip B-p juunip aamma decembarip qaammataanni akilerneqartussaananeramik, kisianni ukiumi akiligassat 10-it taamaaqataannik annikinnerulertussaananeramik, siunnersuut kinguneqassaaq. Maleruagassanik aalajangersaanermi ukiup ingerlanerani inuussutissarsiortut aningaasaataasa tigorianaanaat annertunerusumik eqqarsaatigineqarsinnaanngillat, tassami inuussutissarsiutit assigiinngitsut kaaviiartitai aningaasartuutaalu il.il. ukiup qanoq ilinerini assigiinngitsumik nikerartarmata. Taamaattoq immikkoortumi tassani akileraarutip B-p ukiumi qaammatinut tamaginnut agguarneqartalerneramik siunnersuut kinguneqassaaq.

3. Pisortanut aningaasaqarnikkut allaffissornikkullu sunniutaasussat

Ukiumut siunnersuutip ataatsimut katillugit sunniutissai (eqikkarlugit).

	Iluanaarutinit sunniutaasussat (mio. kr.)			
Siunnersuut / ukioq	<i>2022</i>	<i>2023</i>	<i>2024</i>	<i>2025</i>
<i>Akeqanngitsumik ajunngitsorsiassat</i>	1,0	8,2	8,2	8,2
<i>Akeqanngitsumik biileqarneq</i>	2,5	2,5	2,5	2,5
<i>Ingerlatseqatigiiffiit akileraarutigigalla-gaat</i>	0	-5	-5	-5
<i>Katillugit</i>	3,5	5,7	5,7	5,7

Akeqanngitsumik ajunngitsorsiassat

Akeqanngitsumik ajunngitsorsiassat pillugit siunnersuummi aalajangersakkat pingaarnertigut iluanaarutitigut makkuninnga sunniuteqassasut naatsorsuutigineqarpoq:

- Annertussusissaliussat il.il. iluarsineqarnerat isertitanut tunngavissat allannguuteqarnerannik malitseqassaaq.
- Ajunngitsorsiassat isertitanit B-nit isertitanut A-nngortillugit nuutinneqarnerat, B-t akileraaruteqaataasussaannngitsut aningaasartaanni ukiumut 5.000 koruunini isertitat pineqartunut ilaatinneqarunnaarnerannik kinguneqassaaq. Pisuni taakkunani isertitat

B-t akileraaruteqaataasussaangitsut aningaasartaat allani isertitani B-ni atorpeqarsimangippat, tamatuma kingunerisaanik isertitanut tunngavissat qaffasinnerulissapput.

- Suliffeqarnermi akitsuutip naatsorsorneqarneranut tunngavissat qaffasinnerulissapput. Akeqanngitsumik ajunngitsorsiassat A-tut isertitanngortinneqarmata, tamanna aningaasarsiat katinnerannik, sulisitsisunut suliffeqarnermut akitsuutip naatsorsorneqarnerani tunngavissaliisartunik, qaffatsitsissaaq.

Ataatsimoortumik naliliisoqarpoq siunnersuut ukiumut aningaasaqarnikkut makkuninnga sunniuteqassasoq:

Isertitanut tunngavissat allannguuteqarnerat	1,0 mio. kr.
Isertitanut A-nut allanngortitsineq	6,5 mio. kr.
Erninnermut atatillugu aningaasaateqarfimmut akiliut ilanngullugu suliffeqarnermut akitsuutip qaffasinnerulernera (1,1 procent)	0,7 mio. kr.
Katillugit	8,2 mio. kr.

Kisitsisit nalorninartortaqarput, tassani tamatumunnga ilaatigut ajunngitsorsiassat suut atugassiissutigineqartarnerannut tunngatillugu pissusilersortarneq allanngortinneqassanersoq apeqqutaasussaammat. Tamatuma saniatigut akeqanngitsumik ineqarnermut il.il. naatsorsuineri periaatsip iluarsineqarnera qanoq isertitanut tunngavigisani allannguuteqartitsissanersoq, nalileruminaappoq.

Akeqanngitsumik ineqarnermit aningaasaliissutinit iluanaarummik naatsorsuineri annertussusiliussat annerpaaffissaasa qaffaataata atuutsikkiartuaarneqarnerata malitsigisaanik akeqanngitsumik ineqarnermut iluanaarut ukiumi siullermi annikinnerusussaavoq aammalu 2024 tungaanut annertusiartortussaalluni, tassani allannguut tamakkiisumik atuutsinneqalissalluni.

Akiliunneqarluni angalanerit 2019-imi 2,5 mio. koruunit missaannik isertitanut tunngavissiippat. Ukiunut kingulliinerusunut ilimagineqartariaqarpoq kisitsit taanna annikinnerusimassasoq, tassami COVID-19 aammalu killilersuinerit tassunga atatillugu atuutsinneqarsimasut angalanerit sunniinerlussimassasut ilimagineqartariaqarmat. Akiliunneqarluni angalanerit ilaannik akileraarusiisarneq pillugu siunnersuummi aalajangersakkat, akiliunneqarluni angalanerit ullumikkornit amerlanerusut akileraaruteqaataasussanngornerisa malitsigisaannik isertitanut tunngavissanik qaffaassasoq aammalu qaffasinnerusunik iluanaaruteqartitsissasoq naatsorsuutigineqarpoq. Iluanaarutitigut sunniutaasussat qanoq issanersut, tunngavissat pigineqartut tunngavigalugit eqqornerusumik missiliorneqarsinnaangillat, tassami pisortani aammalu namminersortuni taamatut akiliunneqarluni angalanerit qanoq annertutiginersut ullumikkut ilisimaneqanngimmat, tamatumalu saniatigut angalasarnerni allanngortoqarneratut ittunik pissusilersortarnerit allanngornerinik siunnersuut malitseqarsinnaasoq ilimagineqartariaqarmat.

Siunnersuut ikaarsaarnermi, elektroniskimik akileraaruseeriaatsimi, akileraarutinut nassuiaatini aammalu allaffissornikkut periaatsini il.il. allannguutit atuutsinneqalertussaanerisa malitsigisaanik akileraartarnermut ingerlatsivimmut aammalu nalinginnaasumik pisortanut allaffissornikkut nammakkersuinerunermik malitseqassasoq naatsorsuutigineqarpoq. Tamatuma saniatigut naatsorsuutigineqarpoq piffissami ikaarsaarfiusumi maleruagassat nutaat imarisai pillugit sulisitsisunut ilitsersuisarneq pisariaqartinneqarnerulissasoq.

Siunissami allannguutit allaffissornikkut pisariinnerulersitsissasut naatsorsuutigineqarpoq, tassami allannguutini digitalimik aaqiissutissanik atuineq tunngavissinneqarmat aammalu ajunngitsorsiassat pineqartunut ilaasut suliarineqartarnerat pisariinnerulertussaalluni.

Akeqanngitsumik biileqarnerup akileraarutitigut nalinga

Naliliisoqarpoq akeqanngitsumik biileqartitaanermut annertussusiliussat nutaat allaffissornikkut nutaanik sunniuteqassanngitsoq. Akeqanngitsumik biileqartitaanermut annertussusiliussat iluarsisat akileraarutinit iluanaarutit 2,5 mio. koruunit missaannik annertusitissagaat missiliorneqarpoq.

Ingerlatseqatigiiffiit sumiiffinni kommunit aggornerisa avataanniittut nunanit allamiut illersornissamut oqartussat sullillugit suliassanik suliarinnittut akileraartussaataitanerannut tunngasut.

Suliffeqarfiit nunani allani illersornissamut oqartussat sullillugit suliassanik suliarinnittartut akileraartussaataitaneranut tunngasut pillugit siunnersuummi aalajangersakkat nunap karsianut akileraarutinit iluanaaruteqarnerulernermik malitseqassasut naatsorsuutigineqarpoq. Tamatuma saniatigut ingerlatseqatigiiffiit Kalaallit Nunaanni angerlarsimaffeqassasut pillugu siunnersuummi piumasaqaat, Kalaallit Nunaanni suliffissaqartitsinerulernermut iluaqutaassasoq, naatsorsuutigineqarpoq.

Ilanngaatinut annertussusiliussanik il.il. inatsimmi aalajangersaaneq

Siunnersuut ukiumoortumik ilanngaatinik il.il. saqqummiussisarnermut akuersisarnermullu atatillugu allaffissornikkut nammakkersuinerumik oqilisaasseqataassasoq naatsorsuutigineqarpoq. Taamaalilluni suliakkersuinerit taamaallaat annertussusiliussat allanngortinneqarnissaat siunertaralugu inatsisissatut siunnersuummik saqqummiussisoqartussanngortillugu pilertassapput.

Erniat minnerpaaffissaannut annertussusiliussamik allanngortitsineq

Erniat ikinnerpaaffissaannut annertussusiliussamik naatsorsuisarnerup allanngortinneqarnera, taamaalilluni taassuma erniat nalinginnaasut assigilerlugit, maannakkorpiaq erniat ikinnerpaaffissaannut piumasaqaatip qaffalaarneranik malitseqassaaq, tamatumalu malitsigisaanik tigusinermi il.il. iluanaarut akileraaruteqaataasussaanngippat, pisassani nalinganit ernianut piumasaqaatit qaffanneqassapput. Siunissami erniat ikinnerpaaffissaannut

piumasaqaammi erniat nalinginnaasut ineriartornerat malinneqassaaq. Taamaattoq allannguutip iluanaarutitigut annertuunik sunniuteqarnissaa naatsorsuutigineqanngilaq.

Ingerlatseqatigiiffiit peqatigiiffiillu il.il. akileraaruteqarallartarnerat

Nunap karsiata akileraarummut tapiliussamit iluanaarutai ukiumut 15 mio. koruunit missaannik annertussuseqarput. Ingerlatseqatigiiffiit il.il. tamarmik akiliigallaruni akiliinerni ingerlatseqatigiiffiup akileraarutaanik tamaginnik akiliisassappata, iluanaarutit annikillinerat taamatut annertussuseqassaaq. Taamaattoq naliliisoqarpoq pingaartumik ingerlatseqatigiiffiit anginerusut periarfissamik atuissasut. Naliliisoqarpoq iluanaarutit annikillinerat ukiumut 5,0 mio. koruunit missaanniissasoq. Pisuni taakkunani ingerlatseqatigiiffiup akileraarutaasa pisarnerniit ukiup ataatsip missaani siusinnerusukkut nunap karsianiittalernissaa, nunap karsiani anguneqassaaq. Ingerlatseqatigiiffinnut akileraarut aalajangersimasumik annertussusilimmik ullumikkornit siusinnerusukkut nunap karsianiittalernera, maannakkut ernianut pisartut malitsigisaanik, ernianut akiligassanut aningaasartuuteqarfiusinnaavoq.

Iluanaarutit annikillinerisa ilaat aktiaatileqatigiiffinnit Namminersorlutik Oqartunit pigineqartuneersuusussaavoq, taamaattumik pisuni taakkunani iluanaarutit annikillinerat ingerlatseqatigiiffinnit taakkunanga pissarsiasat qaffasinnerunerannit illuatungilerneqassasoq ilimanarpoq.

Nunap karsiata akileraarummut tapiliussamit iluanaarutit tamakkerlugit pissarsiarisarpai, taamaattumik siunnersuutip tassunga tunngasortaa iluanaarutitigut kommuninut sunniuteqassanngilaq.

Akileraartarnermut Aqutsisoqarfiup periaasiinut ineriartortitsinermut aningaasartuutissat naatsorsuutigineqartut.

Allannguutit, pingaartumik akeqanngitsumik ajunngitsorsiassat isertitanit B-nit isertitanut A-nut allanngortinneqarnerat pillugu allannguut, ingerlatsivimmi periaatsini aalajangersimasunik allanngortoqarneranik malitseqassasoq naatsorsuutigineqartariaqarpoq. Missiliorneqarpoq tamatumunnga ineriartortitsinermut aningaasartuutit 1. mio. koruunit missaannik annertussuseqassasut.

4. Inuussutissarsiortunut aningaasaqarnikkut allaffissornikkullu sunniutaasussat

Akeqanngitsumik ajunngitsorsiassat

Akeqanngitsumik ajunngitsorsiassat pineqartunut ilaatinneqartut A-tut isertitanngornissaat sulisitsisunut allaffissornikkut sunniuteqarnermik malitseqassaaq. Taakkua tassaapput, sulisitsisut siunissami ajunngitsorsiassat taakkua nalinginik qaammatikkaartumik akileraartarnermut ingerlatsivimmut nalunaarutiginnittartussanngornerat, kiisalu sulisitsisut sulisut aningaasarsiaannit pisartutut ajunngitsorsianit akileraarummik unerartitsisussanngornerat killiliisussanngornerallu.

Taamaattoq sulisut sorliit akeqanngitsumik ajunngitsorsiassanik atugassinneqarsimanersut sulisitsisut ingerlaavartumik paasisimasariaqarpaat, taamaattumik allaffissornikkut sunniutaasussat killeqartariaqarlutik.

Taamaattumik siunnersuut piffissami ikaarsaarfiusumi inuussutissarsiortunut allaffissornikkut nammakkersuinerulertussaavoq, tassami qaammatikkaartumik nalunaarutigineqartartussat sukumiissusaat annertusisussaammat. Siunnersuutip akileraarutinut suleriaatsip ingerlalluareersup annertuumik inerisaqqinneqarnera, taamatut ikaarsaarnissamut ajornannginnerulersitsissasoq naatsorsuutigineqarpoq.

Tamatuma saniatigut isertitanut A-nut ikaarsaernerup malitsigisaanik ajunngitsorsiassat nalingi suliffeqarnermut akitsuut pillugu Inatsisartut inatsisaat malillugu suliffeqarfinnut il.il. aningaasarsiat aningaasartaannut akitsuuserneqartussaataasumut ilanngullugit naatsorsorneqartussaapput. Immikkoortoq 3 innersuussutigineqarpoq.

Ingerlatseqatigiiffinnut akileraarutaagallartoq

Akileraarutaagallartumik akiliisinnaalerneq ingerlatseqatigiiffinnut peqatigiiffinnullu il.il. sipaaruteqarnermik malitseqarsinnaavoq. Sipaaruteqarneq taanna iluanaarutit annikillinerannut, matuma siuliani immikkoortoq 3-p ataani nassuiarneqartutut akileraarummut tapiliussamiit pisussatut naatsorsuutigineqartumut, naapertuuttussaavoq.

Uppernarsaasussaataanerup naammassineqannginnerani iliuusissat

Siunnersuutip kingunerisaanik suliffeqarfiit Transfer pricingimut uppernarsaammik aamma nunamit-nunamut nalunaarusiornernik il.il. suliaqarnissamut piumasaqaammik atuuttumik naammassinninngitsut, akiliisitsinertut ilusilimmik pineqaatissinneqarsinnaapput. Tamatumunnga siunertarineqarpoq, pisussaaffinnik taakkuninnga naammassinninnginneq suliffeqarfinnut aningaasartuuteqarfiunerulersinneqarnissaa.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassangatinneqanngilaq.

6. Innuttaasunut sunniutaasussat

Akeqanngitsumik ajunngitsorsiassat

Siunnersuut innuttaasunut atorfeqarnerminnut ilaatillugu akeqanngitsumik ajunngitsorsiassanik tiguisartunut aningaasaqarnikkut sunniuteqarnermik malitseqarsinnaavoq. Sunniutaasussat tassaasinnaapput, akeqanngitsumik ajunngitsorsiassanik sunik sulisoq il.il. tigusaqartarnersoq apeqqutaalluni, akileraarutit qaffasinnerulernerat appasinnerulernerallu. Aningaasaqarnikkut sunniutaasussat pillugit immikkoortoq 3-mi takussutissiaq innersuussutigineqarpoq.

7. Sunniutaasussat annertuut allat

Siunnersuut allanik annertuunik sunniuteqassangatinneqanngilaq.

8. Oqartussanut kattuffinnullu il.il. tusarniaaneq

Siunnersuut piffissami 25. maj 2021 - 23. juni 2021 makkunani tusarniaassutigineqarpoq:

Naalakkersuisut Siulittaasuata Naalakkersuisoqarfia, Ineqarnermut, Attaveqatigiinnermut, Naligiisitaanermullu Naalakkersuisoqarfik, Aatsitassanut Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Aalisarnermut Piniarnermullu Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik, Peqqissutsimut Naalakkersuisoqarfik, Isumaginninnermut Sulisoqarnermullu Naalakkersuisoqarfik, Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalakkersuisoqarfik, Inuussutissarsiornermut, Niuernermut, Nunanut Allanut Silallu Pissusaata Allangoriartorneranut Naalakkersuisoqarfik, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommuni Kujalleq, Grønlandske Advokater, Deloitte, Grønlands Revisionskontor, BK Revision, EY Grønland, BDO, SIK, Sulisitsisut (GE), NUSUKA, GrønlandsBanken aamma BankNordik.

Tusarniaanermut akissuteqaatit allakkiap matuma naalernerani ilanngussaq 2-mi sammineqarput.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

§ 2, imm. 6-imi siunnersuutigineqarpoq, aningaasat killilimmik akileraartussaataitasut ukiumut annerpaamik ilanngaatigisinnaasaat 1.000 koruuninut aalajangersarneqassasut. Tamatuma saniatigut siunnersuutip atuunnerani ilanngaat Inatsisartut aalajangiinerisigut ukiumoortumik aalajangersarneqartassanngilaq.

Nr. 2-mut

Aalajangersagaq nutaajuvoq. Taamaattoq aalajangersagaq siunertanut kontumut 24.10-mut, Toqqaannartumik akileraarutit, oqaasertaliussamut nr. 6-imut 2021-mut Aningaasanut inatsimmi atuutsinneqalersumut, naapertuuppoq.

Siunnersuummi imm. 1-ip atuunnerani suliffeqarfiit, Kalaallit Nunaata nunavittaani kommunit aggornerisa avataanni nunani allani illersornissamut oqartussanut isumaqatigiissut naapertorlugu suliassanik suliarinnittut, § 1, imm. 1, nr. 3-mi Kalaallit Nunaannut tamakkiisumik akileraartussaataitanissamut piumasaqaatit naammassisimassavaat.

Aalajangersakkami suliffeqarfiit naalagaaffeqatigiinnermi illersornissamut oqartussanut isumaqatigiissut naapertorlugu suliassanik suliarinnittut pineqartunut ilaatinneqanngillat, tassami oqartussaq taanna nunanit allamiutut isigineqanngimmat.

Pisussaaffeqarnermi suliffeqarfiit Kalaallit Nunaata nunavittaani kommunit aggornerisa avataanni nunani allani illersornissamut oqartussat sullillugit suliassanik suliaqartut tamarmik ilaatinneqarput.

Suliffeqarfik nunani allani illersornissamut oqartussanut isumaqatigiissuteqartoq, Kalaallit Nunaanni angerlarsimaffeqarluni aktiaateqarluni imaluunniit piginneqataassuteqarluni ingerlatseqatigiiffiussaaq, taamatullu aqutsisut Kalaallit Nunaanniissallutik.

Aqutsisut najugaqarnissaannut oqaatsimi, ulluinnarni ingerlatseqatigiiffiup pissusiviusuni aqunneqarnera, aqutsinerup taassuma pisortaatitanit, siulersuisunit imaluunniit aktiaatilinnit ingerlanneqarnera apeqquataatinnagu, Kalaallit Nunaanni ingerlanneqassasoq pineqarpoq. Ulluinnarni aqutsisuni aalajangiinerit ataatsimeersuarnermi aalajangiiffigineqartut ilaatinneqanngillat. Aqutsisut Kalaallit Nunaanniittussaaneranni, ingerlatseqatigiiffiup ulluinnarni aqunneqarnera Kalaallit Nunaanni ingerlanneqartillugu, aktiaatillit nunani allani angerlarsimaffeqarsinnaanerat, akornuserneqanngilaq. Tamatuma saniatigut

ingerlatseqatigiiffiup ingerlatseqatigiiffimmut nunani allani angerlarsimaffeqartumut immikkoortortaasinnaanera, aalajangersakkami akornuserneqanngilaq.

Siunnersuummi imm. 2 naapertorlugu pisussaaffeqarnermi aamma suliffeqarfiit ingerlatseqatigiiffik kommunit aggornerisa avataanni suliassanik suliarinninnissaq pillugu nunani allani illersornissamut oqartussanut isumaqatigiissuteqarsimasut sullillugit entreprenøritut, pilersuisutut assigisaatulluunniit, imaluunniit entreprenørip, pilersuisup il.il. ataani entreprenøritut, pilersuisutut il.il., suliassanik suliarinnittut ilaatinneqarput.

Taamaalilluni aktiaateqarluni imaluunniit piginneqataassuteqarluni ingerlatseqatigiiffittut Kalaallit Nunaanni angerlarsimaffeqartutut inissinnissamut aamma nalunaarsortinnissamut pisussaaffeqarneq, aamma aqutsisut Kalaallit Nunaanniinnissaannik qulakkeerinninnissaq, suliffeqarfiup pilersuisumi sorlermi ilaanera apeqqutaatinnagu, atuuppoq.

Imm. 3-mi aalajangersakkap atuunnerani, pissutsit immikkut illuinnartut pineqartillugit, ingerlatseqatigiiffiit, imm. 1-2-mi pineqartunut ilaasut, pilersuisunik il.il. Kalaallit Nunaanni angerlarsimaffeqartutut aktiaatileqatigiiffittut imaluunniit piginneqataassuteqarluni ingerlatseqatigiiffittut pisussaaffeqarnermi ilaatinneqanngitsunik, atuisinnaapput. Assersuutigalugu teknikikkut pisinnaasaqannginneq, Kalaallit Nunaanni suliffeqarfinit neqeroortoqannginnera imaluunniit suliassap suliarineqarnissaanut naapertuutinngitsumik sivisuumik utaqqisoqartariaqarpat, pissutsillu taakkua pisumi aalajangersimasumi nunani allani illersornissamut oqartussap anguniagaanik aaqqiinissamut akornusiisinnaappata, pissutsitut immikkut illuinnartutut isigineqarput.

Nr. 3-mut

Aalajangersakkap oqaasertalerneqarnissaanut siunnersuutigineqartumi erseqqissarneqarpoq, ukiumoortumik ukiup isertitaqarfiusup erniat ikinnerpaaffissaannut annertussusiliussaq atuuffissaata siuliani ukiumi kingusinnerpaamik ulloq 20. decembari, erniat ikinnerpaaffissaannut annertussusiliussaq akileraartarnermut ingerlatsiviup aalajangersassagaa.

Akileraartarnermut ingerlatsiviup erniat ikinnerpaaffissaannut annertussusiliussaq aalajangersassavaa, erniamut nalinginnaasumut, danskit ingerlatseqatigiiffinnut akileraarummut inatsisaanni § 11 b, imm. 2 malillugu danskit akileraartarnermut oqartussaasuinit aalajangersarneqartoq, assigitilerlugu.

Nr. 4-mut, 5-imut aamma 6-imut

Siunnersuutigineqarpoq akeqanngitsumik biileqartitaanerup nalingi, akit aningaasarsiallu procentinngorlugu qaffaataannik, akeqanngitsumik biileqarnerup akileraarutitigut nalingata kingullermik iluarsineqarneraniilli pisimasumik, qaffanneqassasut. Qaffaanissamik siunnersuuteqarneq eqqaassanngikkaanni, maleruagassat allannguuteqartinnagit ingerlateqqinneqarput.

Siunnersuutit malitsigisaannik akeqanngitsumik biileqartitaanerup nalinga ukiumut 70.000 koruuninut aalajangersarneqarpoq, taamaattoq illoqarfimmi pineqartumi biiliniq atuiffiusumi aqqusernit annertussusaat 25.000 kvadratmeterit aamma 75.000 kvadratmeterit akornanni annertussuseqarpat, annertussusiliussaq 35.000 koruuninut appartinneqassalluni. Illoqarfimmi pineqartumi biilit atorneqarfiani aqqusernit annertussusaat 25.000 kvadratmeterit inorlugit annertussuseqarpat, annertussusiliussaq 17.500 koruuninut appartinneqassaaq. Aqqusernit annertussusaannik uuttortaanermi Asiaq teknikkikkut nunap assiliai tunngaviusut aallaavigineqassapput.

Akilerarusiinissamut aalajangiisuusussaq tassaaginnassaaq, sulisitsisup imaluunniit allap atuisitsisup akileraartussaataitaasup namminermit atortussanngorlugit, pineqartoq tamatumunnga tamakkiisumik akiliisinnagu, biiliniq atugassiisimanersaq.

Nr. 7-imut

Siunnersuutip § 19 a atuuttoq, sulisut il.il. utaqqiisaasumik najugaqarallarnermi aamma najugaqarallarnermi inissiamik akeqanngitsumik atuisinnaatitaanermut akileraartussaataitaasut aalajangersarniarlugu Inatsisartut inatsisaanni nr. 9, 3. december 2012-meersumi ilanngunneqartoq, taarserpaa. Maannamut suleriaasiusumi najugaqarallarnermi aamma utaqqiisaasumik najugaqarallarnermi ineqartitaanerup akileraaruteqaataasimanginnera, aalajangersakkamut tunngavilersuutigineqarpoq. Taamaalilluni suleriaatsip taassuma allanngortinnissaa, aalajangersakkami siunertaavoq. Siunnersuummi § 19 a-p taarserneqarnerani, najugaqarallarnermi aamma utaqqiisaasumik najugaqarallarnermi ineqartitaanermut akileraartussaataitaanerisa allanngortinneqarnissaa sinertaanngilaq. Najugaqarallarnermi aamma utaqqiisaasumik najugaqarallarnermi ineqartitaanerup akileraaruserneqarnissaanut inatsimmi tunngaviusoq suli inatsimmi § 13, imm. 1-imiissaaq aammalu tamatuma nalinga imm. 4-mi aalajangersagaq siunnersuutigineqartoq malillugu aalajangersarneqassaaq.

Ajunngitsorsiassat imm. 2-8-mi pineqartunut ilaasut aammalu sulitilluni atugassiissutigineqartut, aalajangersakkami imm. 1-imi pineqartunut ilaatinneqartut, aalajangersakkami aalajangersarneqarpoq. Tamatuma saniatigut ajunngitsorsiassat inunnut siulersuisunut, ataatsimiititalianut, isumalioqatigiissitanut, siunnersuisooqatigiinnut, aalajangiisartunut imaluunniit oqartussani suleqatigiittuni allani, ilanngullugit Naalackersuisut, Inatsisartut aamma kommunalbestyrelsit, ilaasortaasunut imaluunniit ikiortaasunut, aalajangersagaq atuuppoq. Tamatuma saniatigut amerlanerussuteqarlutik aktiaatillit sulisuunngippata imaluunniit ingerlatseqatigiiffimmi siulersuisuni ilaasortaannngippata, ingerlatseqatigiiffiit amerlanerussuteqarlutik aktiaatilinnut inatsimmi § 86, imm. 3-imi nassuiarneqartunut ajunngitsorsiassanik atugassiisimappata, aalajangersakkami maleruagassat atuutissapput.

Akeqanngitsumik ineqartitaaneq, aalajangersakkami nr. 1-3-mi aalajangersarneqartutut, ingerlatsinermut akiliutip aammalu aningaasaliissutinit iluanaarutip katinneratut naatsorsorneqassasoq imm. 2-imi aalajangersakkami aalajangersarneqarpoq.

Nr. 1 malillugu ingerlatsinermut akiliut naatsorsorneqartussaavoq. Ingerlatsinermut akiliut inissiap kvadratmeterinngorlugu angissusaanut m²-imut ingerlatsinermut akiliut amerlisaatigalugu naatsorsorneqassaaq.

Inissiap angissusaanik uuttortaaneq inissianik ineqarfissatut attartortitsisarneq pillugu maleruagassat atuuttut naapertorlugit pissaaq.

Annertussusiliussami apeqqutaavoq illu ilaqutariinnut ataatsinut naatsorsuussaq aamma illu affarleriinniittoq imaluunniit inissarsuaq aamma illut uiguleriit pineqarnerisut. Imikkoortitsineq attartortitsisarnermut inatsimmi maleruagassanut ataqatigiissinneqarpoq, tassani ingerlatsinermut akiliummut apeqqutaavoq ineqariaaseq suna pineqarnerisooq. Siunnersuummi inissarsuaq oqaatsit atorneqarpoq, ilaqutariinnut arlalinnut illut attartortitsisarnermut inatsimmi atorneqartup, oqaatsit atornissaannut taarsiullugu, tassami oqaaseq siulleq eqqornerisutut isikkoqarmat. Taamaattoq siunertaavoq illuutini attartortitsisarnermut inatsimmi atorneqartunut killissaliinerit assingi atorneqassasut.

Aningaasaliissutinit iluanaarut qanoq naatsorsorneqassanersooq, nr. 2-mi aalajangersagaq malinneqassaaq.

Annertussusiliussap annerpaaffissaata m²-imut 15.000 koruuniniit 2022-mi m²-imut 21.000 koruuninut, 2023-mi 28.000 koruuninut aamma 2024-mi 35.000 koruuninut qaffanneqarnera eqqaassanngikkaanni, naatsorsuineri periaaseq inatsisinut atuuttunut naapertuuppoq. Pissarsiarinerani akia m²-imut annerpaaffissaliussamit annertuneruppat, aningaasaliissutinit iluanaarut m²-imut annerpaaffissaliussamik inissiap angissusaa amerlisaatigalugu, tunngavigalugu naatsorsorneqassaaq. Pissarsiarinerani akia m²-imut 7.000 koruuninut appasinneruppat, tassunga tunngasoq aalajangersakkami nr. 3-imi pineqartunut ilaasimangippat, aningaasaliissutinit iluanaarut 7.000 koruunit taakkua tunngavigalugit naatsorsorneqassaaq.

Pissarsiarinerani nalingatut atorneqarput sananeqarnerani aningaasartuutit imaluunniit illuutini pisiarinqartuni pisiarinerani. Aningaasaliissutinit iluanaarut inissiap pissarsiarinerani nalinga, kingusinnerusukkut allanngortiterinermut pitsanngorsaanermullu aningaasartuutit ilassutigalugit, tunngavigalugu naatsorsorneqassaaq.

Illuutini iluarsaassani, iluarsaassinerup naammassereernerata kingorna sananeqarneranut akia iluarsineqassaaq, taamaalilluni iluarsaassinermut aningaasartuutinit tunngasortai, illuutip pitsanngorsarneqarneranik malitseqartut, sanaartorneranut akianut iluarsaassinerup aallartinnerani atuuttumut, ilassutigineqassallutik.

Sanaartorneranut akianut/pisiarineranut akianut immaqalu kingusinnerusukkut pitsanngorsaanernut sukumiisumik uppersaammik saqqummiussisoqarsinnaanngippat, akileraartarnermut ingerlatsivimmit nalinganut aalajangersaaneq tunngavigalugu aningaasaliissutinit iluanaarut naatsorsorneqassaaq.

Aalajangersakkami nr. 3 malillugu, pissarsiarineranut akia m²-imut 7.000 koruuninit annikinnerusimappat, atortulersuutitut ikkussukkanut litra a-f-imiittunut, inissiami amigaataasunut, tamaginnut immikkut akileraarutitigut pissarsiarinerani akia 1.000 koruuninik annikillisinneqarsinnaavoq. Taamaattoq pissarsiarinerani akia m²-imut 1.000 koruuninit annikinninngorlugu annikillineqarsinnaanngilaq.

Akeqanngitsumik ineqarnerup nalinganut taamaallaat inissiamik atugassinneqarnek pineqartunut ilaatinneqarpoq. Sulisitsisup innaallagissamik, imermik kiassarnermillu sulisup atuineranut aningaasartuutit aamma akilertarpagit, taakkua immikkut akileraaruserneqassapput.

Pequtinik akeqanngitsumik atugassinneqarnerup nalinga qanoq naatsorsorneqassanersoq, aalajangersakkami imm. 3-mi aalajangersarneqarpoq. Pequtinik akeqanngitsumik atuinerup nalinga ukiumut akeqanngitsumik ineqarnerup nalingata 5 procentiatut naatsorsorneqassaaq.

Aalajangersakkami imm. 4-mi najugaqarallartut aamma utaqqiisaasumik najugaqarallartut inissiamik pisortani, ilanngullugit Namminersorlutik Oqartussani, kommunini naalagaaffimmilu oqartussat, sulisitsisumi sulisumut atugassiisutiginneqartumik, akeqanngitsumik atuinerup nalinga aalajangersarneqarpoq.

Utaqqiisaasumik najugaqarallarnermi aamma utaqqiisaasumik najugaqarallarneq paasineqassaaq inissiaq sulisup ataavartumik sulisunut inissiamik atugassaqaalernissami tungaanut najugaqarfissaa. Taamaalilluni aalajangersakkap atuunnissaanut, sulisup sulisunut inissiamut pisinnaatitaanera tunngavissaatinneqarpoq. Pisuni allani tassunga tunngasut aallaaviatigut ineqarnerup ilusaa il.il. apeqqutaatillugit akeqanngitsumik ineqarnek imaluunniit akeqanngitsumik ineqartitaaneq pillugu aalajangersakkani pineqartunut ilaassaaq.

Aalajangersakkami nr. 1-imi ilaatinneqarput, utaqqiisaasumik najugaqarallarnermi imaluunniit najugaqarallarnermi inissiaq akunnittarfimmi, vandrehjemmimi imaluunniit inissiami aamma inunnit allanit akileraartussaataasup inoqutiginnigisaannit najugaqarfigineqartumi ineqartitaaneq.

Aalajangersakkami nr. 2-5-imi inissiaq immikkoortoq paasineqassaaq tassaasoq inissiaq immikkoortumik isertarfeqartoq, igaffimmik perusersartarfinnillu atugassaqaarfiusoq aammalu immikkoortutut isikkoqartoq.

Pisortanik oqarnermi isumaavoq kommunit, naalagaaffimmi aamma Namminersorlutik Oqartussani oqartussat.

Akeqanngitsumik najugaqarallarnermi aamma utaqqiisaasumik najugaqarallarnermi ineqarnermut annertussusiliussani ilaatinneqarpoq inissiami pineqartumit pequtinik akeqanngitsumik atuisinnaatitaaneq.

Annertussusiliussami ilaatinneqanngillat innaallagissamik, imermik kiassarermillu atuineq. Taakkua nalingi, sulisitsisoq aningaasartuutitik akiliisarpit, immikkoortillugit akileraaruserneqassapput.

Aalajangersakkami imm. 5-imi akeqanngitsumik ineqartitaanerup nalinga aalajangersarneqarpoq.

Akeqanngitsumik ineqartitaaneq paasineqassaaq inuk akeqanngitsumik ineeqqamik, inissiaaqqamik (ineeraq igaffeeralik) assigisaannilluunniit atugassinneqartoq.

Aalajangersakkami imm. 6-imi akeqanngitsumik nerisaqarnerup nalinga aalajangersarneqarpoq.

Akileraarutitut ataqatigiissillugu akeqanngitsumik nerisaqarnerup qanoq isigineqarnerata allannortinnissaa siunertarineqanngilaq.

Akeqanngitsumik nerisaqarnerut isigineqarpoq sulisitsisup sulisup nerissanut aningaasartuutaannik akiliisarnera imaluunniit sulisumut akeqanngitsumik nerisaqartitsinera. Sulisitsisoq akeqanngitsumik nerisaqarnermut atatillugu imeruersaatitik, soorlu imeq, limonade, immuk, kaffi aamma tii, sulisumut atugassiinnaavoq. Kisiannili viinnit aamma immiaaqqat assigisaallu akeqanngitsumik nerisaqarnermut oqaatsimi pineqartunut ilaatinneqassanngillat, taamaattumillu taakkua akeqanngitsumik sulisitsisumit atugassiissutigineqarpata akileraaruteqaataasussaallutik.

Aalajangersakkami imm. 7-imi ukiumi ataatsimi akeqanngitsumik internetseqarnerup nalinga aalajangersarneqarpoq. Qaammat ataasiinnaq akeqanngitsumik internetsertoqasinnaasimappat, annertussusiliussap taassuma 1/12-ianik naleqassaaq. Qaqugukkut akeqanngitsumik internetseqarneq pineqartarnersoq aallaaviatigut aalajangersakkami allannortinneqanngilaq. Tassani aammattaaq ilaatinneqarput sulisup nammineq najugaani internetsimut attaveqarnermut sulisitsisup akiliisarnera aammalu internetsimut attaveqarnerup namminermut atorveqarsinnaanera.

Akeqanngitsumik internetseqarnerup akileraaruserneqarnissaanut internetsimut attaveqarnermut aningaasartuutiviusut apeqqutaanngillat.

Aalajangersakkami imm. 8-mi akeqanngitsumik oqarasuaateqarnerup nalinga ukiumut 6.000 koruunimut aalajangersarneqarpoq.

Akeqanngitsumik oqarasuaateqarnerup akileraaruserneqarnera aallaaviatigut akeqanngitsumik oqarasuaateqarnermut aningaasartuutiviusut apeqqutaanngillat.

Akeqanngitsumik oqarasuaateqarnermi ilaatinneqarput sulisitsisup sulisup oqarasuaammut akiligassaanik akiliisarnera, imaluunniit oqarasuaammik sulisumut atugassiinera, taassumalu nammineq tassanga atuisinnaanera. Sulisoq oqarasuaammik ataasiinnaanngitsumik atugassinneqarsimappat, assersuutigalugu aalaakkaasumi oqarasuaat aammalu oqarasuaat angallattaq, oqarasuaat ataasiinnaq akileraaruserneqassaaq.

Akeqanngitsumik oqarasuaateqarnermi ilaatinneqanngillat sulisup pigaartut oqarasuaataannik tunineqarnera, pissutigalugu sulisoq aggersarneqariaannaalluni pigaartuummat, aammalu oqarasuaat taanna pigaartuujunnaarnermi utertinneqartussaalluni. Akeqanngitsumik oqarasuaateqarnermi tamatuma saniatigut ilaatinneqanngilaq sulisup oqarasuaat namminerminut atoqqusaanngippagu, aammalu tamatuma malinneqarnera sulisitsisup naapertuuttumik nakkutigippagu. Amerlanerussuteqarlutik aktiaatillit aammalu sulisut nammineq annertuumik aningaasarsiaqarnerminnut sunniuteqartut pineqarpata, oqarasuaat ingerlatseqatigiiffimmit/sulisitsisumit atugassiissutigineqartoq nammineq atorneqartoq ilimagineqassaaq.

Assigiissaartumik annertussusiliussat imaluunniit naatsorsuineri periaatsit aalajangersakkami aalajangersarneqartut saneqqunneqarsinnaanissaat, aalajangersakkami imm. 9-imi aalajangersarneqarpoq.

Siunnersuutigineqarpoq, ajunngitsorsiasat killilersugaanngitsumik niuernermi nalingi annertussusiliussatut aalajangersagaasumit minnerpaamik 20 procentimik annertunerulluni imaluunniit annikinnerulluni nikingassuteqarpat, § 19 a-mi annertussusiliussaq saneqqunneqarsinnaanerat akileraartarnermut ingerlatsivimmit akuerineqarsinnaassasoq. Annertussusiliussap inatsimmi aalajangersagaasup aammalu niuernermi nalingata assigiinngissutaat minnerpaamik 20 procentimik annikinneruppat, tamatuma akileraartussaataasumut iluaqutaasussaana imaluunniit iluaqutaasussaannginna apeqqutaatinnagu, annertussusiliussaq aalajangersagaasoq saneqqunneqarsinnaanngilaq.

Niuernermi nalingata annertussusiliussamit +/- 20 procentimik nikinganera pillugu aalajangiinermi, nalinginnaasumik killilersugaanngitsumik niuernermi ajunngitsorsiasap pineqartup nammineerluni pissarsiarippagu qanoq akeqassagaluarnersoq, pingaartinneqassaaq. Tassunga atatillugu niuerfimmi pissutsit sumiiffimmi pineqartumi atuuttussat, eqqarsaatigineqassapput. Assersuutigalugu naatsorsuutigineqartariaqarpoq Qeqertarsuup Tunuani Qeqertami akeqanngitsumik ineqartitsinissamut attartornermut aningaasartuutissatut, Sisimiuni inissiamik taamaaqataanik attartornermut aningaasartuutinit, annikinnerusussaasut naatsorsuutigineqartariaqarpoq. Inissiani inissiap qanoq issusaa, pitsaassusaa, kusanassusaata nalinga illuummut imaluunniit inissisimaneranut

attuomassuteqartoq kiisalu inissisimaffimmi pineqartumi illuutip nalinga aalajangiinermi ilanngutissallugu naleqqussinnaapput.

Ajunngitsorsiassamut pineqartumut sumiiffinni niuerfimmik ingerlasoqartinnagu, annertussusiliussat imm. 2-8-mi allassimasut, tunngavigineqassapput. Assersuutigalugu sumiiffimmi taamaaqataanik pitsaassusilimmik il.il. inissiamik attartortoqarsinnaanngippat, inissiap nalinga imm. 2-mi maleruagassat malillugit aalajangersarneqassaaq.

Taamaalilluni inatsimmi annertussusiliussat ajunngitsorsiassat niuerfimmi nalingannut sanilliullugu 20 procentinit nikinganerusut naammattumik uppersarneqarsimanatik pisoqartillugu annertussusiliussat § 19 a-mi aalajangersarneqartut atuutissasut, nalinginnaasumik aallaavigineqassaaq.

Allatut akileraarutitigut naliliinermik atuinissap akuerineqarnissaa pillugu qinnuiginninneq akileraartussaataasumit, imaluunniit akileraartussaataasoq sinnerlugu sulisitsisumit, aallartinneqarsinnaavoq. Akileraartarnermut ingerlatsiviup aalajangiinera taamaallaat aalajangiinermik tiguisissamut/nut atuutissaaq.

Taamatut allaassuteqartoq akileraartussaataasup, imaluunniit sulisitsisup uppersartussaavaa. Akileraartarnermut ingerlatsivik suliami iliuuseqartuusimappat, akileraartarnermut ingerlatsiviup taamatut allaassuteqartoq uppersarsavaa.

Nr. 8-mut

Siunnersuutigineqarpoq § 19 b-mi aamma § 19 c-mi aalajangersakkat nutaat marluk ilanngunneqassasut.

Aalajangersakkat nutaajupput.

Siunnersuummi § 19 b akiliunneqarluni angalanerit akileraaruserneqartarnerannut tunngassuteqarpoq. Akiliunneqarluni angalanerit ilaatinneqarpoq, sulisitsisup sulisup Kalaallit Nunaanni imaluunniit nunani allani sumiiffimmut allamut angalaneranut aningaasartuutit akiliinera, aammalu angalaneq tamakkiisumik ilaannaasumilluunniit sulisup nammineeqluni soqutigisaannut akilerneqarlutik.

Aalajangersakkami imm. 1-imi aalajangersarneqarpoq, tjenestemandinut maleruagassat atuuttut malillugit sulisup ukiumut ataasiarluni feeriarluni akiliunneqarluni angalasinnaatitaanera eqqarsaatigalugu aalajangersagaq isigineqassasoq, takuuk § 34, imm. 1, nr. 15. Angalaneq ukiumut ataasiarluni akileraaruteqaataasussaannngitsumik feeriarluni akiliunneqarluni angalanerit tunngatinneqarsinnaappat, taamaalilluni angalanerup nalinga akileraaruserneqassanngilaq. Pisuni allani akileraarutitigut nalinga § 19 b-mi maleruagassat malillugit naatsorsorneqassaaq.

Feeriarluni akiliunneqarluni angalaneq, § 34, nr. 15-imi akileraaruteqaataasussaannngitsumik feeriarluni akiliunneqarluni angalanermut maleruagassat malillugit akilerneqarsinnaasunit, qaffasinnerusumik akeqartillugu akilerneqarsimappat, sinneruttoq sulisitsisumit nalunaarutigineqassaaq aammalu § 19 b-mi maleruagassat malillugit akileraaruserneqassalluni. Tamanna assersuutigalugu pissaaq, Kalaallit Nunaanni suliffiup sumiiffianiit Københavnimut uterlugulu takornarianut/killilersugaasumik billetsinut akikinnernut akigititat annerpaaffissaat sinnerlugu angalaneq akeqarsimappat. Akileraaruteqaataasussaannngitsumik feeriarluni akiliunneqarluni angalanernut killissat pillugit feriarluni akiliunneqarluni angalanerit akileraaruserneqartarnerat pillugu Akileraartarnermut Aqutsisoqarfiup ilitsersuutaa 25. april 2008-meersoq innersuussutigineqarpoq.

Tamatuma saniatigut imm. 1-imi erseqqissarneqarpoq, akiliunneqarluni angalanerit nalingi sulisitsisup akiliunneqarluni angalanermut aningaasartuutinut akiligaannut naatsorsorneqassasoq.

Aalajangersakkami imm. 2-mi assigiissaartumik annertussusiliussat aalajangersarneqarput, peqatigisaanik akiliunneqarluni angalanerit akileraaruserneqartarnerannut annerpaaffissaallutik (annerpaaffissanut killiliussaq). Aalajangersakkami siunertarineqarpoq akileraartarnermut ingerlatsiviup nalunaarutaanni suleriaatsit atuuttut ataatsimoortunngortinnissaa, kingullermik nalunaarut nr. 133, 6. oktober 2020-meersoq.

Sulisitsisup sulisup angalaneranut aningaasartuutininik akiliinerani, sulisoq annertussusiliussaq aalajangersakkami nr. 1-3-mi allassimasooq atorlugu annerpaamik akileraaruserneqassaaq. Sulisitsisup imaluunniit akileraartussaataitaasup angalanermut aningaasartuutiiviit uppersanngippagit, taamatuttaaq nr. 1-3-mi annertussusiliussat tunngavigalugit akileraarusiisoqassaaq. Angalaneq annertussusiliussanit matuma siuliani taaneqartunit annikinnerusumik aningaasartalimmik uppersaatalimmik ingerlanneqarsimappat, aningaasat annikinnerusut taakkua taamaallaat akileraaruserneqassapput.

Killiliussat iluanni billetsimut aningaasartuutit, angalanissamut pilersaarummiittut unnuinerit aamma mittarfinnut akitsuutit ilanngullugit, taamaallaat akilerneqarsinnaapput. Aningaasartai annerpaaffissanut killissaliussat nr. 1-3-mi aalajangersagaasut inorlugit annertussuseqaraluarpataluunniit, tapiliussanik, soorlu biiliniq attartorneq, neriniartarfimmiinneq, aasarsiortarfimmik attartorneq, attartorluni feriarneq il.il., aningaasartuuteqartoqarsinnaangilaq.

Taamaattoq annerpaaffissanut killiliussaq, Kalaallit Nunaanni suliffiup sumiiffianiit Kalaallit Nunaanni ornigassamut uterlugulu, imaluunniit Kalaallit Nunaanni suliffiup sumiiffianiit Københavnimut uterlugulu, angalanermut taamaallaat atuuppoq. Angalanermit Københavnimiit nunarsuarmut ingerlaqqilluni angalanerit ilaatinneqarpata, aningaasartuutit tassunga tunngasortaa sulisitsisup aningaasartuutinut akiliutaannit akileraaruserneqassaaq. Angalanerup akia allatigut annerpaaffissanut killiliussat nr. 1-3-mi aalajangersarneqartut

inorlugit annertussuseqarnersut apeqqutaatinnagu, tamanna atuutissaaq. Kalaallit Nunaanni suliffiup sumiiffianiit Kalaallit Nunaata avataanut, Københavnumuunngitsoq, angalanerup nalinga, sulisitsisup aningaasartuutitut akiligaannit taamaaqataanik akileraaruserneqassaaq. Taamaattoq akia Københavnumut angalanerup akeqartussaananerani annertunerusimangippat, ornigassat allat Københavnumiit allaanerusut, Kalaallit Nunaannut toqqaannartumik aqquteqartut, atorneqarsinnaapput.

Taamaattoq iluanaarniapiluttoqartillugu, annerpaaffissanut killiliussat saneqqunneqarsinnaapput. Tamanna suleriaatsimut atuuttumut naapertuuppoq. Ilaatigut nalunaarut nr. 133, 6. oktobari 2020-meersoq innersuussutigineqarpoq. Assersuutigalugu aningaasartuutini tapiliussanut aningaasartuutit ilaatinneqarpata, assersuutigalugu ornigassami biiliniq attartornermut aningaasartuutit imaluunniit pisuni allani iluanaarniapiluttoqarluni, annerpaaffissanut killiliussat saneqqunneqarsinnaapput.

Assersuut 1:

Sulisoq Qaanaami suliffeqarpoq. Qaanaamit Københavnumut uterlugulu angalaneq 22.000 koruuneqarpoq. Sulisitsisup tamatuma saniatigut sulisup nammineerluni Londonimut angalanera, 1.000 koruuneqartoq akilerpaa. Pisumi tassani sulisoq (17.680 kr. + 1.000 kr.=) 18.680 koruuninit akileraaruserneqassaaq. Qaanaamiit Københavnumut angalanermit aningaasartuutit annertussusiliussanut annerpaaffissamit annertunerummat, pineqartoq annertussusiliussaq tikillugu aningaasartuutinit taamaallaat akileraaruserneqassaaq. Londonimiit angalaneq tamakkiisuutillugu akileraaruteqaataasussaavoq, tassami tassani akiliunneqarluni angalaneq pineqarmat aammalu angalaneq Kalaallit Nunaanni imaluunniit Københavnumut pinnani.

Assersuut 2:

Inuk sulisitsisumit akilerneqartumik New Yorkimut feeriarpoq.

- Angallavigineqarput Qaanaaq - Upernavik – Ilulissat – Kangerlussuaq – Reykjavik – New York – København – Kangerlussuaq – Ilulissat – Upernavik - Qaanaaq.
- Inuup nammineerluni akunnittarfimmiinnissaniq inniminnerpaa akilerlugulu. Aqqutissami Qaanaaq – Reykjavik/København uterlugulu billetsi akikinnek killilersugaasoq pissarsiarineqarpoq.
- Qaanaamit Reykjavikimut/Københavnumut utertillugulu akikinnermi billetsimut akikinnerpaamut killilersugaasumut akigitat annerpaaffissaat 22.500 koruuniuvoq. Angalatitsivimmiit akiligassiissut tamakkiisoq 45.000 koruuniuvoq.

Akileraaruteqaataasussaannngitsumik feeriarluni akiliunneqarluni angalanerunngippat, takuuk § 34, nr. 15, akiliunneqarluni angalaneq akileraaruteqaataasussaavoq, takuuk § 19 b. pineqartoq ornigassamut Reykjavik/København aningasartuutinit akileraaruserneqassaaq, taamaattoq annerpaamik 17.680 koruuninit, taamaattumik angalanermit tunngasut sinneruttut (22.000-17.400=) 4.320 koruuninit akileraaruteqaataasussaannngillat, tassami

iluanaarniapiluttoqanngimmat. Kisiannili angalanerup sinnera akileraaruteqaataasussaavoq. Inuk (45.000 – 4.320=) 40.680 koruuninit akileraaruserneqassaaq.

Reykjavikimut angalanerup akia Københavnimut angalanermut akigititमित annertunerusimanngippat, ornigassaq Reykjavik, Københavnimut taarsiullugu, pisumi tassani qaffasinnerusumik akileraaruteqartitsisussaangilaq.

Ilaanakortumik akiliunneqarluni angalanerit akileraaruserneqartassasut, imm. 3-mi aalajangersakkami siunnersuutigineqarpoq.

Ilaanakortumik angalaneq paasineqassaaq, angalanerup siunertaa inuussutissarsiornermut namminermullu tunngassuteqartoq. Nammineq siunertaq assersuutigalugu tassaasinnaavoq sulisup feeriarnera, sulinngiffeqarnera imaluunniit qaangiuttoornernik atuilluni sulinnginnera. Akileraarusiineq ullut amerlassusai namminermut siunertamut atorneqarsimasut malillugit naatsorsorneqassaaq.

Sulisup qanigisaannik annertuumik napparsimasoqarneranut imaluunniit toqusoqarneranut atatillugu angalanerit aalajangersakkami pineqartunut ilaatinneqanngillat. Taamatut angalanermi siunertaq suliap pissusissamisoornerani namminermut attuumassuteqaraluartoq, angalanerit taamaattut suleriaaseq aalajangersimasoq malillugu akileraaruteqaataasussaangillat. Tamatuma allanngortinnissaa siunnersuummi siunertarineqanngilaq.

Aalajangersakkami naggatit aappaanni pingajuannilu angalanerup namminermut tunngasortaanut naatsorsuisarnermut aalajangersakkat erseqqinnerusut aalajangersarneqarput. Naatsorsuineq ullut iluitsut, aammalu nalunaaquttap akunneriniinngitsoq, pissaaq. Nalilersuinermit sulisoq ulloq taanna feeriarnersoq, sulinngiffeqarnerasoq imaluunniit qaangiuttoornernik atuilluni sulinnginnerasoq, pingartinneqassaaq. Ulloq taanna ataasiarluni ataatsimiittoqarsimappat, iluanaarniapiluttoqarsimanngippat, ulloq aallaaviatigut inuussutissarsiornermut atorneqartutut isigineqassaaq.

Taamaattoq siunnersuutigineqarpoq, namminermut siunertaq angalanermi aalajangersimasumik annertussuseqarsimappat, ilaanakortumik akiliunneqarluni angalanerit aatsaat akileraaruserneqassasut. Namminermut siunertaq angalanermi annikitsuinnarmik annertussuseqarsimappat, angalaneq tigusisumut akileraaruteqaataasussaassanngilaq.

Tassani angalanermi namminermut siunertaq angalanerup sivilissusaanit minnerpaamik 50 procentinik inittussuseqarsimanersoq imaluunniit ullut feeriarfiusut assigisaallu ataqatigiissut amerlassusaat ullunit ataqatigiissunit 5-iniit sivilissuserisimanersut, pingartinneqassaaq. Tamatuma saniatigut akileraaruteqaataasussat angalanermi ataatsimit 1.000 koruuninit annertunerusimassasut piumasaqaataavoq.

Namminermt tunngasortaata annertussusaanik naliliinermi, aammalu ilaannakortumik akiliunneqarluni angalanerit akileraaruserneqarnissaannut naatsorsuinermi ullut angalaffiusut, arfininngornerit sapaatit nalliuttullu ilaatinneqassanngillat. Angalanermi ornigassani ullut nalliuttuunersut pingaaruteqanngilaq.

Assersuut 1:

Nuummi sulisoq ilaannakortumik akiliunneqarluni angalavoq, pikkorissariarluni aammalu feeriarluni. Pineqartoq ulloq 3. maj aallarpoq aammalu ulloq 13. maj uterluni. Angalanermi ullut marluk pikkorissarfiupput ulloq 5. aammalu ulloq 10. maj.

Pineqartoq ullut sinnerini feeriarpoq. Ullut angalaffiusut, arfininngornerit sapaatillu eqqaassanngikkaanni, angalaneq ullunik 7-inik sivisussuseqarpoq. Taakkunannga ullut marluk suliffiupput aammalu ullullu tallimat feeriarfiullutik.

Angalanermi namminermt tunngasortaa (5/7-deliummat) taamaalillunilu angalanerup 50 procentianiit sivisunerulluni, angalaneq ilaannakortumik akiliunneqarluni angalaneruvoq akileraaruteqaataasussaq. Billetsip akia 8.000 koruuniusimappat, angalanerup akileraarutitigut nalinga $((5/7^*) \times 8.000 =)$ 5.714 koruuniuvoq. Namminermt tunngasortaa 1.000 koruuninit akisunerummat, nalinga 5.714 koruuniusoq isertitani akileraaruteqaataasussani naatsorsuinermi ilanngunneqassaaq.

Assersuut 2:

Ilulissani sulisoq piffissami ulloq 2. maj aallartittumi ulloq 28. maj tikillugu ilaannakortumik akiliunneqarluni angalavoq. Angallavigineqarput Ilulissat – Kangerlussuaq – København – Oslo - København – Kangerlussuaq – Ilulissat. Sulisoq 3. - 4. maj Københavnimi sulivoq. Oslomiinneq ulluni pingasuni piffissami ulluni 5.-7. maj ataatsimeersuarnermt atorneqarpoq.

Ullut angalaffiusut, arfininngornerit sapaatillu eqqaassanngikkaanni, angalaneq ulluni 19-ini sivisussuseqarpoq. Taakkunannga ullut 14-it feeriarfiupput, ullut tallimat suliffiullutik.

Ullut ataqatigiissut 5-it sinnerlugit feeriarmit, angalaneq ilaannakortumik akiliunneqarluni angalaneruvoq akileraaruteqaataasussaq. Ilulissat – Kangerlussuaq – København uterlugulu angalanermt aningaasartuutit 12.000 koruuninik annertussuseqarpata, angalanerup ilaa akileraaruteqaataasussaq $((14/19) \times 12,000 =)$ 8.842 koruuniuvoq.

Angalanermt København – Oslo – København angalanermt aningaasartuutit inuussutissarsiorluni angalanermt tunngassuteqarput, taamaattumik angalanermt tassunga aningaasartuutit naatsorsuinermi ilanngunneqartussaanaatik. Pineqartoq Oslomiinnerminut nangissutigalugu ulluni feeriarfeqarsimasuuppat, tassunga angalanermt aningaasartuutit naatsorsuinermi ilanngunneqartussaassagalarput.

Inunnut sulliviugallartumi aammalu aalajangersimasumik sullivimmi pineqartup piffissani suliffiunngitsuni uninngaffigeqqusaanngisaani sulisunut angalanermt akileraarusiisarneq, aalajangersakkami imm. 4-mi aalajangersaavigineqarput. Aalajangersagaq § 13, imm. 1

aamma aalajangersakkami imm. 1-3 malillugit akiliunneqarluni angalanerit akileraaruserneqartarnerat pillugu maleruagassani ilaatitsinnginnertut isikkoqarpoq.

Akiliunneqarluni angalanerit, ”inuit kommunit aggornerisa avataaniittut il.il.” pillugit akileraartarnermut ingerlatsivimmit nalunaarutini maleruagassani pineqartunut maannamut ilaatinneqartut, ilaatinneqarnissaat aalajangersakkami pingaarnertut siunnerfigineqarpoq.

Aalajangersagaq pisunut marlunnet tunngassuteqarpoq:

- Sulliviugallartut.
- Sulliviit aalajangersimasut, sulisup piffissani sulinngiffiusuni uninngaffigeqqusaanngisai.

Pisoq siulleeq pingaarnertut illuliornermi sanaartornermilu suliassanut annertunerusunut tunngatinneqarpoq, tassani sulisut suliffiata sumiiffigigallagaani sulisitsisoq sullillugu suliassanik suliaqartarlutik. Illuliornermi suliassat taamaattut piffissatigut sivilunerusumik sivilususeqarsinnaasarput, taamaattumik sulisut suliassap ingerlanneqarnerata nalaani nalinginnaasumik najukkaminnet angalanermit akiliunneqartarlutik, taamaattumillu angalanerup siunertaa feeriarnerulluni. Taamatut angalaneq siunnersuut malillugu 2.000 koruuninik akileraaruserneqassaaq.

Suliffiup sumiiffigigallagaa tassaasinnaavoq illuliorfissaq. Qitiutinneqartoq tassaavoq, suliassaq piffissami killilimmi ingerlanneqartussaasoq aammalu suliassaq killeqartoq. Suliassap naammassereernerani sulisup sullivia illoqarfimmi imaluunniit nunaqarfimmi allami sumiiffinni nutaamiilissaaq. Sulisoq illoqarfiup imaluunniit nunaqarfiup (sumiiffik) iluani suliassani allani sulilerpat, tamanna suliffiup sumiiffiatut aalajangersimasutut isigineqassaaq. Angalanerit sulisitsisumit akilerneqartut, tamatuma kingorna maleruagassat nalinginnaasut malillugit suliarineqartassapput.

Pineqartoq nalinginnaasumik najugaqartuussasoq aammalu nalinginnaasumik najugaa taanna sulliviugallartup sumiiffianiigani sumiiffimmi allamiissasoq, piumasagaataavoq. Angalaneq sulliviup sumiiffianiit nalinginnaasumik najugaanut utimullu ingerlasassaaq. Inuk nalinginnaasumik najugaqanngippat, pineqartoq akiliunneqarluni angalanerit akileraaruserneqartarnerannut maleruagassani nalinginnaasuni ilaatinneqassaaq, tassami pineqartoq sullivimmi najugaqartutut isigineqartariaqarmat. Sulisup najugaa illoqarfimmi imaluunniit nunaqarfimmi sulliviugallartup sumiiffianiippat, aamma tassunga tunngasoq aalajangersakkami pineqartunut ilaatinneqassanngilaq.

Oqaaseqatigiinni ”suliffiup sumiiffia aalajangersimasooq, sulisup piffissani sulinngiffiusuni uninngaffigeqqusaanngisaa” pineqarput sumiiffiit isumannaallisaaneq eqqarsaatigalugu piffissani sulinngiffiusuni sumiiffimmi sulisut uninngaffigeqqusaanngisai. Tassani pingaartumik eqqarsaatigineqarput Pituffik (Thule Airbase) aamma illoqarfiit nunaqarfiillu avataanni aatsitassarsiornermi suliassat. Tassani isumannaallisaanermut tunngasut,

atortorissaarutit taamatullu sumiiffik atugassiissutigineqartut, sulisut piffissani sulinngiffiusuni sumiiffimmiissinnaannginnerannik malitseqarsinnaapput.

Illoqarfimmi imaluunniit nunaqarfimmi suliffiup sumiiffia aalajangersimasuuppat, aammalu sulisoq sulisunut atortorissaarutini sulisitsisumit atugassiissutigineqartuni najugaqarpat aammalu sulisitsisoq aalajangiisimappat sulisut piffissani suliffigisussaanngisaminni taakkunani najugaqaqqusaanngitsut, tamanna imminermini pineqartup aalajangersakkami tassunga tunngasumi ilaatinneqarneranik malitseqassanngilaq, tassami piffissani sulinngiffiusuni illoqarfimmi imaluunniit nunaqarfimmi pineqartup najugaqarnissaa pissusiviusuni akornuserneqanngimmat. Taamaalilluni sumiiffimmi pissusiviusut aalajangiisuuppat aammalu sulisitsisup sulisunut atortorissaarutini il.il. atuinissaq pillugu qanoq aalajangersaasimanera aalajangiisuunani. Pisuni taakkunani taamaalilluni, suliffiup sumiiffigigallagaa pineqarsimanngippat, akiliunneqarluni angalanerit akileraaruserneqartarnerannut maleruagassat nalinginnaasut atorneqassapput.

§ 19 c-mi siunnersuutigineqarpoq, annertussusiliussat § 19 a-mi aamma § 19-imi taaneqartut akigititamut naleqqussaanermut procentiliussamik iluarsineqartassasut.

Aalajangersagaq nutaajuvoq.

Akileraartarnermut ingerlatsiviup ukiup isertaqarfiusup atuuffissaasa siuliani ukiumi kingusinnerpaamik ulloq 10. oktobari annertussusiliussat tamanut saqqummiuttassavai.

Nr. 9-mut

Siunnersuutigineqarpoq isertitat B-t akileraaruteqaataasussaannngitsut aningaasartaat ukiumut isertitaqarfiusumut 5.000 koruuninut aalajangersarneqassasoq.

Nr. 10-mut

Siunnersuutigineqarpoq ilanngaat aalajangersimasoq 10.000 koruuninut aalajangersarneqassasoq. Aalajangersakkap atuunnerani ilanngaat aalajangersimasoq Inatsisartuni ukiumoortumik aalajangersarneqartassanngilaq.

Nr. 11-mut

Siunnersuutigineqarpoq § 36 b, imm. 2-imi naggammik nutaamik ilanngussinermi, akileraartussaataasup transfer pricingimut uppernarsaammik nassiussinissaanut piffissamut killiliussamik akileraartarnermut ingerlatsivik aalajangersaasinnaassasoq. Taamaattoq piffissamut killiliussa q taanna ullunit 60-init sivikinnerusinnaanngilaq.

Nr. 12-imut

Siunnersuutigineqarpoq inatsimmi § 36 b, imm. 1 naapertorlugu paasissutissiisussaataanerup naammassineqannginnera, akileraaruserinermik ingerlatsineq pillugu Inatsisartut inatsisaanni § 19 malillugu akileraarummut tapiliussamik akiliisussanngortitsisinnaassasoq.

Paasissutissiisussaataaneq tassaavoq aningaasat nuunneqartut nakkutigineqartut annertussusaat akileraartussaataasup paasissutissiisutigissagai.

Nr. 13-imut

Akiliutit sulisitsisup § 47 b, imm. 6 malillugu sulisup aningaaserivimmi Kalaallit Nunaanni angerlarsimaffeqartumi soraarnerussutisianut aaqqissuussineranut ilanngaasiisoqarsinnaatitaanermik akiliutigisaasa, isertitanut tunngavissani ilanngunneqarnissaasa qulakkeernissaa, siunnersuummi siunertaavoq.

Taamaaliornermi § 41, imm. 2 malillugu Kalaallit Nunaanni aningaaserivimmi sulisup soraarnerussutisianut aaqqissuussineranut akiliutinut allanut akiliutit taakkua naligiissinneqarput.

Tamatuma saniatigut soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni ileqqaarnermut tunngavissat imminnut naapertuunnerulernissaat aalajangersakkami qulakkeerneqarpoq.

Nr. 14-imut

Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni allanngortitsinerup malitsigisaanik aalajangersagaq inatsimmi § 38 c, imm. 1-imik sunniutaasunik iluarsineruvoq.

Nr. 15-imut

Siunnersuutigineqarpoq kommunini ataatsimoortumik akileraarut 6 procentinut aalajangersarneqassasoq. Akileraarutitigut ilanngaatit il.il. inatsimmi aalajangersarneqarnerannut ilaatillugu allanngortitsisoqarpoq.

Nr. 16-imut

Siunnersuutigineqarpoq inummut ilanngaat 48.000 koruunimut aalajangersarneqassasoq. Taamaattoq Inatsisartut inummut ilanngaatip annertussusaata allanngortinnissaa aalajangiiffigisassatut siunnersuummi akuerisinnaavaat. Tamanna kingusinnerpaamik qaammatisiutit malillugit ukiup pineqartup siuliani ukiup affaani siullermi ataatsimiinnermi pissaaq. Tamanna pillugu Inatsisartut aalajangiinerat ukiumi isertitaqarfiusumi pineqartumi taamaallaat atuuppoq aammalu ukiuni isertitaqarfiusuni kingusinnerusumiittuni atuunnani.

Nr. 17-imut

Siunnersuutigineqarpoq inatsimmi § 73, imm. 1-imi naggatip siulliup oqaasertalerneqarnera, § 85 a nutaaq pillugu siunnersuummi nr. 22-p kingunerisaanik allanngortinneqassasoq.

Nr. 18-imut

Siunnersuutigineqarpoq § 75, imm. 1-imi nr. 4-p nutaap ilanngunneqarneratigut, akeqanngitsumik ajunngitsorsiassat allattorneqartut, sulitilluni atugassiissutigineqartut, isertitatut A-nngortinneqassasut. Aalajangersakkami uniffiit aappaanni erseqqissarneqarpoq, tamanna ajunngitsorsiassat siulersuisuni il.il. ilaasortanut atugassiissutigineqarnerannut aammattaaq atuuttoq. § 86, imm. 3-mi innersuussutip malitsigisaanik, aalajangersakkami matumani nassuiarneqartut, ajunngitsorsiassat amerlanerussuteqarlutik aktiaatilinnut atugassiissutigineqarneranni tamanna aamma atuutissasoq. Akeqanngitsumik ajunngitsorsiassanut unerartitsisussaataaneq, amerlanerussuteqarluni aktiaatilik ingerlatseqatigiiffimmi ajunngitsorsiassanik atugassiisumi sulinngikkaluarpat imaluunniit siulersuisuni ilaasortaannikkaluarpat, taamaalilluni aamma atuutissaaq.

Nr. 19-imut

Siunnersuutigineqarpoq akileraarutit B-t ukiumi qaammatinut agguarlugit akiligassani 12-ini akilersinneqartassasut.

Nr. 20-mut

Aalajangersagaq nutaajuvoq.

§ 85 a-mi siunnersuutigineqarpoq, ingerlatseqatigiiffiit peqatigiiffiillu il.il. ukiup isertitaqarfiusup ingerlanerani ingerlatseqatigiiffiup akileraarutaanut ukiumi naatsorsuutigineqartumut akiliinissamut periarfissinneqassasut. Taamatut akiliineq akileraaruteqarallarnertut taagorneqarpoq. Ingerlatseqatigiiffiit akileraarutaagallartumik akiliiniarnerlutik nammineerlutik aalajangissavaat.

Akileraarutaagallartoq ukiup isertitaqarfiusup ingerlanerani akilerneqassaaq aammalu ukiumi isertitaqarfiusumi kingusinnerpaamik ulloq 31. decembari akileraartarnermut ingerlatsivimmi tiguneqareersimassalluni. Kingusinnerusukkut akiliinerit akileraaruserinermik ingerlatsineq pillugu Inatsisartut inatsisaanni § 27 malillugu akileraarummut tapiliussap annikillisinneqarneranik malitseqassanngilaq.

Ingerlatseqatigiiffiup ukiumut naatsorsuusiorfiusoq nikingatippagu, akiliut kingusinnerpaamik ukiumi naatsorsuusiorfiusumi, qaammatsiutit malillugit ukiumut taarsiunneqartumi, ulloq kingulleq akileraartarnermut ingerlatsivimmi tiguneqareersimassaaq.

Nr. 21-mut

Siunnersuutigineqarpoq suliffeqarfinni kommunit aggornerisa avataanni sumiiffinni nunani allani illersornissamut oqartussanut pilersuisutut imaluunniit pilersuisunut pilersuisutut suliaqartuni § 3 a-mi tamakkiisumik akileraartussaataitanissamik pisussaaffiup unioqquatinneqarnera, akiliisitsinertut ilusilimmik pineqaatissiiisussanngortitsisinnaassasoq. Taamaattoq unioqquitsinerit annertunnginnerusut mianersoqqusinerimik taamaallaat pineqaatissiivigineqassapput.

Nr. 22-mut

Aalajangersakkap atuunnerani § 105-imi nr. 7-itut aamma nr. 8-tut aalajangersakkat nutaat marluk ilanngunneqarput.

Nr. 5-imi najoqqutassatigut allanngortitsisoqanngilaq. Allanguutituaasoq tassaavoq aalajangersakkap naanerani "imaluunniit" peerneqarnera.

§ 105, imm. 1, nr. 6-imi najoqqutassatigut allanngortitsisoqanngilaq. Allanguutaa tassaavoq, aalajangersakkap naanerani naggatip uniffimmik taarserneqarnera, tassami nr. 7 aamma 8 nutaat ilanngunneqarmata.

§ 105, imm. 1, nr. 7-imut siunnersuummi aalajangersarneqarpoq, suliffeqarfik imaluunniit suliffissuaq uppersaasiisussaataitanermi tamakkiisumi imaluunniit uppersaasiisussaataitanermi killilimmi pineqartunut ilaatinneqarnersoq pillugu paasissutissanik eqqunngitsunik imaluunniit paatsoortitsisunik tunniussisoqarpat, tamanna pineqaatissiisussanngortitsisinnaasoq.

§ 105, imm. 1, nr. 8-mut siunnersuummi aalajangersarneqarpoq, akileraartarnermut ingerlatsivimmit piunnaaffigineqareerluni transfer pricingimut uppersaammik aammalu nunamit-nunamut nalunaarusianik nassiussinnginneq pineqaatissiisussanngortitsisinnaasoq.

Aalajangersakkami aammattaq uppersaatiip naammangitsup nassiunneqarnera pineqartunut ilaatinneqarpoq. Tamatumani pissutaasinnaavoq transfer pricingimut uppersaatiip maleruagassat Naalackersuisunit aalajangersagaasut malillugit piunnaasaatinut naammassinnginnera, imaluunniit allatigut politikkimut attuumassuteqannginnermut tunngaviumut naapertuuttumik iliuuseqartoqarsimanersoq akileraartarnermut ingerlatsiviup naliliisinnanissaanut, uppersaatiip naammanginnera.

§ 2-mut

Imm. 1-imut

Siunnersuutigineqarpoq inatsit ulloq 1. januar 2022 atuutilissasoq.

Imm. 2-mut

Siunnersuutigineqarpoq siunnersuummi § 1, nr. 1, 9, 15, 17, 18 aamma 20 aatsaat ulloq 1. januar 2023 atuutilissasut. Tassani pineqarput kommunini ataatsimoortumik akileraarummut procentiliussaq, inummut ilanngaatiip aamma ilanngaatiip aalajangersimasup il.il. aalajangersarneqarnissaat, aammalu 2022-mi ukiumut isertitaqarfiusumut ilanngaatiip il.il., 2021-mi upernaakkut ataatsimiinnermi Inatsisartut aalajangiiffigisassaanni aalajangersarneqarnerannut tunngassuteqarluni. Tamatuma saniatigut tassani pineqarpoq A-tut isertitaqarfiusut amerlisinneqarnissaat aammalu akileraarutaagallartumik akiliinissamut periarfissaqarnissaq.

Imm. 3-mut

Siunnersuutigineqarpoq siunnersuummi § 1, nr. 15-16, inatsisip atuutilernerata nalunaarutigineqarnerata aqaguani atuutilissasoq. Tamatuma saniatigut siunnersuutigineqarpoq aalajangersagaq 2021-mi ukiumut isertitaqarfiusumut isertitanut tunngaviusut naatsorsorneqarnerannut atuutissasoq. Taamaaliornikkut soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni inatsimmut allannguut 1. januar 2021 atuutilersumi ileqqaarnermut tunngavissanut naapertuunnissaata qulakkeernissaa siunertaasoq eqqarsaatigineqarpoq.

Siunnersuut inatsimmut atuuttumut sanilliullugu	
<i>Oqaasertaliineq atuuttoq</i>	<i>Siunnersuut</i>
	§ 1 Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaanni nr. 11, 15. november 2007-imeersumi, Inatsisartut inatsisaanni nr. 3, 30. november 2009-meersumi, Inatsisartut inatsisaanni nr. 8, 3. december 2012-imeersumi, Inatsisartut inatsisaanni nr. 18, 26. juni 2017-imeersumi, Inatsisartut inatsisaanni nr. 23, 13. November 2017-imeersumi, Inatsisartut inatsisaanni nr. 22, 28. november 2018-imeersumi, Inatsisartut inatsisaanni nr. 41, 2. december 2019-imeersumi, aammalu kingullermik Inatsisartut inatsisaanni nr. 12, 19. november 2020-meersumi allanngortinneqartumi, makkua allanngortinneqarput:
<p>§ 2 <i>Imm. 6.</i> Imm. 1, naapertorlugu akileraartussaataaneq taamaallaat isertitanut isertitallu tunngaviinut taaneqartunut atuuppoq, aammalu akissaajaatit taamaallaat ilanngaatigineqarsinnaapput isertitanut isertitalluunniit tunngaviinut tunngassuteq Inunnut imm. 1, nr. 1, naapertorlugu akileraartussaataasunut aningaasarsiat akileraaruteqaataasussat naatsorsornerini akissarsiat 10 procentiinik, annerpaamillu ukiumut Inatsisartunit aalajangerneqarsimasumik, ilanngaateqarsinnaatitaapput. Ukiumut ilanngaatigineqartussat oqaaseqatigiit aappaanni taaneqartut qaammatisiutit malillugit ukioq atortuuffissaat sioqqullugu</p>	<p>1. § 2, imm. 6, imatut oqaasertalerneqarpoq: ” <i>Imm. 6.</i> Imm. 1 malillugu akileraartussaataanermi taamaallaat isertitat aamma isertitanut tunngavigineqartussat taaneqartut kisimik pineqartunut ilaatinneqarput, taamatullu aningaasartuutit isertitanut imaluunniit isertitanut tunngavigineqartussanut taakkununnga tunngassuteqarpata, aatsaat taakkua ilanngaatigineqarsinnaallutik. Inunnut imm. 1, nr. 1 malillugu akileraartussaataasunut, aningaasarsiarititat 10 procentiinik, taamaattoq ukiumut annertuumik 1.000 koruuninik, ilanngaasiisoqassaaq.”</p>

<p>ukiup affaani siullermi Inatsisartut ataatsimiinneranni aalajangerneqartassapput.</p>	
	<p>2. § 3-p kingorna ilanngunneqarpoq: ” § 3 a. Suliffeqarfiit nunani allani illersornissamut oqartussat isumaqatigiissuteqarfigalugit sumiiffinni kommunit aggornerisa avataanni suliassanik suliarinnittut, aktiaatileqatigiiffittut imaluunniit piginneqatigiiffittut Kalaallit Nunaanni angerlarsimaffeqartutut nalunaarsorsimasuussapput aammalu taakkua aqutsisui Kalaallit Nunaanniissallutik.</p> <p><i>Imm. 2.</i> Imm. 1 taamatutaaq suliffeqarfinnut imm. 1 naapertorlugu kommunit aggornerisa avataanni suliassanik suliarinninnissaq pillugu nunani allani illersornissamut oqartussanut isumaqatigiissuteqarsimasunut entreprenøritut, pilersuisutut il.il. suliassanik suliarinnittunut, aammalu taakkua ataanni entreprenørinut, pilersuisunut il.il. entreprenøri, pilersuisoq il.il. sullillugu suliassanik suliaqartunut, taamaaqataanik atuutissaaq, taamaattoq takuuk imm imm. 3.</p> <p><i>Imm. 3.</i> Suliffeqarfiit imm. 1-imi aamma 2-mi pineqartunut ilaasut, tamatumunnga pissutsit immikkorluinnaq ittut tunngavilersuutigineqartillugit, imm. 2-mi pineqartunut ilaasunit allaanerusunik entreprenørinik, pilersuisunik il.il. atuisinnaapput.”</p>
<p>§ 18 <i>Imm. 3.</i> Erniat ikinnerpaaffiat akileraaruseriffimmiit nalinginnaasunik ukiup affaanut marlunnut, januarimiit junimut aamma julimiit decemberimut aalajangersarneqartassapput.</p>	<p>3. § 18, imm. 3, imatut oqaasertalerneqarpoq: ” <i>Imm. 3.</i> Ukiup isertitaqarfiusup tullianut erniat ikinnerpaaffissaannut annertussusiliusaaq Akileraartarnermut ingerlatsiviup ulloq 20. december tikitsinnagu aalajangersassavaa.”</p>

<p>§ 19 <i>Imm. 2.</i> Illoqarfik biilip privatimik atorneqarfia 75.000 kvadratmeterisut annertutigisumik annertunerusumulluunniit aqqusineqarpat, biilip imm. 1-imi pineqartup akileraarutitigut nalinga ukiumut 60.000 koruuninik annertussusilerneqassaaq.</p>	<p>4. § 19, imm. 2-mi, ”60.000” allanngortinneqassaaq imaalerlugu: ”70.000 (2022-mi inissisimaneq)”.</p>
<p>§ 19 <i>Imm. 3.</i> Illoqarfik biilip privatimik atorneqarfia 25.000 kvadratmeterinit 75.000 kvadratmeterillu akornanni annertutigisumik aqqusineqarpat, annertussusiliusaaq imm. 2-mi taaneqartoq 30.000 koruuninut appartinneqassaaq.</p>	<p>5. § 19, imm. 3-mi, ”30.000” allanngortinneqassaaq imaalerlugu: ”35.000 (2022-mi inissisimaneq)”.</p>
<p>§ 19 <i>Imm. 4.</i> Illoqarfik biilip privatimik atorneqarfia 25.000 kvadratmeterit inorlugit annertutigisumik aqqusineqarpat, annertussusiliusaaq imm. 2-mi taaneqartoq 15.000 koruuninut appartinneqassaaq.</p>	<p>6. § 19, imm. 4-mi, ”15.000” allanngortinneqassaaq imaalerlugu: ”17.500 (2022-mi inissisimaneq)”.</p>
<p>§ 19 a. Aningaasarsianik akileraaruteqaataasussanik naatsorsuinermit inissiani tamakkiisumik ilaannakortumilluunniit akeqanngitsumik ineqartitaanerit nalingi, matumani ilanngullugit utaqqiisaasumik inissiani aammalu utaqqiisaasumik inigisassaaq sioqqullugu inissiani ineqartitaanerit nalingi ilanngunneqassapput, taamaattorli takuuk § 34, imm.1, nr. 3.</p>	<p>7. § 19 a, imatut oqaasertalerneqarpoq: ” § 19 a. Ajunngitsorsiassat imm. 2-8-imi taaneqartut, § 75, imm. 1-imi taaneqartutut A-nik isertitaqartunut atugassiissutigineqartut, nalingi imm. 2-8-mi allassimasutut aalajangersarneqassapput, taamaattoq takuuk imm. 9. Taamaaqataa ajunngitsorsiassanut inunnut siulersuisunut, ataatsimiititalianut, isumalioqatigiissitanut, siunnersuisooqatigiinnut, aalajangiisartunut imaluunniit allanut ataatsimoorlutik oqartussanut, ilanngullugit Naalakkersuisut, Inatsisartut aamma kommunalbestyrelsit, ilaasortatut imaluunniit ikiortaasussatut toqqagaasunut atugassiissutigineqartunut, kiisalu pissutsit allatigut immikkoortumi tassani ilaatinneqanngippata, § 86, imm. 3-mi taaneqartutut amerlanerussuteqartunik</p>

	<p>aktiaatilinnut, ajunngitsorsiassanik ingerlatseqatigiiffimmit pineqartup amerlanerussuteqartunik aktiaateqarfigisaanik atugassiissutigineqartunut, atuuppoq.</p> <p><i>Imm. 2.</i> Akeqanngitsumik ineqartitaanerup nalinga nr. 1-3-imi aalajangersakkat malillugit ingerlatsinermut akiliummut aningaasaliissutinit iluanaarutit ilanngullugit katinnerisut naatsorsorneqassaaq, taamaattoq takuuk imm. 9:</p> <p>1) Ingerlatsinermut akiliut ilaqutariinnut ataatsinut illunut aammalu illunut affarleriinnut m²-imut 461 koruuniuvoq (2022-mi inissisimaneq) aammalu inissiarsuarnut aamma illunut uiguleriinnut il.il. m²-imut 512 koruuniulluni (2022-mi inissisimaneq).</p> <p>2) Aningaasaliissutinit iluanaarut inissiap pissarsiarinerani akiata kingusinnerusukkat allanngortiterinermut imaluunniit pitsanngorsaaneermut aningaasartuutit ilanngullugit 1,5 procentianik annertussuseqarpoq. Taamaattoq inissiap pissarsiarinerani akia m²-imut 7.000 koruuninit (2022-mi inissisimaneq) aammalu 2022-mi m²-imut 21.000 koruuninik, 2023-mi m²-imut 28.000 koruuninik aamma 2024-mi m²-imut 35.000 koruuninik appasinnerusinnaanngilaq. Ukioq isertitaqarfiusoq 2025 aallarnerfigalugu pissarsiarinerani akia qaffasinnerpaaq m²-imut 35.000 koruuniusoq (2024-mi annertussuseq) akigititanik naleqqussaneermut procentiliussamik iluarsineqassaaq, takuuk § 19 c.</p> <p>3) M²-imut pissarsiarinerani akia appasinnerpaaq 7.000 koruuniusoq, atortulersuutinut ikkussukkanut il.il. inissiami amigaataasunut makkununga tamaginnut immikkut m²-imut 1.000</p>
--	---

	<p>koruunimik annikillisinneqartassaaq (2022-imi inissisimaneq):</p> <ol style="list-style-type: none"> a) Uffarfik imaluunniit anartarfik imermik kuutsittagaq. b) Kiassaateqarfimmiit kiassarneq, kiassaat uuliatortoq imaluunniit innaallagissamik kiassarneq. c) Innaallagiasaq. d) Imeq imaluunniit imermut tanki. e) Gassi imaluunniit innaallagiasaq uunnaanermut atorneqartussaq. f) Naternut, qilaamut iikkanullu oqorsaaneq kiffiutissanit mineraluldinit 250 mm-init annikinneruppat. Oqorsaasersuutit allat atorneqarsimappata, oqorsaasinnaassusaa mineraluldinut naatsorsorneqassaaq. <p><i>Imm. 3.</i> Inissiamik atuisinnaatitaanermut, takuuk imm. 2, pequtinik tamakkiisumik ilaannaasumilluunniit atuisinnaaneq ilaatinneqarpat, ukiumi isertitaqarfiusumi pequtit nalingi akeqanngitsumik ineqartitaanerup nalingata, imm. 2 malillugu inernerata paasineqartup, 5 procentianut annertussusilerneqassaaq.</p> <p><i>Imm. 4.</i> Pisortanit atugassiissutigineqartumik akeqanngitsumik najugaqarallartunut utaqqiisaasumik najugaqarallartunulluunniit ineqartitsinerup nalinga inissiap angissusaa malillugu qaammammut makkununga aalajangersarneqarpoq:</p> <ol style="list-style-type: none"> 1) Inoqutigiinni ilaasut saniatigut allat igaffimmi imaluunniit perusersartarfimmi atortorissaarutinut atorneqartunut atuisinnaatitaappata, inimut imaluunniit ineeqqamut ataatsimut 1.000 kr. (2022-mi inissisimaneq). 2) Inissiani immikkoortuni 1-imik imaluunniit 2-nik initalinni 2.000 kr. (2022-mi inissisimaneq). 3) Inissiani immikkoortuni 2.500 kr. (2022-mi inissisimaneq) 3-nik initalinni.
--	--

	<p>4) Inissiani immikkoortuni 3.500 kr. (2022-mi inissisimaneq) 4-nik initalinni.</p> <p>5) Inissiani immikkoortuni 4.500 kr. (2022-mi inissisimaneq) 5-inik amerlanernilluunniit initalinni.</p> <p><i>Imm. 5.</i> Ineeqqami, inissiaaqqami igaffeeralimmi assigisaanniluunniit akeqanngitsumik ineqartitaanerup nalinga ukiumut 17.500 koruunimut aalajangersarneqarpoq. (2022-mi inissisimaneq), taamaattoq takuuk imm. 2 aamma imm. 9.</p> <p><i>Imm. 6.</i> Akeqanngitsumik nerisaqartitaanerup nalinga tamakkiisumik nerisaqarnermut ullormut 80 koruunimut, ilaannakortumik ullormut marloriarluni nerilluni nerisaqarnermut ullormut 59 koruunimut, aammalu ataasiarluni nerilluni nerisaqarnermut ullormut 45 koruunimut aalajangersarneqarpoq (2022-mi inissisimaneq), taamaattoq takuuk imm. 9.</p> <p><i>Imm. 7.</i> Akeqanngitsumik internetseqarnerup nalinga ukiumut 6.000 koruunimut aalajangersarneqarpoq.</p> <p><i>Imm. 8.</i> Akeqanngitsumik oqarasuaateqarnerup nalinga ukiumut 6.000 koruunimut aalajangersarneqarpoq.</p> <p><i>Imm. 9.</i> Ajunngitsorsiassat killilersugaanngitsumik niuernermin nalinga nalinginit aalajangersarneqartunit 20 procentimit appasinnerusoq uppersarneqarpat, pisuni imm. 2-8-mi taaneqartuni nalingisa appartinnissaat suliani ataasiakkaani akileraartussaataasup imaluunniit unerartitsisussaataasup piunasaqarneratigut akileraartarnermut ingerlatsiviup akuerisinnaavaa. Ajunngitsorsiassat pineqartut nalingi, nalinginit aalajangersarneqartunit 20 procentimit qaffasinneruppata, pisuni imm. 2-6-imi taaneqartuni nalingi suliani</p>
--	---

	<p>ataasiakkaani akileraartarnermut ingerlatsiviup qaffassinnaavai.”</p>
	<p>8. § 19 a kingorna ilanngunneqarpoq: ” § 19 b. Akiliunneqarluni angalanerit § 34, imm. 1, nr. 15-imi taaneqartut eqqaassanngikkaanni, akiliunneqarluni angalanerit nalingi aningaasartuutitut sulisitsisup angalanermut akiligaannut, aalajangersarneqassaaq, taamaattoq takuuk imm. 2 aamma 4.</p> <p><i>Imm. 2.</i> Taamaattoq Kalaallit Nunaanni aallarfiup Kalaallit Nunaannut ornigassamut uterlugulu imaluunniit Kalaallit Nunaanni aallarfiup Københavnimut uterlugulu akornanni ataasiarluni akiliunneqarluni angalanerup nalinga, nr. 1-3-mi annertussusiliussanit annertunerusinnaanngilaq. Angalanermi akigitaq Københavnimut angalanerup akianit annertunerunngippat, Københavnimukarnissamut taarsiullugu ornigassaq alla Kalaallit Nunaannut toqqaannartumik timmisartumik attaveqartoq atorneqarpat, takuuk imm. 1, akiliunneqarluni angalanerup nalinga aalajangersakkami matumani ilaatinneqartoq aalajangersarneqassaaq:</p> <ol style="list-style-type: none"> 1) Angalanermut ataatsimut 17.680 kr. (2022-mi inissisimaneq). 2) Meeqqamut 2-nit 11-nut ukiulimmut ataatsimut angalanermut ataatsimut 8.840 kr. (20220-mi inissisimaneq). 3) Meeqqamut 2-t inorlugit ukiulimmut ataatsimut angalanermut ataatsimut 1.760 kr. (2022-mi inissisimaneq). <p><i>Imm. 3.</i> Ullut ilai inuussutissarsiornermut siunertanut aammalu ullut allat nammineq inuttut siunertanut atorneqartillugit angalanerit nalingi imm. 1-imituulli akileraaruserneqassapput, nalinga ullunik inuussutissarsiornermut siunertanut</p>

atorneqartunut naleqqiussilluni annikillisinneqassalluni. Taamaattoq angalaneq feeriarnarup, qaangiuttoornerit sulinngiffeqarfiginerisa, sulinngiffeqarnerup imaluunniit nammineq inuttut siunertap taamaaqataata sivisussusaa uninngaarnerup 50 procentianit sivisunerusimappat imaluunniit ullunit ataqatigiissuni 5-init sivisunerusimappat, aatsaat angalaneq akileraaruserneqassaaq. Aammattaaq nammineq atukkat nalingi minnerpaamik 1.000 koruuniussasoq piumasaqaataavoq.

Imm. 4. Feeriarnissaq siunertaralugu sulisup nalinginnaasumik najugaqarfiata aammalu suliffiugallartussap, imaluunniit aalajangersimasumik suliffiusussap, pineqartup sulinermini uninngaarfigeqqusaanngisaata akornanni angalanerit, angalanermut ataatsimut 2.000 koruuninik akileraaruserneqassaaq. Uniffik siulleq aappaalu malillugit naatsorsuinerimi ullut angalaffiusut, arfininngornerit, sapaatit nalliuttulli ilanngunneqassanngillat. ”Ullut nalliuttut” paasineqassaaq tassaasut ukiutoqqap ullua, ukiortaap ullua, kunngit pingasut ulluat, sisamanngorneq illernartoq, tallimanngorneq tannaartoq, påskip ullua, påskip ulluata aappaa, tussiarfissuaq, qilaliarfik, pinsip ullua, pinsip ulluisa aappaat, Kalaallit Nunaanni inuiattut ullorsiorneq, juullip unnukkuutaava, juullerujussuaq aamma juullip naggataa.

§ 19 c. Ukioq isertitaqarfiusoq 2023 aallarnerfigalugu ilanngullugulu § 19, imm. 2-mi, § 19 a, imm. 2, nr. 1-2-mi, § 19 a, imm. 4-6-imi aamma § 19 b, imm. 2, nr. 1-3-mi naligititat akigititanik naleqqusaanermut procentiliussamik iluarsineqassapput. Nalingi koruunit aningaasartaannut iluitsumut qaninnermut annikillisinneqassapput. Akileraartarnermut

	<p>ingerlatsiviup ukiup isertitaqarfiusup annertussusiliussat atuuffissaata siuliani kingusinnerpaamik qaammatisiutit malillugit ulloq 10. oktobari ukiumut isertitaqarfiusumut annertussusiliussat atuuttut ukiumoortumik nalunaarutigisassavai.”</p>
<p>§ 20 <i>Imm. 2.</i> Aningaasarsiat akileraaruteqaataasussaannngitsut annertussusiat Inatsisartunit qaammatisiutit malillugit ukiup pineqartup siornagut ukiup affaani siullermi Inatsisartut ataatsimiinneranni aalajangerneqartassapput.</p>	<p>9. § 20, imm. 2, imatut oqaasertalerneqarpoq: ”<i>Imm. 2.</i> Akileraaruteqaataasussaannngitsut aningaasartai 5.000 koruuniupput.”</p>
<p>§ 21 <i>Imm. 2.</i> Ilanngaatip aalajangersimasup annertussusia Inatsisartunit qaammatisiutit malillugit ukiup pineqartup siuliani ukiup affaani siullermi Inatsisartut ataatsimiinneranni aalajangiunneqartassaaq.</p>	<p>10. § 21, imm. 2, imatut oqaasertalerneqarpoq: ”<i>Imm. 2.</i> Ilanngaat aalajangersimasooq 10.000 koruuniuvoq.”</p>
<p>§ 36 b <i>Imm. 2.</i> Akileraartussaataitaasut nakkutigisaasunik iliuutsinut akit piumasagaatillu qanoq aalajangerneqarsimanerannut allakkatigut uppernarsaatit sanassapput toqqortaralugillu, taamaattoq imm. 4 takuuk. Allakkatigut uppernarsaatit ukioq naatsorsuuseriffiusup suliami pineqartumi attuumassuteqartup naaneraniit ukiuni tallimani isumannaatsumik toqqortarineqassapput. Allakkatigut uppernarsaatit akileraartarnermi oqartussaasut qinnuteqarneratigut tassunga takutinneqassapput, imaattuusariaqarlutillu akit piumasagaatillu, iliuutsit illuatungeriit attaviitsuusut akornanni naammassineqarsimagaluarunik atuuttuusimasussanut naapertuunnersut naliliinissamut tunngavissaasinnaassallutik. Paasissutissanik toqqorsivinnit</p>	<p>11. I § 36 b, imm. 2, immikkoortut pingajuanni uniffittut nutaatut ilanngunneqarpoq.: ”Akileraartussaataitaasooq akileraartarnermut ingerlatsiviup piumasagaarneratigut piffissamut killiliussap akileraartarnermut ingerlatsivimmit aalajangersarneqartup, kisianni ullunit 60-init sivikinnerusinnaanngitsup, iluani uppernarsaat nassiatissavaa.”</p>

<p>misissuinertut allakkatigut uppersaartit aatsaat suliarineqartassapput akileraaruseriffik tamatuminnga piunasaqarpat, sivikinnerpaamillu ullunik 60-inik piffissaliilluni. Iliuutsinut nakkutigisaasunut annertussutsikkut akulikissutsikkullu pingaaruteqanngitsunut allakkatigut uppersaasiortoqassanngilaq. Allakkatigut uppersaartit imarisassaas pillugit Naalakkersuisut malittarisassiorsinnaapput.</p>	
<p>§ 36 b <i>Imm. 3.</i> Akileraartussaataasooq imm. 2 malillugu uppersaammik sanasimangippat, akileraaruserinermik ingerlatsineq pillugu inatsimmi § 19, atuutsinneqassaaq.</p>	<p>12. § 36 b, imm. 3, imatut oqaasertalerneqarpoq: ” <i>Imm. 3.</i> Akileraartussaataasooq imm. 1 malillugu paasissutissanik tunniussisimangippat, akileraaruserinermik ingerlatsineq pillugu Inatsisartut inatsisaanni § 19, atuutsinneqassaaq.”</p>
<p>§ 38 c. Sulinermut ilanngaammut aningaasarsianut tunngaviit tassaapput isertitat A-t aamma B-t katillugit, aningaasat § 41, imm. 2 naapertorlugu aningaasarsianut akileraarutaasussanut ilanngunneqanngitsunut ilanngullugit.</p>	<p>13. § 38 c, imm. 1, imatut oqaasertalerneqarpoq: ”Suliffeqarnermut ilanngaammut isertitat tunngaviusussat tassaapput isertitat A-t aamma B-t ataatsimut katillugit, aningaasat § 41, imm. 2 aamma § 47 b, imm. 6 malillugit isertitani akileraaruseritussani ilanngunneqanngitsut ilassutigalugit.”</p>
<p>§ 38 d. Aningaasarsianut tunngaviit naatsorsornerini ilanngunneqassanngillat tapiissutit soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 4, imm. 1-2-mi taaneqartut, kisiannili ilanngunneqassapput aalajangersakkami imm. 1, nr. 1-3-mi taaneqartut3.</p>	<p>14. § 38 d, imm. 1, imatut oqaasertalerneqarpoq: ”Isertitanut tunngavissat naatsorsorneqarneranni, tunniussinerit imm. 2, nr. 1-4-mi aalajangersakkami tassani taaneqartut eqqaassanngikkaanni, tunniussinerit soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni § 2, imm. 2-mi aamma 3-mi taaneqartut ilanngunneqassanngillat.”</p>

<p>§ 63, imm. 2 Imm. 2. Ukioq pineqartoq sioqqullugu ukiup affaani siullermi Inatsisartut ataatsimiinnerminni kommuninik tusarniaareernerup kingorna kommuninut ataatsimoortumik akileraarutip procentia aalajangertassavaat.</p>	<p>15. § 63, imm. 2, imatut oqaasertalerneqarpoq: ” Imm. 2. Kommunini ataatsimoorussamik akileraarut 6 procentiuvoq.”</p>
<p>§ 67, imm. 1. Inummut ilanngaatiq annertussusissaa qaammatisiutit malillugit ukioq akileraarfiususaaq sioqqullugu ukiup affaani siullermi Inatsisartut ataatsimiinneranni aalajangerneqartassaaq.</p>	<p>16. § 67, imm. 1, imatut oqaasertalerneqarpoq: ”Qaammatisiutit malillugit ukioq pineqartoq sioqqullugu ukiup affaani siullermi Inatsisartut ataatsimiinneranni Inatsisartut allatut aalajangiisimangippata, inummut ilanngaatiq annertussusissaa 48.000 koruuninut aalajangersarneqassaaq.”</p>
<p>§ 73, imm. 1 Nunamut tamarmut akileraarutit, kommuninut ataatsimut akileraarut, kommunimut akileraarutit nunamullu tamarmut akileraarutit immikkut ittut kapitalimi uani maleruagassat najoqqutaralugit akilersinniarneqassapput. Iluanaarutisianit akileraarutit aamma atuisinnaanermut akileraarutit akilersinniarneqartassapput maleruagassat kapitali 8-miittut najoqqutaralugit.</p>	<p>17. § 73, imm. 1, <i>uniffik siulleq</i>, imatut oqaasertalerneqarpoq: ”Ingerlatseqatigiiffinnut akileraarutit, nunamut tamarmut akileraarutit, kommuninut ataatsimoortumik akileraarut, kommunimut akileraarutit nunamullu tamarmut akileraarutit immikkut ittut kapitalimi matumani maleruagassanut naapertuuttumik akilersinniarneqassapput.”</p>
	<p>18. § 75, imm. 1-imi, nr. 4-tut ilanngunneqarpoq: ”4) Ajunngitsorsiassat nalingi § 19, imm. 2-4-mi, §19 a-mi aamma § 19 b-mi pineqartunut ilaatinneqartut, sulitilluni pisuni atugassiissutigineqartut. Taamaaqataani, pineqarput ajunngitsorsiassat uniffik siullermi naaneqartut inunnut siulersuisuni, ataatsimiititaliani, isumalioqatigiissitani, siunnersuisooqatigiinni, aalajangiisartuni imaluunniit allani ataatsimoortuni oqartussani, ilanngullugit Naalakkersuisut, Inatsisartut aamma kommunalbestyrelsit,</p>

	<p>ilaasortatut imaluunniit ikiortaasussatut toqqagaasunut, kiisalu pissutsit allatigut immikkoortumi tassani pineqartunut ilaatinneqanngippata § 86, imm. 3-imi taaneqartut amerlanerussuteqarluni aktiaatilinni, ingerlatseqatigiiffimmit pineqartup amerlanerussuteqarluni aktiaateqarfigisaanit ajunngitsorsiassanik atugassiivigineqartut.”</p>
<p>§ 83, imm. 3 <i>Imm. 3.</i> Akileraarutit B-it akiligassanut qulinut agguataarlugit akiligassanngortussaapput qaammatit januarip, februarip, martsip, aprilip, majip, julip, augustip, septemberip, okto-berip, novemberillu aallartinneri tamaasa, piffissaagallartillugu akiliiffaqiliassa Piffissaagallartillugu akiliiffissaq kingulleq sapaataalluniluunniit nalliuttuuppat imaluunniit arfininngorneruppat piffissaq ulluinnaasumut tullermut sivitsorneqassaaq.</p>	<p>19. § 83, imm. 3, imatut oqaasertalerneqarpoq: ” <i>Imm. 3.</i> Akileraarut B akilersugassani 12-imi qaammatit aallaqqaatai tamaasa akiligassanngortarpoq, qaammammi akiligassanngorfiani ulloq akiliiffissaq eqqortoq kingulleq 20-ani pisussaalluni. Ulloq akiliiffissaq eqqortoq kingulleq sapaataappat, nalliuttuuppat imaluunniit arfininngorneruppat, piffissamut killiliussaq ulluinnaap tullianut sivitsorneqassaaq.”</p>
	<p>20. § 85 kingorna kapitali 7-imi ilanngunneqarpoq: ”<i>Ingerlatseqatigiiffimmut akileraarutaagallartoq</i></p> <p>§ 85 a. Ingerlatseqatigiiffiit peqatigiiffiillu il.il. kingusinnerpaamik ulloq 31. decembari nammineq kajumissutsiminnik ingerlatseqatigiiffimmut akileraarut ukiumi isertitaqarfiusumi naatsorsuutigineqartoq akilersinnaavaat. Ingerlatseqatigiiffiup ukioq isertitaqarfiusoq qaammatisiutit malillugit ukiumit allaanerutippagu (ukioq isertitaqarfiusoq nikisitaq), kingusinnerpaamik ukiup isertitaqarfiusup atorneqartup naannginnerani akileraarutaagallartoq akilerneqassaaq. Ulloq akiliiffissaq eqqortoq kingulleq sapaataappat, nalliuttuuppat imaluunniit</p>

	<p>arfininngorneruppat, piffissamat killiliussaq ulluinnaap tullianut sivitsorneqassaaq. Aningaasat akilerneqartut taagorneqarput akileraaruteqarallarnej.</p>
	<p>21. § 104 imi, imm. 2-tut ikkunneqarpoq: ”Imm. 2. Pissutsit imm. 1-imi pineqartunut ilaanngitsut, piaaraluni imaluunniit mianersuaalliorujussuarluni pisussaaffimminik § 3 a malillugu pisussaaffigisaminik naammassinninngitsoq, mianersoqquneqarluni imaluunniit akiliisitaalluni pineqaatissinneqarsinnaavoq. Kalaallit Nunaanni Pinerluttulerinermut inatsimmi maleruagassat malillugit pisussaatitaasoq pisinnaatitaasorlu akiliisussanngortinneqarsinnaavoq.”</p>
<p>§ 105, imm. 1. Taamatut § 102-mi oqaatigineqartut pillarneqassaaq kinaluunniit piaaraluni mianersuaalliorujussuarluniluunniit: 1) akileraarutininik A-nik imaluunniit iluanaarutisianit atuisinnaanermullu akileraarutininik ilanngaassuinissaminik naammassinninngitsoq, 2) piffissaagallartillugu akileraarutininik unerartitanik akiliinngitsoortoq, 3) piffissaagallartillugu § 81, imm. 3-mi, § 88-imi aamma § 92-imi taaneqartut ittunik paasissutissiinngitsoortoq, 4) pissutsit § 81, imm. 3-mi, § 88-imi aamma § 92-imi taaneqartut pillugit eqqunngitsumik imaluunniit paasinerluisitsinnaasikik paasissutissiisoq, 5) § 46, imm. 2 naapertorlugu akileraarutininik ilanngaassuinissaminik naammassinninngitsoq, imaluunniit 6) § 46, imm. 1 naapertorlugu akileraarutininik unerartitanik piffissaagallartillugu akiliinngitsoortoq.</p>	<p>22. § 105, nr. 5-8, imatut oqaasertalerneqarput: ”5) § 46, imm. 2 malillugu akitsuutininik unerartitsinissaminik naammassinninngitsoq, 6) § 46, imm. 1 malillugu akitsuutininik unerartitanik piffissaagallartillugu akiliinngitsoortoq, 7) nakkutigineqartumik nuussinerit pillugit killilimmik uppernarsaasiisussaatitaanermut piumasaqaatit naammassineqarnissaat pillugu paasissutissanik eqqunngitsunik paasinerluutaasinnaasunilluunniit nalunaaruteqartoq, takuuk 39 b, imm. 4, imaluunniit 8) akileraartarnermut ingerlatsivimmiit piumaffigineqarluni nakkutigineqartumik nuussineq § 39 b, imm. 2, aamma nunamiit nunamut nalunaarusiaq malillugu suliarineqartussaatitaasoq, takuuk § 39 b, imm. 6-12 pillugu allaganngorlugu uppernarsaammik piffissaq eqqorlugu nassiussinngitsoq.”</p>

§ 2

Inatsisartut inatsisaat ulloq 1. januar 2022
atuutilerpoq, taamaattoq takuuk g imm. 2-4.

*Imm. 2. § 1, nr. 1, 9, 10, 15, 17, 18 aamma
20, 1. januar 2023 atuutilissapput aammalu
ukiumut isertitaqarfiusumut 2023-mut
atuutissallutik.*

*Imm. 3. § 1, nr. 13 aamma 14, inatsisip
atuutilernerata nalunaarutigineqarnerata
aqaguani atuutilissapput aammalu ukiumut
isertitaqarfiusumut 2021-mut
suliffeqarnermut ilanngaatic
naatsorsorneqarneranut atuutissallutik.*

Tusarniaanermut akissuteqaatinut allakkiaq

Tusarniaanermut atatillugu tusarniaaffigineqartunit makkunanga siunnersuummut oqaaseqaatissaqanngitsunit tusarniaanermut akissuteqaatit tiguneqarpoq: Peqqissutsimut Naalakkersuisoqarfik.

Tusarniaaffigineqartut makkua siunnersuummut oqaaseqaateqarlutik tusarniaanermut akissuteqaammik nassiussipput: GrønlandsBanken, Naalakkersuisut Siulittaasuata Naalakkersuisoqarfia, Sulisitsisut (GE), Ineqarnermut, Attaveqatigiinnermut, Naligiisitaanermullu Naalakkersuisoqarfik.

Matuma kinguliani tusarniaaffigineqartut oqaaseqaataanni immikkoortut pingaarnerit nalinginnaasumik allannilerlugit issuarneqarput, Naalakkersuisunit oqaaseqaatit *uingasumik* allassimallutik.

GrønlandsBanken

GrønlandsBANKEN piffissaq iluatsillugu pissutsit aningaaserivimmu toqqaannartumik tunngassuteqartut pillugit siunnersuummut oqaaseqaateqarusuppoq. Siunnersuut ajunngitsorsiassanik akeqanngitsunik naatsorsuisarnermut akileraarusiisarnermullu tunngassuteqarpoq, ilanngullugit akeqanngitsumik biileqarnerup, akeqanngitsumik ineqarnerup, akeqanngitsumik oqarasuaateqarnerup internetseqarnerullu, akeqanngitsumik nerisaqarnerup aamma akiliunneqarluni angalanerit nalingi.

Taamatuttaaq akileraarutini ilanngaait aningaasarsianit akileraarutit pillugit inatsimmi inatsisini aalajangersarneqassasut siunnersuutigineqarpoq. Ilanngaait inatsimmi aalajangersarneqarneranut GrønlandsBANKEN oqaaseqaatissaqanngilaq.

GrønlandsBANKEN naliliivoq akeqanngitsumik ajunngitsorsiassanit akileraarusiisarneq arlalitsigut sukaterneqartoq. Akeqanngitsumik ajunngitsorsiassanit akileraarusiisarnermut akileraarutinit inatsisini tunngavilersuutaasoq ilisimaneqarluarpoq. Kisiannili aningaaserivik isumaqarpoq siunnersuut arlalinnik naapertuutinningsortaqartoq iluarsineqarsinnaasunik. Isornartoqartut annertuut tassaapput allaffissornikkut nammagassat annikillinnginnerat, kisianni tamatumunnga taarsiullugu namminersorlutik inuussutissarsiortunut annertuumik annertunerulersinneqarnerat.

Suliffeqarfiit aamma Namminersorlutik Oqartussat akeqanngitsumik ajunngitsorsiassat ”aalajangersimasut” (akeqanngitsumik biileqarneq, akeqanngitsumik oqarasuaateqarneq, akeqanngitsumik internetseqarneq, akeqanngitsumik nerisaqarneq) suliassatigut iliuuseqarfigisarnerannut tunngatillugu inatsisissatut siunnersuut apeqqutinik arlalinnik akissutissarsititsinngilaq. Taamaalilluni suliffeqarfiit qaammatikkaartumik nalunaarutiginninnermi akeqanngitsumik ajunngitsorsiassat nalingi agguartassagaat

Namminersorlutik Oqartussat assersuutigalugu naatsorsuutigineeraat paasinarpasinngilaq? Taamatuttaaq allaffissornikkut isumalluutit suliasaqarfimmi sunniuteqarluartumik nakkutiginninnermut atugassiissutigineqartussat Namminersorlutik Oqartussat annikinaarlugit nalileraat aningaaserivimmit ilimagineqarpoq.

Tusarniaanermut akissuteqaat allannortitsinissamut pissutissaqalersitsinngilaq.

Akeqanngitsumik ajunngitsorsiassanik akileraarusiisarneq pillugu siunnersuutit namminersorlutik inuussutissarsiortunut allaffissornikkut nammagassiinerunermik malitseqassanersut, pissutsit arlallit apeqqutaassasut ilimanarpoq.

Akeqanngitsumik ajunngitsorsiassanut annertussusiliussat il.il. inatsimmi aalajangersarneqarnerat pillugu siunnersuummi aalajangersakkat imminermi sulisitsisunut allaffissornikkut nammakkersuinerunermik malitseqarnaviangillat, kisianni immikkoortut ilaanni, assersuutigalugu akeqanngitsumik internetseqarnermut aamma akeqanngitsumik nerisaqarnermut tunngatillugu, pisariillisaanermik malitseqartussaallutik. Taamaattoq akiliunneqarluni angalanerit ilaannit akileraarusiisarnissaq pillugu siunnersuut sulisitsisunut allaffissornikkut nammakkersuinerussasoq naatsorsuutigineqarpoq. Pissutsit taakkua aamma nassuiaatini nalinginnaasuni nassuiarneqarput.

Allaffissornikkut nammakkersuinerulernissaq pingaartumik akeqanngitsumik ajunngitsorsiassat aalajangersimasut ukioq isertitaqarfiusoq 2023 aallarnerfigalugu isertitatut A-tut inissisimalersinneqarnerannut atatillugu pissasut naatsorsuutigineqarpoq.

Tassani oqaatigineqassaaq sulisitsisut il.il. unerartitsisussaataasut ullumikkut ajunngitsorsiassat taakkua pillugit paasissutissanik nalunaarsuisarnissamik aammalu ukiumoortumik paasissutissat taakkua nalunaarutigisarnissaannik pisussaaffilerneqareermata. Taamaalilluni allannguutaasoq tassaavoq, akeqanngitsumik ajunngitsorsiassat siunissami qaammatikkaartumik nalunaarutigineqartassasut, aammalu taakkuninnga akileraarutininik A-nik unerartitsisoqartussaassasoq akiliisoqartussaassasorlu.

Unerartitsisussaataasup allatigut akeqanngitsumik ajunngitsorsiassat aqussinnaareerpagit, nalunaarutiginninnerit akulikinnerulersinneqarnerat il.il. ikaarsaarnermi allaffissornikkut nammagassiinerulernermik pingaartumik malitseqassasoq ilimagineqarpoq, kisianni siunissami sulisitsisuni aamma akileraartarnermut ingerlatsivimmi allaffissornikkut periaatsinilu suleriaatsini ilanngutsinneqassallutik.

Tamatuma saniatigut allaffissornikkut nammagassanut pingaartumik sulisitsisut il.il. akeqanngitsumik ajunngitsorsiassanik sulisuminnut qanoq annertutigisumik atugassiisarnersut apeqqutaasussaavoq. Sulisitsisoq unerartitsisussaataasooq taamaalilluni nalunaarutiginninneq qanoq annertutigissanersoq imaluunniit pisariutigissanersoq nammineerluni sunniuteqartussaavoq, tassami sulisup aningaasarsiai ataatsimoortut qanoq

katitigaassanersut, sulisitsisup sulisartumut isumaqatiginninniarluni aalajangertartussaammagu.

Inatsisissatut siunnersuut pisortat namminersortullu illuutaannik attartornernik assigiissaartumik naatsorsuisarneq pillugu tunngaviusunik allangortitsinermik imaqarpoq. Siunissami suliffeqarfiup sulisunut inissianut ineqarnermut akiliummik aalajangersaasernerisa akileraarutitigut nalingannik naatsorsuinermi kvadratmeterimut annerpaamik 35.000 koruuninik pissarsiarinerani akeqartoq aallaavigineqartartussaavoq, tamanna siusinnerusukkut kvadratmeterimut annerpaamik 15.000 koruuniulluni. Akileraarutitigut nalingata niuerfimmi nalinganut naapertuunnerulersinnissaa pillugu isiginninneq aallaavigalugu allangortitsisoqarpoq.

GrønlandsBANKEN isumaqarpoq namminersortuni aamma pisortani sulisut assigiinngitsumik pineqartut. Sooq namminersortut akiliunneqarluni ineqarnermut akiliutip akileraarutitigut nalinganut naatsorsukkamit sakkortunerusumik akileraaruserneqassanersut takujuminaappoq, Kalaallit Nunaanni ineqarnermut akiliutip annertussusaa, ineqarnermut akiliummut pisortat naatsorsuinermut ilusiliinerat malillugu naatsorsorneqartumut akiliisartunut tamaginnut, appasitsinneqartoq piviusuutilillu.

Pisortat inissiaatai attartortittakkat pisoqaanerusuusinnaapput aammalu qanoq issusaat assigiinngitsuusinnaalluni. Tamatuma saniatigut pisortani inissiamut innersuunneqarnissamut utaqqisoqarsinnaavoq.

Kisiannili atorfinitsinneqartoq atorfininnermini inissiamut innersuunneqartarpoq aammalu inissiat pisortat inissiaataannit attartortittakkanit pitsaanagerusinnaallutik nutaaliaanagerusinnaallutillu.

Akeqanngitsumik ineqarnerup maannakkut annertussusilerneqartarnera pisut ilaanni niuerfinni ineqarnermut akiliummit allaanagerusarpoq, tamannalu akeqanngitsumik inissamik tunniussinissamut, imaluunniit akeqanngitsumik ineqarnerup akileraarutitigut nalinga appassissoq malillugu ineqarnermut akiliutip aalajangersarnissaanut annertuumik kajumissuseqalersitsisoqartarpoq.

Oqaatigineqassaaq akeqanngitsumik ineqarnerup akileraarutitigut nalingata namminersortuni aammalu pisortani sulisunut qanoq naatsorsorneqartarnera aallaaviatigut assigiinngitsuutinneqanngimmat. Taamaattoq pisortat kisimik najugaqarallartunut aammalu utaqqiisaasumik najugaqarallartunut inissamik neqerooruteqarsinnaanerat assigiinngissutaavoq. Siunnersuut malillugu namminersortut sulisitsisut taamatut periarfissaqanngillat. Tamanna pillugu annertunerusunut matuma kingulianiittoq akissuteqaat innersuussutigineqarpoq.

GrønlandsBANKEN isumaqarpoq suliffeqarfiit sulisuisa ineqarnermut akiliummut annertunerusumik akiliisussaananerat, aammalu sulisut taakkua taarsiivigineqarnissamik piumasaqarsinnaananerat sunniutaasinnaasoq, tamannami inuussutissarsiortunut aningaasartuutininik annertusiartortitsisussaammat, imaluunniit sulisussarsiortarneq pisariunerulersinneqartussaalluni, tamatumalu suliffeqarfiit pilersitsisinnaananerat aningaasarsiorsinnaananerallu annikillisissavaa, tamanna inuiaqatigiinni ataatsimut katillugu akileraarutinut tunngavissanik annikinnerulersitsissalluni.

Tusarniaanermut akissuteqaat immikkoortumi tassani allannngortitsinissamut pissutissaqalersitsingilaq. Oqaaseqaat siunnersuutip tamarmik pisut ilaanni qaffasinnerusumik akileraarusiisalernermik malitseqarsinnaasut sunniutaattut taaneqarsinnaavoq. Sumiiffinni aalajangersimasuni ataatsimut isigalugu inissaaleqisoqarpoq, taamaattumik ineqarnermut akiliutinut akigititit pissutigalugu sulisussarsiorterup ajornakusoornera ataatsimut isigalugu ajornartorsiutaasinnaalluni.

Siunnersuut taamatut pisoqarneranut kalluaassasoq naatsorsuutigineqanngilaq, kisianni sulisut inissiamik atugassinneqarlutik pisoqartillugu akileraarutitigut peqqinnarnerusumik sunniuteqannginnerusumillu suliarinnittarnissamut tapertaassasoq naatsorsuutigineqarluni.

Ingerlatseqatigiiffiit Namminersorlutik Oqartussanit pigineqartut aamma maleruagassani matuma siulianiittuni pineqartunut ilaatinneqartussaasut aningaaseriviup tusaatissatut tiguaa, kisianni inatsisissatut siunnersuummi imatut allassimasoq ersarissumik annikinaarinerusooq suli isumaqarluni:

”Taamaattumik pisortani ineqarnermut akiliut, siunnersuummi maleruagassat malillugit naatsorsorneqarpat, akeqanngitsumik ineqarnerup akileraarutitigut nalinganit annikinnerulluni ataasiakkaani pisoqarsinnaanera mattunneqarsinnaanngilaq. Tamanna illuutini attartortittakkani pisortanit pigineqartuni ineqarnermut akiliummut aalajangersaanermut killiliussanut attartortitsisarnermut inatsimmiittunut attuumassuteqarpoq.”

Namminersorlutik Oqartussat isumaqarunik sulisussat ilaannut tunngatillugu ineqarnermut akiliummit appasitsinneqartumit akileraarutitigut naliliisoqartartoq, Namminersorlutik Oqartussat aamma ajornartorsiut taanna sulisussanut allanut (pisortani sulisunut) atuutsittariaqaraluarpa. Taamaangippat pingaartumik sulisitsisut namminersortut sulisutik pisortani sulisunit inatsisitigut ajornerusumik inissisimalersinneqartut misigisimalissapput, tamannalu ajornartorsiutitaqarpoq, tassami pisortani suliassa qarfiup annertusiartornera nalimmassarniarlugu namminersortut suliassa qarfianni annertusititsinissaq inuiaqatigiit kalaallit pinasuartumik pisariaqartippaat.

Tusarniaanermut akissuteqaat immikkoortumi tassani siunnersuummi nassuiaatit erseqqissarneqarnissaannik pissutissaqalersitsivoq. Erseqqissarneqarpoq pisuni qanoq ittuni

ilaannakortumik akeqanngitsumik ineqarneq pineqarsinnaanersoq maannakkut ersarinnerusumik nassuiarneqarluni.

Taamaalilluni tamanna qaqutigut pisassasoq naatsorsuutigineqartoq inatsimmut nassuiaatit paasineqarsinnaajunnaarput. Pisuni taamaattuni ullumikkut akileraarusiisoqartanngimmat, sulisunut inissiani ineqarnermut akiliutip akileraarutigut nalinga annikinnerpaaq tunngavigalugu aalajangersarneqartarnera qanoq atugaatiginersoq paasisutissat pigineqanngillat. Tamatuma saniatigut inissiat pissarsiarineranni nalinga m²-imut 15.000 koruuninit annertunerusarnerasoq pillugu paasisutissat pigineqanngillat.

Ineqarnermut akiliummi inissiap sananeqarnerani inissialiornermut aningaasartuutit soorunami takuneqarsinnaasariaqarput. Pisortat inissiaataasa ilai pisoqaapput aammalu aserfallatsaaliuinermi kinguaattoorfiullutik, taamaattumik pisuni taamaattuni ineqarnermut akiliutip annertussusaa appasinnerusussaalluni.

Tamatuma annertussusaa, sulisitsisut sulisuminnik inissiani sananeqarnerannut imaluunniit pissarsiarinerannut aningaasartuutit m²-imut 15.000 koruuninit annertunerusimasuni qanoq annertutigisumik tunniussisarsimanerannut, aammalu inissiat taakkua ineqarnermut akiliummut atugassarititaasut inissianut pisortanit pigineqartunut atuuttunut naapertuuttut tunngavigalugit attartortinneqartarnerannut, tamanna toqqaannartumik attuumassuteqarpoq.

Siunnersuummi pisortani namminersortunilu sulisut pineqartunut ilaatinneqarput. Siunnersuut immikkoortumi tassani assigiinngisitsinermik malitseqartussaannilaq.

Tamatuma saniatigut inissiat sulisunut inissiatut il.il. aammalu inissiatut attartortittakkatut nalinginnaasunut atugassiisutiginetartut immikkoortinneqarnissaat pingaaruteqarpoq. Attartornerit nalinginnaasut pineqarlutik pisoqarnerinut siunnersuut kalluaanngilaq.

Utaqqiisaasumik najugaqarallarnermi ineqarnermut aamma najugaqarallarnermi ineqarnermut tunngatillugu siunertarineqarpoq pisortani aamma namminersortuni sulisitsisut assigiinngitsumik pineqassasut. Sulisitsisut namminersortut taamatut ineqariaatsimik neqerooruteqarnissamik periarfissinneqanngillat. Utaqqiisaasumik najugaqarallarnermut aamma utaqqiisaasumik najugaqarallarnermut annertussusiliussani pingaartumik siunertaavoq akileraarutigut suliarinninnerup allaffissornikkut pisariinnerulersinnissaa aammalu atugassarititaasut sulisunut inissiamik atugassiinermi tunngavigineqartartut eqqarsaatigineqarnissaat.

Tamatuma saniatigut akeqanngitsumik najugaqarallarnermut aamma utaqqiisaasumik najugaqarallarnermut tunngatillugu Sulisitsisunit tusarniaanermut akissuteqaat innersuussutiginetartut.

Naggasiutigalugu oqaatigineqassaaq, GE-mit tusarniaanermut akissuteqaat tunngavigalugu siunnersuut allanngortinneqarmat. Maannakkut siunnersuutigineqarpoq 35.000 koruuninut allanngortitsineq ukiuni arlalinni atuutsikkiartuuarneqassasoq. Aammattaaq akeqanngitsumik ineqarneq pillugu GE-mit tusarniaanermut akissuteqaammut akissuteqaat innersuussutigineqarpoq.

GrønlandsBanken oqaatigaa taamatutaaq siunnersuummi allassimasoq, ineqarnermut akiliutip niuerfimmi nalinga siunnersuummi § 19 a, imm. 9 malillugu akileraarutitigut nalinganit 20 %-inik appasinnerusoq upernarsarneqarpat, akileraaruteqarnerunissaq pinngitsoorneqarsinnaassasoq. Siunnersuummi § 19 a, imm. 9 malillugu naatsorsuinerup saneqqunneqarsinnaalernissaanut sooq 20 %-nik tamakkiisunik assigiinngissuteqarnissaa piunasaqaatigineqarnerusoq ersarinngitsumik allassimavoq.

Aalajangersakkap atuuffissaannut pitsaanerusumik nassuiaanissamut nassuiaatip erseqqissarneqarnissaannut oqaaseqaat pissutissaqalersitsivoq.

Aallaaviatigut akeqanngitsumik ajunngitsorsiassat nalingi, akileraartussaataasup killilersugaanngitsumik niuernermi (niuerfimmi nalinga) ajunngitsorsiassaq nammineerluni pissarsiarinerani akiatut aningaasartuutissanut, naatsorsorneqartussaavoq. Nassuiaatini nalinginnaasuni immikkoortoq 2.2 innersuussutigineqarpoq. Pisut ilaanni niuerfimmi niuernermi nalinga qanoq annertutiginersoq erseqqikannersumik aalajangiunneqarsinnaasarpoq, kisianni pisuni allani annertunerusumik annikinnerusumilluunniit missiliuineq ilaatinneqartarluni. Akeqanngitsumik ineqarnerup akileraarutitigut nalinganik naatsorsuinerup periaatsip inatsimmi aalajangersarneqarnerani, naatsorsuinerup periaatsip aalajangersimasuunissaa tamatuma kingunerisussaavaa. Tamanna ajunngitsorsiassap qanoq suliarineqartarneranik akileraartarnermut ingerlatsivimmu innuttaasunullu paasinarsitsivoq.

Taamaattoq nalinga akileraarutitigut naatsorsorneqartoq niuerfimmi nalinganit annertuumik allaanerutillugu, tamanna pisunik naapertuutinngitsunik malitseqarsinnaavoq. Peqatigisaanik niuerfimmi nalinga aamma nalinga akileraarutitigut naatsorsorneqartoq annikinnerusumik assigiinngissuteqarpat, ataasiakkaatigut naliliisoqartussaanageranik tamanna malitseqartariaqanngilaq, tassami tamatumani maleruagassat siunertaarutsinneqassammata aammalu allaffissornerulernermik, ataasiakkaatigut suliassanik suliarinninnermik aammalu aaqqiagiinngissuteqarnerit amerlanerulernerannik malitseqartussaalluni.

§ 19, imm. 9-mut siunertaavoq mianerisassat marluk taakkua imminnut oqimaaqatigiissinnissaannik qulakkeerinninnissaq, taamaalilluni niuerfimmi akianit allaassutaasut annikitsut, ajunngitsorsiassap nalinganik ataasiakkaatigut annertussuliiisussaannermik malitseqartariaqaratik, kisianni allaassutaasut annertunerusut mianerineqarsinnaallutik. Suliassap akileraartarnermut ingerlatsiviup imaluunniit

akileraartussaataasup aallartitsineratigut aallartinneqarnersoq apequtaatinnagu tamanna atuuppoq.

Aalajangersagaq assersuutigalugu suliassa qarfinni sananeqarneranut aningaasartuutit qaffasitsillugit, kisianni niuerfimmi ineqarnermut akiliutit akikitsillugit, assersuutigalugu inissiat amerlavallaarnerat pissutigalugu, sulisunut inissianut atorneqarsinnaavoq. Taamatut pisoqartillugu, inissiamut taamaaqataanut niuerfimmi ineqarnermut akiliutit § 19 a malillugu naatsorsorneqartunit minnerpaamik 20 %-inik annikinnerusoq uppernarsarneqarpat, akeqanngitsumik ineqarnerup nalinga appartinneqassasoq sulisup piumasarisinnaassavaa.

Akilerarutitut suliassani akileraartarnermut ingerlatsiviup allaffissornikkut missingersuinerinik atuinnginnermut suleriaatsinut nalinginnaasunut ataqatigiissillugu aalajangersagaq isigineqassaaq. Missiliuineq pineqartillugu, missiliuineq ersarissumik naapertuutinnigippat imaluunniit kukkusumik tunngaveqarpat, akileraartarnermut ingerlatsiviup missiliuina eqqartuussivimmit taamaallaat atortinneqanngissinnaasoq, eqqartuussivimmi suleriaasiuvoq.

Naggataatigut pineqartup ajunngitsorsiassat sulisitsisumiit tigusunnerai, akileraartussaataasup nammineerluni aalajangertussaavaa. Taamaalilluni pineqartup akilerarutitigut nalinga isumaqatiginngikkuniuk. akileraartussaataasup akilerarutitigut sunniutaasussat malittaasut pinngitsoorluinnarsinnaavai.

GrønlandsBANKEN akiliunneqarluni feeriarluni angalanernut tunngasoq immikkoortoq misissorpaa aammalu paasisinnaallugu akiliunneqarluni feeriarluni angalanerini aamma sulisup nulia meeraalu pineqartunut ilaasut inatsisinik atuuttunik nassuiaanermini amigaataasoq. Nassuiaatini quppernermi 7-imi oqaaseqatigiit makkua allassimapput:

”Sulisitsisup allanut sulisuunngitsunut aningaasartuutit akiliinera, assersuutigalugu sulisup katissimallugu aappaanut imaluunniit meeraanut, atorfininnermi imaluunniit soraarnermi akiliunneqarluni angalaneq pineqarsimanngippat, aallaaviatigut sulisumut akileraruteqaataasussaassaq.”

Oqaaseqatigiit taakkua inatsisinut atuuttunut sanilliullugu eqqortumik allassimanngillat aammalu iluaqutaasumik erseqqissarneqarsinnaallutik.

Aningaaserivimmit tamanna annertuumik pingaarutilittut nalilerneqarpoq. Akeqanngitsumik ajunngitsorsiassanituulli, Akileraartarnermut Aqutsisoqarfik aqqissuussinerup allaffissornikkut aqunneqarnissaanut isumalluutit annertunerusunik immikkoortitsisimansoq, aningaaseriviup apeqqutigissavaa. Aningaaserivik nalilivoq, killissat allassimasut inuussutissarsiorluni angalanerini nalunaarutigineqarneranni akuutinneqartut saniatigut ulluni feeriarloqarsimansoq misissornissaa ajornakusoorsinnaasoq.

Immikkoortup matuma siuliani allassimasup erseqqissarneqarnissaanut oqaaseqaat pissutissaqalersitsivoq. Oqaasertaani assersuummi akiliunneqarluni feeriarluni angalanernut innersuussut ilanngunneqarpoq.

Akilerartarnermut ingerlatsivimmu allaffissornikkut sunniutaasussanut tunngatillugu siunertarineqarpoq, aallarnisaanerup nalaani, ilaatigut 2023-mi ajunngitsorsiassat isertitanut A-nut allanngortinneqarnerannut atatillugu aammalu misissuinernut ilitersuinernullu siunertanut, isumalluutinik annertunerusunik immikkoortitsisoqassasoq.

Taamaattoq siunissami siunnersuutip akilerartarnermut ingerlatsivimmu allaffissornikkut annertuunik sunniuteqarnissaa naatsorsuutigineqanngilaq.

Sulisitsisup tungaaniit aningaaserivik naliliivoq, suliffeqarfik aaqiissutissamik allaffissornikkut aqutsisussanngortinneqarsinnaassasoq, tassani ullut suut suliffiusimanersut aammalu ullut suut feeriarfiusimanersut sulisut uppersaallutik atsiortassallutik. Tamanna naapertuutinngilaq, aammalu Akilerartarnermut Aqutsisoqarfimmu uppersaatinut tunngavissatut tamanna aamma pisariaqanngitsumik oqimaappasilluni.

Nassuiaatini nassuiarneqartutut siunnersuutip malitsigisaanik, sulilluni angalanermut atatillugu feeriarloqarsimanera tunngavigalugu akilerartussaataasup ilaannakortumik akiliunneqarluni angalaneranut piumasaqaatit naammassineqarsimappata sulisitsisut paasissutissanik nalunaarutiginninnissamut pisussaaffeqarput. Tamanna sulisitsisunut suliassaqarnerulernermik malitseqarpoq.

Sulilluni angalanerup nassuiaassutigaa, angalaneq sulisitsisup soqutigisaanik ingerlanneqartoq. Taamaattumik angalanermut suna siunertaanersoq aammalu sulilluni angalanerup nalaani sulisoq sunik sulinissamut pisussaaffeqarnerersoq, sulisitsisoq aamma sulisartoq sioqqutsisumik isumaqatigiissimassasut nalinginnaasumik naatsorsuutigineqartariaqarpoq. Peqatigisaanik aamma sulisoq sulilluni angalanermut atatillugu feeriarpat, qaangiuttoornerit sulinngiffeqarfigippagit assigisaanilluunniit pisoqarpat, tamanna isumaqatigiissutigineqarsimasarpoq, tassami angalanermut aningaasartuutit ilaatigut sulisitsisumit akilerneqartarmata, aammalu sulisoq aningaasarsiaqartarmat, kiisalu pisut ilaanni akunnittarfimmiinnermut akiliunneqarsinnaalluni aamma sulilluni angalanerup nalaani ullormusiassanik il.il. pisinnaatitaassalluni.

Tamatuma saniatigut nalunaaquttap akunneranut aningaasarsiallit, atorfillit imaluunniit allat qaammammut aningaasarsiallit pineqarnerisut apeqquataatinnagu feeriarnerit nalunaarsorneqartussaassapput, ilaatigut feeriarnerup nalaani aningaasarsianik tunniussinissaq aamma ukiumi feeriarfiusumi il.il. kingusinnerusumut ullunik feeriarfissanik atorineqanngitsunik nuussinissaq eqqarsaatigalugit. Naatsorsuutigineqarpoq feerianut

naatsorsuutinit paasissutissat, sulilluni angalanernut atatillugu ullut uninngaffiusut sulineranut imaluunniit feeriarnermut il.il. atorneqarsimanersut misissornissaanut, atorneqarsinnaassasut.

Sulisitsisut (GE)

Akeqanngitsumik ineqarneq

Akeqanngitsumik ineqarnerup isumaqatigiissutigineqartup akileraarutitigut nalingata aalajangersarneqarneranut atatillugu, siunnersuummi pissarsiarineranut akia siusinnerusukkut annerpaamik m²-imut kr. 15.000-nit maannakut m²-imut kr. 35.000-nut qaffanneqarpoq.

M²-imut niuerfimmi akia annerpaamik 15.000 koruuninut aalajangersarneqarneraniilli annertuumik qaffappoq. Tamanna aamma ineqarnermut akiliutinut atuuppoq.

Kisianni m²-imut 20.000 koruuninik qaffaaneq ataatsikkut annertooujussuarmik qaffaaneruvoq. Inissiap 100 m²-isut annertussusillip akileraarutitigut nalingata ukiumut 30.000 koruuninik qaffanneranik tamanna malitseqassaaq.

Ineqarnermut akiliutip qaffannera namminersortut suliassa qarfianni aningaasarsianut isumaqatiginninniarnermi tamatumunnga taarsiivigineqarnissamik piumasqaateqarnermik malitseqassasoq ilimanarpoq, tamatumalu namminersorlutik inuussutissarsiortut aningaasartuutai qaffatsittussaavai.

GE-p inassutigissavaa 35.000 koruuninut qaffaaneq assersuutigalugu ukiut pingasut ingerlanerannut agguarneqassasoq, tassa imaappoq ukiumut 6.000 koruuninik qaffalluni.

Siunnersuutigineqartutut allannguutip taarsiinissamut inuussutissarsiortut namminersortut aningaasartuutaasa naapertuutinngitsumik qaffanneranik malitseqarsinnaanerata aarlerinaateqarnerata pakkersimaarnissaa siunertaralugu, qaffaatip atuutsikkiartuaarnissaa siunertaralugu siunnersuut iluarsineqarpoq. Allannguut siunnersuummi § 19 a, imm. 2-mi ilanngunneqarpoq.

Najugaqarallartunut imaluunniit utaqqiisaasumik najugaqarallartunut ineqartitsineq Najugaqarallarnermi aamma utaqqiisaasumik najugaqarallarnermi ineqartitsinermi akileraarutitigut nalinga siunnersuummi appasissorujussuuvoq.

GE-p inassutigissavaa najugaqarallartunut utaqqiisaasumik najugaqarallartunullu ineqartitsinermi periarfissaq aamma pisortat naligalugit inuussutissarsiortunut namminersortunut atuutissasoq.

Utaqqiisaasumik najugaqarallartunut najugaqarallartunullu ineqarneq pillugu aalajangersakkani pisortani sulisitsisut taamaallaat pineqartunut ilaatinneqarnerannut pissutaavoq, sulisitsisut namminersortut sulisuminnut inissianik taamaattunik

neqerooruteqarsinnaanerannut ammaanermi annertuumik atornerluinissap aarlerinaateqarsinnaanera.

Najugaqarallarnermi inissiami ataavartumik najugaqaannartussaalluni sulisoq aningaasarsiakinnerulissasoq, sulisoq aamma sulisitsisoq assersuutigalugu isumaqatigiissinnaapput. Akileraarutitigt tamanna sulisartup sipaaruteqarneranik malitseqarsinnaavoq, sulisitsisoq ajornerusumik inissisimalerani, tassami sulisitsisup attartornermut aningaasartuutit taamatullu aningaasarsianut aningaasartuutit ilanngaatigisinnaammagit. Taamaaliornermi sulisitsisoq aamma sulisoq akeqanngitsumik ineqarnerup akileraaruserneqartarneranik innarliinissamik ataatsimoorlutik soqutigisaqarsinnaapput.

Pisortat sulisitsisutut, maleruagassat aningaasannanniutiginissaat soqutigisarissanngikkaat ilimagineqarpoq. Pisortani sulisitsisuniit taamatut aningaasannanniartoqartoq paasineqassappat, maleruagassat sukannernerulersinnissaat pisariaqalersinnaavoq.

Najugaqarallarnermut annertussusiliussat qaffanneqarnissaat isumaliutersuutigineqartariaqaraluarpoq, taamaalillutik taakkua attartukkanut allanut sanilliullugu niuerfimmi akigititanut aamma naapertuutilissallutik, § 19 a, imm. 2-mi niuerfimmi akigititat aallaavigalugit pissarsiarinerani akigititat qaffanneqartarneratuulli.

Tusarniaanermut akissuteqaat allannngortitsinissamut pissutissaqalersitsinngilaq. Najugaqarallarnermi aamma utaqqiisaasumik najugaqarallarnermi inissiat assigiinngitsorujussuarmik pitsaasuseqarsinnaanerat, aammalu sulisunut inissiamik atugassaqalernerani sulisup sivikitsuaqqamik piffissaqartinneqarluni inissiamit nuuttariaqalertussaanera innersuussutigineqarput.

Sulilluni angalanerit aamma akiliunneqarluni feeriarluni angalanerit Sulilluni aamma feeriarluni angalanerit ataqatigiissinneranni ilaannakortumik akileraarusiisarnermut tunngatillugu, ullut suut ulluni 5-ini, feeriarnermut tunngasortaanut akileraarusiisoqassanersoq killiliussani, naatsorsuinermi ilaatinneqassanersut, paasinarsisinneqanngilluinnarpoq.

Inatsimmi allassimavoq arfininngornerit aamma sapaatit ulluni tulleriinni 5-ini ilaasut, ullunik 5-inik naatsorsuinermi ilaatinneqanngitsut. Inatsimmut nassuiaatini qupperneq 9-mi quллерmi allassimavoq, ullut feeriarfiusut aamma ullut nalliuttut il.il.” ullunik 5-inik naatsorsuinermi ilaasussaasut.

Tassunga tunngatillugu arfininngornerit/sapaatit aamma nalliuttut immikkoortinneqarnerat ingerlaannaq eqqarsartaatsimut naapertuuppasinngilaq. Ullut nalliuttut tamatigtut sapaatip akunnerata naalerneraniittannginnerat, immikkoortiterinermut naapertuussinnaanngilaq.

Taamaattumik GE-p inassutigaa ullut 5-it amerlanerpaaffissat, akileraarusiinissamut killiliunneqartut, naatsorsorneqarneranni ullut nalliuttut naatsorsuinermi ilaatinneqassanngitsut.

Siunnersuutip iluarsineqarnissaanut tusarniaanermut akissuteqaatit pissutissaqalersitsipput, taamaalilluni naatsorsuinermi ullut nalliuttut ilaatinneqassanatit.

Siunnersuut malillugu angalanerup namminermut tunngasortaa minnerpaamik uninnganerup 50 procentianik annertussuseqarpat, imaluunniit minnerpaamik ataqatigiissuni ullunik 5-inik sivilissuseqarpat, ilaannakortumik akiliunneqarluni angalanermut akileraartussaataaneq atuutissaaq.

Arfininngornerit sapaatillu ilaatinneqannginnerannut pingaartumik siunertaavoq, sulilluni angalanerit sivikitsuinnaat, pissusiviusuni pisut akileraarusiisussanngortitsinissaasa pinngitsoortinnissaa, tassami aamma ullut angalaffiusut ilaatinneqartanngimmata. Assersuutigalugu sulisoq sulilluni angalanermini sisamanngornermi aallaruni aammalu aatsaat ataasinngornermi utimut timmisartumut angumersisinnaalluni pisoqarnerani, tamanna pisinnaassaaq.

Siunnersuut tusarniaassutigineqartoq malillugu uninnganerup namminermut tunngasortaani naatsorsuinermi ullut nalliuttut ilanngunneqartarput, tassami ullut taakkua aallaaviatigut sulisup sulinngiffeqarfigisarmagit. Angalaneq pilersaarusiorneqarpat, taamaalilluni ullut nalliuttut ilanngunneqarlutik, assersuutigalugu påski imaluunniit juullip ullui, taamaattumik aamma ullut taakkua namminermut tunngasortaani ilaatinnissaat naleqquppassippoq. Ullut nalliuttut arfininngornerniippata imaluunniit sapaatiniippata, taakkua angalanerup namminermut tunngasortaani naatsorsuinermi ilaatinneqassanngillat. Taamatutaaq sulisoq ulluni nalliuttuni pineqartuni pissusiviusuni sulisimasoq uppernarsarneqarpat. Ullut inuussutissarsiornermut tunngasortaani ilaatinneqarsinnaapput.

Taamaattoq siunnersuutip tusarniaanermut akissuteqaammut naapertuuttumik iluarsineqarnissaanut, tusarniaanermut akissuteqaat pissutissaqalersitsivoq, tassami angalanerini taamaattuni namminermut tunngasortaani pisariitsumik assigiissaartumik naatsorsuinissap qulakkeernissaa pingaartinneqarmat.

Ilaqutariinnut akiliunneqarluni feeriarluni angalanerut tunngatillugu maleruagassanik allanngortitsineq siunnersuummi ilaatinneqarpassippoq.

Siunnersuummut nassuiaatini qupperneq 7-imi qullermi makkua allassimapput:

”Sulisitsisup allanut sulisuunngitsunut aningaasartuutinik akiliinera, assersuutigalugu sulisup katissimallugu aappaanut imaluunniit meeraanut,

atorfininnermi imaluunniit soraarnermi akiliunneqarluni angalaneq pineqarsimangippat, aallaaviatigut sulisumut akileraaruteqaataasussaasaq.”

Ukiumoortumik akiliunneqarluni angalanissami ataatsimi sulisitsisumut isumaqatigiissutigineqartumi aappaasoq meeqqallu aamma pineqartunut ilaatinneqarpata, akiliunneqarluni angalaneq taanna ukiumoortumik angalanertut ataatsitut kisermaamut isumaqatigiissutigineqartutut akileraaruteqaataasussaangitsoq, ulloq manna angullugu – paasissutissat ataani atsiortup tigummisai malillugit – maleruagassaasimavoq.

Issuarneqartoq maleruagassamik allangortitsinermut takussutissaava, imaluunniit kukkusoqartoq tassani pineqarpa? Kukkusoqarsimangippat, maannakkut akiliunneqarluni feeriarluni angalanerup aamma aapparissamik immaqalu meeqqanik ilaatitsiviusup akileraaruserneqartalernissaanut suut tunngavilersuutaappat?

Sulisut akiliunneqarlutik feeriarlutik angalanissamik isumaqatigiissuteqartut, sulisumut, aappaanut meeraannullu 18-it inorlugit ukiulinnut akileraaruteqanngitsumik ukiumut ataasiarlutik akiliunneqarlutik feeriarlutik angalasinnaaginnarnissaat GE-p inassutigaa.

Oqaaseqaat taanna, aammalu GrønlandsBankenimit oqaaseqaat taassuma assinga, immikkoortumi tassani nassuiaatit nalinginnaasut erseqqissarneqarnissaannut pissutissaqalersitsippat. Ukiumut ataasiarluni akiliunneqarluni feeriarluni angalanermut § 34, nr. 15-imi maleruagassiivigineqartumut maleruagassaq siunnersuummi allangortinneqanngilaq.

Business classimi akiliunneqarluni feeriarluni angalanissamut isumaqatigiissuteqartut amerlangillat. Amerlanersaat killilersuutitalinnik billetseqartussaapput, tassa imaappoq angalanerit akikinnerpaat ilaanni.

Akiliunneqarluni feeriarluni angalanermut akileraaruteqaataasussamut akigitat Air Greenlandip akigititaannut qaffasinnerpaanut, tassa imaappoq tamakkiisumik allangortinneqarsinnaalluni akisunermut, aalajangersagaapput.

Annertussusiliussat niuerfimmi akigititanut naapertuutissappata, akiliunneqarluni angalanerup akileraarutitigut nalinga 13.000 koruuninut taamaaqataanullu meeqqanut annertussuseqalersillugu appartinneqartariaqaralarpoq.

Tusarniaanermut akissuteqaat allangortitsinissamut pissutissaqalersitsinngilaq. Nassuiarneqartutut § 34, nr. 15 naapertorlugu akiliunneqarluni feeriarluni angalanermut akileraarusiisarnermut allanguutinik siunnersuut imaqanngilaq. § 34, nr. 15 malillugu akiliunneqarluni feeriarluni angalaneq akileraaruteqaataasussaangitsoq angalanermut akigititanut akikinnerpaanut ingerlanneqartussaavoq, tamatumani akiliunneqarluni feeriarluni angalanerit pillugit tjenestemandinut maleruagassat atuuttut malinneqarpud.

Akiliunneqarluni angalanerit akileraaruteqaataasussat pineqartillugit, siunnersuummi aalajangersakkat akiliunneqarluni angalanerit nalingannik annertussusiliinernik imaqarput, taakkua peqatigisaanik annertussusiliussat annerpaaffissaralugit. Sulisitsisup billestinut aningaasartuutit akiligai tunngavigalugit akileraarusiineq aallaaviatigut ingerlanneqassaaq, taamaattoq annertussusiliussat aalajangersarneqartut annerpaaffissaallutik. Paarlattuanik akiliunneqarluni angalanerit akileraaruteqaataasussaannngitsut § 34, nr. 15-imi pineqartunut ilaapput, tassani angalanissaq pillugu piumasaaqat sapinngisamik akikinnerpaamik ingerlanneqartussaalluni, taamatut akiliunneqarluni angalaneq akileraaruteqaataasussat qanoq akisutigisinaanersoq killissaliussaannngillat. Taamaattoq annertussusiliussat annerpaaffissai aalajangersarneqartut aningaasannanniarfigineqartut akileraartarnermut ingerlatsivik isumaqarpat, aningaasannanniarnep ilaatinneqannginnera atuuppoq.

Naliliinerni annertussusiliussanik iluarsineq

Akeqanngitsumik ajunngitsorsiassanut akigitat iluarsineqartarnerat pillugu aalajangersakkamik ilanngussisoqarpat GE-p akuersaarpa, taamaalilluni siunissami ataatsikkut annertoorsuarmik iluarsisoqartassanngimmat.

Taamaaqataanik akileraarutitigut ajunngitsorsiassat aningaasartanik, takuuk § 20, imm. 2, akeqanngitsumik ajunngitsorsiassani pisutut, iluarsisoqartassasoq, tamatumalu kingorna akinik naleqqussaannermt procentiliussaq atorlugu ukiumoortumik iluarsisoqartassasoq, GE-p inassutigaa. Annertussusiliussat taakkua ukiuni 25-ni kingullerni taamaaginnarsimapput.

Akeqanngitsumik ajunngitsorsiassat nalingini annertussusiliussanik iluarsisarnissaq siunnersuutigineqartoq akuersarneqartoq maluginiarneqarpoq. Tamatuma saniatigut isertitat B-t akileraaruteqaataasussaannngitsut aningaasartaasa (§ 20, imm. 2) taamatuttaaq annertussusiliussani iluarsineqartarnissaat kissaatigalugu GE-p oqaatigaa.

Tusarniaanermut akissuteqaat allannortitsinissamut pissutissaqalersitsinnngilaq. Isertitat B-t akileraaruteqaataasussaannngitsut aningaasartai ilanngaatigineqartussaapput, pingaartumik isertitat B-t annikitsut, ataasiaannartumik pisussat pissutigalugit allaffissorpallaarnissaq aamma akileraarutininik sinneruttoqarnissaata pinngitsoortinneqarnissaannik kissaateqarnermut teknikkikkut allaffissornikkut pissutaasunut nassuiaataalluni.

Isertitat B-t 5.000 koruunit inorlugit annertussuseqartut sooq isertitanit allanit allaanerusumik pineqassanersut, akileraarutitigut tunngavilersuuteqarpasinnngilaq. Akileraarutitigut suliarinninnermi assigiinnngissutaasut taakkua, aningaasarsianik il.il. katiterinermi, aningaasarsiat aamma akeqanngitsumik ajunngitsorsiassat qanoq akileraaruserneqartarnerisa assigiinnngissutaanni aningaasannanniutiginninnissamut, akileraartussaataasumut kajumissuseqalersitsisussaapput. Siunnersuummi nassuiaatini aallarniutaasuni nassuiarneqartutut tamanna aamma pisut ilaanni annikinnerusumik sunniuteqanngitsumik akileraarusiinnermik malitseqartussaavoq.

Naalackersuisut Siulittaasuata Naalackersuisoqarfia

§ 3 a, imm. 3 malillugu suliffeqarfiit imm. 1-2-mi pineqartunut ilaasut, pissutsit immikkut illuinnartut pineqartillugit entreprenørinik, pilersuisunik il.il. imm. 2-mi pineqartunut ilaasunit allaanerusunik atuisinnaapput.

Taamaaliornermi siunertamut kontumut 24.10 akileraarutit toqqaannartut, oqaasertaliussap nr. 6-ip (AI2021, quppernerit 50-51) kiisalu siunnersuummi aalajangersakkanut ataasiakkaanut nassuiaatit (qupp. 38) pilersuisunut taamaallaat innersuussiviusut, imarisaanni takuneqartunit inatsisissatut siunnersuut annertuneruvoq.

Tassunga atatillugu oqaasertaliusseq, Pituffimmi sakkutooqarfimmi kiffartuussinissamut isumaqatigiissut pillugu isumaqatiginninniarnert 2020-mi naammassineqartut atuutsinneqaqqaarneri, maligassiuisoq ilimagineqartariaqarpoq, taamaattumik inatsisissatut siunnersuutip tamatumunnga naapertuuttumik naleqqussarneqarnissaa (killissalernerneqarnissaa) inassutigineqarpoq.

Naliliisoqarpoq siunnersuummi § 3 a-p oqaasertalernerneqarnera 2021-mut aningaasanut inatsimmi oqaasertaliussamut matuma siuliani taaneqartunut naapertuuttoq. Siunnersuummi § 3 a, imm. 3-mut nassuiaatit kalaallinik pilersuisussanik il.il. atuinissamut pisussaaffimmit ilaatitsinnginnerup annertussusaanut sanilliullugu erseqqissarneqarnissaannut tusarniaanermut akissuteqaat pissutissaqalersitsivoq.

Aalajangersakkanut ataasiakkaanut nassuiaatit malillugit (qupp. 41) sulisitsisup aningaasartuutit akilersimappagit nalinga tamatumunnga taarsiullugu immikkut akileraaruserneqarsimappat, utaqqiisaasumik najugaqarallarnermi aamma najugaqarallarnermi annertussusiliussani innaallagissamik, imermik kiassarnermillu atuneq ilaatinneqanngilaq. Taamaalilluni suleriaaseq atuuttoq allanngortinneqarpoq. Tamanna nassuiaatini iluaqutaasumik ersarissarneqarsinnaavoq aammalu inatsisissatut siunnersuummi allanneqarsinnaalluni. Tassunga atatillugu oqaatigineqassaaq inissiat aalajangersimasut immikkut imermut kiassarnermullu uuttuuteqanngitsut ilimanarmat, tamatumalu imminermini atuinerup naatsorsornissaa akileraarusernissaalu ajornakusoortissavaa. Taamatullu allannguut maannakkut Utaqqiisaasumik inissiisarnermi sulisunut allaffissornikkut suliakkersuinerulissasoq ilimagineqartariaqarluni.

Akileraarutitigut suleriaaserineqarpoq, sulisitsisup sullissinernut taakkununnga aningaasartuutit akilersimappagit, sulisut akeqanngitsumik innaallagiaqarnerup, imeqarnerup kiassarnerullu nalinganit akileraaruserneqassasut. Tamanna najugaqarallarnermi aamma utaqqiisaasumik najugaqarallarnermi ineqarneq pineqartillugu aallaaviatigut aamma atuuppoq.

Najugaqarallarnermi aamma utaqqiisaasumik najugaqarallarnermi pisut ilaanni innaallagiaqarneq, imeqarneq kiassarnerlu pisortat inissiaataanni ilaatinneqartarpoq, assersuutigalugu ataasiakkaatigut atuinnermut uuttuuteqartinnagu. Pisuni taakkunani sulisut akeqanngitsumik innaallagiaqarnermut, imeqarnermut kiassarnermullu akileraaruserneqartanngillat, tassami sulisitsisup aningaasartuutit immikkoortillugit akilersimannimmagit. Assersuutigalugu utaqqiisaasumik najugaqarallarnermi vandrehjemmimi imaluunniit akunnittarfiup inissiaataanni immikkut atuinnermut akiliisitsisoqarani pisimappat, imaluunniit inissiaq inunnik arlalinnik akileraartussaataasup inoqutaanniinngitsunik inigineqarpat, tamanna pisanngilaq. Suleriaatsip taassuma allannortinneqarnissaa siunnersuummi siunertarineqanngilaq.

Inatsisissatut siunnersuut pisut ilaanni assingusumik aaqqiinerup (ass. §18, imm. 3) aamma aalajangersakkanut ataasiakkaanut nassuiaatit (ass. atuutilerana) imarisaannit allaaneruvoq, tamannalu Aningaasaqarnermut Nunamullu Namminermut Naalackersuisoqarfiup ileqqorissaarnissaq eqqarsaatigalugu eqqumaffigisariaqarpaa.

Assingusumik aaqqiinerup misissornissaanut nutarternissaanullu tusarniaanermut akissuteqaat pissutissaqalersitsinngilaq.

Peqqissutsimut Naalackersuisoqarfik

Peqqissutsimut Naalackersuisoqarfiup oqaatigaa, siunnersuut inuit peqqissusaannut sunnuteqassanngitsoq pillugu inatsisissatut siunnersuummut nassuiaatit Naalackersuisoqarfiup isumaqatigigaa.

Naalackersuisoqarfik nassiunneqartunut allanik oqaaseqaatissaqanngilaq.

Tusarniaanermut akissuteqaat allannortitsinissamat pissutissaqalersitsinngilaq.

Ineqarnermut, Attaveqatigiinnermut, Naligiisitaanermullu Naalackersuisoqarfik

Inissiami pequtinik akeqanngitsumik atugassiisarnermut 2.3.3.-mi akeqanngitsumik ineqarnermut nassuiaatini qupperneq 11-mi allartittumut tunngatillugu, ilanngullugit utaqqiisaasumik najugaqarallarnermi aamma utaqqiisaasumik najugaqarallarnermi ineqarneq, inissianik attartortitsisarneq pillugu Inatsisartut peqqussutaat nr. 2, 12. maj 2005-meersumi § 31 aamma illuutinik najugaqarfissatut attartortitsisarneq pillugu Namminersornerullutik Oqartussat nalunaarutaat nr. 12., 23. april 2008-meersoq innersuussutigineqarput.

Nalunaarummi taaneqartumi § 4 naapertorlugu pisatsersuinnermut akiliummik, ingerlatsinnermut akiliummut § 3 malillugu aalajangersarneqartumut ilanngunneqartussamik, akiliisoqartussaavoq. Illuutinik najugaqarfissatut attartortitsisarneq pillugu Namminersornerullutik Oqartussat nalunaarutaat nr. 12., 23. april 2008-meersumi ingerlatsinnermut akiliut kvadratmeterimut 580 koruuniuvoq, taamaalillunilu siunnersuummi §

19 a, imm. 2-mit, ingerlatsinermut akiliut appasinnerutillugu aalajangersaaviusumit, allaanerulluni.

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi § 31 naapertorlugu aningaasaliissutinit iluanaarummut aningaasartat annerpaaffissaat 15.000 koruuninut aalajangersarneqarpoq, siunnersuummi aningaasartaq taanna qaffasinnerussasoq siunnersuutigineqarluni.

Aningaasartat assigiinngitsut marluk attartortumit akilersinneqartussat aammalu akileraaruserneqartussat tassani pineqarput.

Akileraartarnermut inatsisini aamma attartortitsisarnermut inatsisini ”ingerlatsinermut akiliummut”, ”aningaasaliissutinit iluanaarummut” aamma ”pequtitik akeqanngitsumik atuinerup nalinganut / pisatsersuinerneq akiliummut”, kisianni inatsisit arlaat innersuussutigineqarnerneq apeqqutaalluni assigiinngitsunik aningaasartaqartunut, innersuussisoqarnera naapertuutinngilaq.

Ingerlatsinermut akiliummut, aningaasaliissutinit iluanaarutinit imaluunniit pisatsersuinerneq akiliummut aningaasartat annertussusai allanngortinneqassappata, tamanna attartortitsisarnermut inatsit naapertorlugu siullermik pisariaqarpoq, tamatumalu kingorna akileraartarnermut inatsisinut sanilliussisoqarsinnaassalluni.

Siunnersuummi nassuiaatit erseqqissarnissaannut tusarniaanermut akissuteqaat pissutissaqalersitsivoq, tassalu akileraarutitigut periaatsini attartortitsisarnermut inatsimmi tunngaviusut aallaavigineqartut, kisianni maleruagassat taakkua akornanni allaanerusoqartoq.

Illuutitik najugaqarfissatut attartortitsisarneq pillugu Namminersornerullutik Oqartussat nalunaarutaat nr. 12., 23. april 2008-meersumi ingerlatsinermut akiliut kvadratmeterimut 580 koruuniusoq, taamaalillunilu siunnersuummi § 19 a, imm. 2-mit, ingerlatsinermut akiliut appasinnerusumut aalajangersaanermut allaanerusoq, tusarniaanermut akissuteqaammi tikkuarneqarpoq. Oqaatigineqarpoq nalunaarummi tassani § 4-mi pisatsersuinerneq akiliummut annertussusiliusseq aalajangersarneqartoq.

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi § 31-mi aningaasaliissutinit iluanaarutit naatsorsorneqarnerani m²-imut 15.000 koruuni annertunerpaaffissaliunneqartoq, tikkuarneqarpoq.

Kiisalu allassimavoq maleruagassat akornanni taamatut assigiinngissuteqarnera naapertuutinngissinnaasoq.

Sulisog il.il. sulisitsisumit il.il. inissiamik akeqanngitsumik atugassinneqarpat, nalinga sorleq akileraruserneqassanersoq pillugu apeqqu, akileraarutitut inatsimmi maleruagassiivigineqarpoq. Akeqanngitsumik ineqarnerup akileraarutitigut nalinganik naatsorsuinnermut periaatsimi ullumikkut illuutitut attartortittakkanut pisortanit pigineqartunut ineqarnermut akiliutip aalajangersarneqartarnera pillugu attartortitsisarnermut inatsimmi maleruagassani tunngaviusut aallaavigineqartarput. Kisianni akileraarutitigut nalinga, tamanna naapertuussimappat, tunngaviusut allarluinnaat malillugit pisinnaavoq.

Siunnersuummi akileraarutitigut "ingerlatsinnermut akiliummut" akileraartarnermut ingerlatsiviup nalunaarutaani allassimasutut suleriaaseq atuutereersoq ingerlateqqinneqarpoq. Taamaattumik ullumikkumut sanilliullugu allannortitsinnermik siunnersuut kinguneqassanngilaq.

Nalunaarummi siuliani taaneqartumi § 4 naapertorlugu pisatsersuinnermut akiliut, taamatuttaaq pisattanik atugassinneqarneq akileraarutitut suleriaaseq atuuttoq malillugu akileraartarnermut ingerlatsiviup nalunaaruta nr. 135, 2020-meersoq naapertorlugu qanoq akileraruserneqassanersoq, allaanerussuteqarpoq.

Taamaalilluni akileraarutitigut suleriaatsip, ilaatigut akileraartarnermut ingerlatsivimmit il.il. nalunaarutini oqaatigineqartup, aamma attartortitsisarnermut inatsisini maleruagassat, ullumikkut assigiinngissuteqareerput. Maleruagassat assigiinngitsunik atuuffissaqarnerat siunertaqarnerannut, tamatumani pissutaavoq.

Tassunga atatillugu, akileraartarnermut inatsisini allannuutitut – akileraarutitut tunngasut sumiissusersinissaat siunertaralugu ingerlanneqartunut – tamanna pitinnagu attartortitsisarnermut inatsisini maleruagassanik allannortitsinissaq apeqqutaasussaasoq, Ineqarnermut, Attaveqatigiinnermut, Naligiisitaanermullu Naalakkersuisoqarfiup tungaaniit paatsoortoqarsimassaaq. Akileraartarnermut inatsisini immikkoortut ilaanni tunngaviusut taaguusersuutillu, soorlu ingerlatsinnermut akiliut aamma aningaasaliissutitut iluanaarut, attartortitsisarnermut inatsimmeersuusut, atornerqaraluartut taamaattoqanngilaq. Aammattaaq taakkua assigiinngissutaasut ataasiakkaatigut naapertuutinningsunut attuumassuteqarnerannut assersuutitut tusarniaanermut akissuteqaammi tikkuaasoqanngilaq.

Inatsisissatut siunnersuummi akeqanngitsumik ineqarneq pillugu akileraarutitut suleriaaseq atuuttoq pingaarnertigut ingerlateqqinneqarpoq, kisianni ilaatigut siunnersuutigineqarpoq kvadratmeterimut maannakkut annerpaaffiliussaq 15.000 koruuniusoq qaffanneqassasoq siunnersuutigineqarluni. Allannortitsinnermut pissutaavoq, akeqanngitsumik ineqarnerup akileraarutitigut nalinga aamma ineqarnermut niuerfinni niuerfimmi ineqarnermut akiliutit annertuumik assigiinngissuteqartut paasineqarnerat. Siunnersuummi nassuiaatini

*aallarniutaasuni nassuiarneqartutut taakkua akornanni annertuumik nikingassuteqarneq
naapertuutinngissinnaavoq.*